

This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

#### Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + Refrain from automated querying Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

#### **About Google Book Search**

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at http://books.google.com/

# 9333



### Harbard College Library

FROM THE

#### CONSTANTIUS FUND.

Established by Professor E. A. SOPHOCLES of Harvard University for "the purchase of Greek and Latin books (the ancient classics) or of Arabic books, or of books illustrating or explaining such Greek, Latin, or Arabic books." (Will, dated 1880.)

Received 6 Sept. 1092.





# DE SCOLIORUM POESI.

# AD SUMMOS IN PHILOSOPHIA HONORES AB AMPLISSIMO PHILOSOPHORUM VINDOBONENSIUM ORDINE RITE OBTINENDOS


SCRIPSIT

August Visited

**AUGUSTUS GODOFREDUS ENGELBRECHT** 

VINDOBONENSIS.

VINDOBONAE
SUMPTIBUS ET TYPIS CAROLI GEROLD FILII.
MDCCCLXXXII.



# EMANUELI HOFFMANNO GUILELMO HARTELIO CAROLO SCHENKELIO

D. D. D.



## VITA.

Natus sum Augustus Godofredus Engelbrecht pridie Idus Martias a. h. s. LXI. Vindobonae patre Augusto, architecto Vindobonensi, matre Josepha e gente Dressleriana, quos vivos pia mente colo, fidem profiteor catholicam, ad nonum usque aetatis annum litterarum rudimentis imbutus in urbis patriae ludo, a parentibus carissimis missus sum in monasterii Seitenstadiensis gymnasium, quod a patribus reverendis St. Benedicti collegio ascriptis egregie administratur, ibique per septem annos continuos (inde ab a. LXX usque ad LXXVII) litterarum me dedi studiis, donec gravi correptus morbo coactus sum, ut gymnasio publico derelicto inter privatos parietes ad maturitatis testimonium adipiscendum ipse me praepararem, quod adeptus autumno anni LXXVIII in academia Vindobonensi antiquarum litterarum studiis operam daturus cum nomen apud illustrissimi philosophorum ordinis decanum, Carolum Schenkelium, fausto omine professus essem, a rectore magnifico v. d. Henrico Siegl in album academicum relatus sum. in hac litterarum sede scholis interfui, quas habuerunt viri clarissimi: G. Hartel, E. Hoffmann, C. Schenkl, Th. Gomperz, O. Hirschfeld, M. Gitlbauer, R. Zimmermann, Th. Vogt. ac primo iam semestri spatio cum participi esse mihi liceret exercitationum philologarum, eximio magistrorum maxime dilectorum Hartelii, Hoffmanni, Schenkelii favore et benevolentia factum est, ut primo statim studiorum academicorum anno ascriberer seminario philologico sodalis ordinarius, qua in societate per tres annos versatus sum bibliothecae cura simul per unum annum mihi mandata.

Iam cum seminarii exercitationibus interessem, animus miro quodam ardore inclinabat ad eam rem accuratius tractandam, de qua hoc opusculo agitur, neque magistri, qui seminario praesunt, passi sunt, ut postea ille ardor languesceret. quibus viris, qui studia mea consiliis et exemplo sublevarunt, gratias ago quam maximas semperque agam, et si quid inerit in hoc opusculo, quod illis placeat, dulcissimum et plenissimum strenui laboris fructum percepisse mihi videbor.

De scoliorum seu carminum convivalium, quae erant apud Graecos, origine ac natura si hoc libello disputationem instituero, nemo puto mirabitur, qui quo loco ea sit quaestio hoc tempore accuratius intellexerit. tantum enim abest, ut ea res iam confecta sit atque explicata, ut post ea, quae ante hos centum fere annos Ilgen disputavit, nihil fere a viris doctis collatum sit ad hanc quaestionem expediendam. Ilgenii autem libellum, quamquam is laudabile sane in ea re exploranda posuit studium, quae est litterarum antiquarum hac aetate condicio, non omni ex parte nobis posse satisfacere qui vel aliquot eius paginas obiter perlustraverit facile intelleget, quae cum ita sint, haud mihi verendum esse puto, ne rem actam agere videar, si post Ilgenium denuo eam rem in disceptationem vocaverim: quamquam bene sentio, quam arduum sit opus aleaeque plenum in ea quaestione explicanda versari, ubi saepius quibus innitaris certa desint fundamenta ac, cum non ex largo fonte, sed ex tenui aquae vena haurire nobis liceat, interdum ad conjecturas confugiendum sit.

Hanc igitur quaestionem instituturus ante omnia id mihi proposui, ut firmum toti quaestioni quasi fundamentum iacerem veterum testimoniis in medium prolatis atque accurate examinatis, ne coniecturis vanis neque veterum auctoritate neque indole sermonis et poesis Graecae comprobatis deceptus a recta disputandi via aberrarem.

Totam autem quaestionem ita sum tractaturus, ut scribendi principia capiam a disputatione de veteribus scriptoribus, qui de scoliorum poesi egerunt, ac deinde virorum doctorum, qui nostra aetate de eadem re scripserunt, recenseam commentationes. quibus quasi praefationis loco praemissis primum de scoliorum origine dicam, deinde, unde ea nomen traxerint, exponam; tum quid de scoliorum vi ac natura sit statuendum, quod discrimen intercedat inter haec ceteraque carmina convivalia, quando quibusque instrumentis musicis accinentibus scolia cantata sint, describam. quibus rebus absolutis iam pauca addam de poetis, qui scoliis compositis inclaruerunt; denique exploremus necesse est, quo tempore scoliorum poesis floruerit, quandoque eorum usus imminutus sit paulatimque prorsus desierit.

Scoliorum poesis originem ac naturam iam ipsis grammaticis veteribus, qui quidem Caesaris Octaviani Augusti temporibus vixerunt, non satis perspectas fuisse ex commentariis, quos de ea re conscripserunt, intellegitur. ad nostram quidem memoriam paucorum eius modi commentariorum pervenit notitia, quorum auctores fuerunt Tyrannio et Didymus Chalcenterus, de quibus, quidquid expiscari mihi contigit, iam proponam.

Ac Tyrannionem quidem peculiarem libellum de scoliis confecisse docemur a Suida s. v. σκολιόν· ὑπόμνημα ἔγραψε Τυραννίων περὶ τοῦ σκολιοῦ μέτρου, ὁ προετάθη αὐτῷ ὑπὸ Γαΐου Καίσαρος, quae verba repetita legimus ex interpolatione Marci Musuri in scholiis ad Aristophanis Ran. v. 1302. quamquam mirum videri potest, quod grammaticus ille περὶ τοῦ σκολιοῦ μέτρου, at non περὶ τῶν σκολιῶν μελῶν scripsisse a Suida perhibetur. quam ob rem, si Suidae verba premes, statuendum tibi erit Tyrannionem libro illo non tam de scoliorum poesi in universum disputavisse, quam in diversa singulorum scoliorum metra inquisivisse, qua in re explicanda scolia, quae circumferebantur, diligenter colligeret deque diversissimis metris — nam nullo certo metro astricta fuisse haec carmina postea demonstrabimus — ageret necesse erat. atque eius modi disquisitio quam maxime erat grammatici, qualis erat Tyrannio; parum autem

veri simile esse videtur illo libro accuratius etiam de scoliorum origine, nomine, vi ac natura disputatum fuisse, quippe cum tales quaestiones graviores ac subtiliores sint, quam quae isti homini tribui possint. quae cum ita sint, non esse videtur, cur Suidae diffidamus, qui disertis verbis de scolio metro Tyrannionem scripsisse tradit, neve quis contenderit μέτρον Suidae loco idem valere ac μέλη.

Quis autem fuerit Tyrannio ille ex eodem Suida comperimus, qui duos grammaticos 1) aetate non ita multum inter se distantes commemorat s. v. Tvoavvlov ... 'Αμισηνός. έχρημάτιζε δὲ Κοούμβου, γεγονώς έπλ Πομπηίου τοῦ μεγάλου, καλ ποότεοον κτέ. ac de altero Tyrannione haec refert: Τυραννίων, δ νεώτερος, Φοῖνιξ, πατρὸς 'Αρτεμιδώρου, μαθητής Τυραννίωνος του πρεσβυτέρου διό και ώνομάσθη Τυραννίων, πρότερον καλούμενος Διοκλής. αίγμάλωτος δὲ γενόμενος καὶ αὐτὸς ἐπὶ τοῦ πολέμου 'Αντωνίου καὶ Καίσαρος ὑπό τινος Δύμαντος ἀνήθη, τοῦ Καίσαρος όντος απελευθέρου, είτα έδωρήθη Τερεντία τη του Κικέρωνος γυναικί, έλευθερωθείς δὲ ὑπ' αὐτῆς ἐσοφίστευσεν ἐν ' Ρώμη κτέ. iam vero Hermannus Planer, qui de Tyrannione grammatico peculiarem scripsit commentationem programmati gymnas. Joachimsthal. quod est Berolini (a. 1852) insertam<sup>2</sup>), p. 8 libellum illum περί τοῦ σκολιοῦ μέτρου Tyrannioni maiori Amiseno tribuit, quem Caio Caesari, a quo hunc libellum conficere iussus est, aequalem fuisse dicit. atque idem iam statuerat Kuester in adnotatione ad Suidae locum (v. Τυραννίων). contra Bernhardy Suidae verba ad Tyrannionem minorem spectare putat. quae quaestio difficilis satis est diiudicatu, quamquam nostra hoc loco haud multum interest, utrum hunc an illum eius libelli auctorem habeamus. perversissime autem statuit Benseler in lexico s. v. Τυραννίων, qui Cai imperatoris temporibus floruisse Tyrannionem illum, qui de scoliorum metro scripserit, existimet.

<sup>&</sup>lt;sup>1</sup>) De Tyrannione Messenio philosopho, quem tertio loco affert Suidas, nihil omnino notum est.

<sup>2)</sup> Cf. La Roche, Die Homerische Textkritik im Alterthume, pag. 108.

Alteram de scoliis commentationem scripsit Didymus Chalcenterus, celeberrimus ille grammaticus, qui Augusti floruit temporibus; cf. Etymolog. Magn. s. v. σκολιά· τὰ συμποτικά ἄσματα. Δίδυμός φησι διαφόρους έτυμολογίας έν (τῶ) τρίτω τῶν συμποσιακών. M. Schmidt in libro, cui inscripsit 'Didymi Chalcenteri grammatici Alexandrini fragmenta' Lipsiae 1854 (cf. M. Schmidt, commentationis de Didymo Chalcentero IV. part. II. de Didymi symposiacis. Schweidnitz 1853) p. 380 a Didymo Chalcentero aliena esse putat συμποσιακά et suspicatur auctorem συμποσιακών esse Didymum, Heraclidis filium, grammaticum pariter atque musicum nobilissimum, Neronis aequalem. Didvmum autem Chalcenterum de scoliorum veriloquio egisse in libro περί ποιητών τεί περί λυρικών ποιητών composito, qui passim commemoratur in Etym. Magn. s. v. προσφδίαι, ύμνος. quam ob rem Etymologici locum sic emendandum esse censet p. 371: Δίδυμός φησι διαφόρους έτυμολογίας έν τῷ περί ποιητών καί Ήρωδιανός έν ν συμποσιακών. Herodianum enim grammaticum Puteolis συμπόσιον scripsisse tradit Stephanus Byzantius s. v. Δικαιάργεια. sed admodum dubia est ea res ac certe rectius agemus, si Didymum eandem rem et in symposiacis et in libro περλ ποιητών — quamquam dubitari potest, num in libro de poetis lyricis conscripto de scoliorum veriloquio fusius egerit - tractavisse statuemus, quam si symposiaca a Didymo Chalcentero aliena et locum Etymologici corruptum esse sine ulla causa existimabimus. ceterum Schmidt sibi ipse constitisse non videtur, quippe qui p. 371 hanc proferat sententiam, p. 382 autem nimio coniectandi studio eo usque feratur, ut vel librum περλ ποιητῶν Chalcentero abiudicandum esse contendat.

Artemonem etiam de scoliorum usu librum conscripsisse censet de la Nauze (Mémoires de l'académie des Inscriptions vol. IX p. 324 et 328), Athenaei loco (XV 694 A) ad eam rem confirmandam usus. sed nullo pacto ex his Athenaei verbis: ως φησιν 'Αρτέμων δ Κασανδρεύς ἐν δευτέρω βιβλίων χρήσεως id, quod mente sibi finxit de la Nauze, licet colligere: immo multo veri similius est Artemonem eam rem in libro περλ

βιβλίων χρήσεως leviter tantummodo et quasi έν παρέργφ tetigisse.

Dura sane utimur condicione, quod nec Tyrannionis nec Didymi commentarii ad nostram pervenerunt memoriam. sed forte fortuna accidit, quod Athenaeus Deipnosophistarum libro ultimo 3) anthologiam eius modi carminum inseruit, scolia dico sex et viginti, qui numerus, quamvis sit satis exiguus, si comparamus ea, quae Eustathius tradidit de scoliorum ingenti copia (1574, 14: μυρία δὲ τοιαῦτα (σκολιὰ) περιφέρονται), tamen nobis maximi est pretii, cum ad huius poesis melicae generis vim ac naturam cognoscendam hoc ex fonte aut plurima hauriamus oporteat aut fere omnia.

Hic illic etiam apud alios scriptores veteres, grammaticos, scholiastas, lexicographos scoliorum mentio fit atque in primis de nominis veriloquio exstant sententiae veterum, quorum nomina, cum de scoliorum nominis significatione agemus, recensebimus atque auctoritatem et fidem accuratius examinabimus.

Ab illo igitur Athenaei loco profecti recentiore aetate iam dudum viri docti in scoliorum poesim inquisiverunt ita, ut praecipue artem criticam in scoliis ab Athenaeo servatis exercerent ac metra in singulis restituere conarentur carminibus. inter quos primus nominandus est Paulus Leopardus, qui in 'Emendationum libr. XII. cap. 8' (insunt in Gruteri Thesauri Critici III. p. 244 sqq.) 'scoliorum et carminum convivalium quorundam emendationem' dedit. post eum de eodem argumento scripserunt Hadrianus Junius in 'Animadversionum libro III. cap. 7' (cf. Grut. Thes. Crit. IV. p. 387 sqq.), Schottus et Nunnesius ad Procli chrestomath. p. 10, de la Nauze, Mémoires sur les chansons de l'ancienne Grèce, cf. Mémoires de l'académie des Inscript. et Belles-Lettres vol. IX. (a. 1736) p. 320-347, quam disputationem ab Eberto in linguam Germanicam conversam invenies adiectam operibus Friderici de Hagedorn (Hamb. 1764 vol. III. et ed. a. 1773 vol. V. p. 1-83), Burette 'Ad Plutarchi

<sup>3)</sup> cf. Athen. XV 694 C-696 B.

librum de musica c. 28', cf. Mem. de l'acad. vol. XV. p. 311 sqq., H. H. Cludius 'Etwas von den Skolien der Griechen', cf. Bibliothek der alten Literatur und Kunst, vol. I. Gotting. 1786 p. 54—62 et vol. III. ib. 1788 p. 32—57, de Santen 'Observationes de scoliis Graecorum', in eiusdem bibliothecae vol. V. 1789 inedit. p. 20—25. denique Burgess (cf. Classical Journal vol. XXIV. n. 48 p. 367 sqq.) pauca quaedam scolia critice tractavit.

Quae dissertationes omnes exigui sunt pretii longeque superantur eo libro, quem scripsit Carol. Dav. Ilgen: 'EKOAIA' hoc est carmina convivalia Graecorum metris suis restituta et animadversionibus illustrata praemissa disquisitione de hoc genere carminis' Jenae 1798. singulari enim ille instructus doctrina primus quidquid scitu dignum esse videbatur enucleare studuit, nec profecto ausus essem post eum eandem rem iterum tractare, nisi complura atque ea gravissima ab Ilgenio falso esse explicata atque inde ab illo in omnibus circumferri historiae litterarum Graecarum compendiis intellexissem. qua re factum est, ut ea, quae statuerat Ilgen, tantam assequerentur auctoritatem, ut, nisi funditus quaestionem redintegraveris, obloquendo vix cuiquam feceris fidem.

Eodem fere tempore, quo Ilgen, Frid. Jacobs in Antholog. Graec. vol. VI (Animadvers. vol. I. p. I.) p. 291 sqq. et vol. XII (Animadvers. vol. III. p. II) p. 401 sqq., et paulo post Joannes Schweighaeuser in Animadvers. ad Athenaei Deipnosophistas vol. VIII. p. 241—287 scolia ab Athenaeo servata recensuerunt adnotationibusque suis illustraverunt. deinde de scoliis et carminibus popularibus egerunt: Carolus Zell, 'Ueber die Volkslieder der Griechen' in libro cui inscripsit' Ferienschriften' Friburg. 1826 p. I p. 53 sqq., Herm. Koester 'De cantilenis popularibus veterum Graecorum', dissert. inaug. Berol. 1831 p. 70 sqq., quo cum libello conferas eiusdem scriptoris 'Commentationis de scoliis fascicul. I. (un.)' progr. Flensburg. 1846, quo in primis de scoliorum nomine explicando agitur, Andreas Hallström 'De scoliis Graecorum comment. academ.' Londini Gothorum. 1827, qui Ilgenii librum impudenter expilavit, Jan. Guil. Grim 'Prolusio scholastica

de scoliis Graecorum' Dordraci 1839, qui complura scolia Latinis versibus reddidit adnotationesque, quae maximam partem interpretationi inserviunt, adiecit. — De carminibus convivalibus in universum egit Aug. Ferd. Ribbeck 'Ueber die Tafelgesänge der Griechen' in hoc libro 'Mittheilungen aus Aug. Ferd. R.'s - schriftlichem Nachlasse, herausgeg, von Friedr, Ribbeck und Friedr. Zelle' Berol. 1848 p. 160-1704). iam, ut temporum sequar ordinem, nomino Hartungium, qui de scoliis egit in operis, cui inscripsit 'Die griechischen Lyriker' vol. IV. Lips. 1856 p. 226-240, cum iam anno 1846 in 'Diario litterarum antiquarum' p. 564 sq. suas de hoc carminum genere sententias breviter explicasset, atque ultimo loco eum, qui novissime egit de eadem re. Fr. Runckium, libello 'De scoliorum origine et usu', dissertat. Rostoch., in lucem edito Berolini 1876, quamquam vereor, ut ulla ex hac dissertatiuncula, quae XVI continetur paginis, redundet utilitas (cf. Hiller in Bursiani Annal. vol. XIX. p. 134 sq.).

Iam si, ne quid omisisse videamur, addiderimus ea, quae Baehr in Paulyi Encyclopaediae vol. VI. p. 871 sq., Bode 'Geschichte der hellen. Dichtkunst' vol. II. p. 2. p. 455—467, Ulrici 'Geschichte der hellen. Dichtkunst' vol. II. p. 376—386 de scoliis exposuerunt, et quae in Bernhardyi, Muelleri, Murei aliorumque compendiis historiae litterarum Graecarum leguntur, vix nobis verendum erit, ne silentio praetermiserimus, quod vel alicuius momenti sit in hac quaestione explicanda.}

Scoliorum, quae nobis servata sunt, textum praebent praeter Ilgenium, Jacobsium, Grimium ii, qui poetas lyricos edendos curaverunt, Brunck, Schneidewin, Bergk, Hartung.

<sup>4)</sup> Scriptoris nomen librique genuinum titulum Otto Ribbeck, ill. prof. Lips., litteris datis mecum communicavit simulque addidit ex eo libro utpote ad popularem vulgaremque sensum accommodato nihil ad hanc quaestionem expediendam peti posse. Nicolai Hist. litt. Graec. I 112, qui huius libelli mentionem fecit, et nomen et titulum falso attulit.

# I. De scoliorum origine.

In libro illo Plutarchi περί μουσικής, sane pretiosissimo, locus reperitur, quo de rebus, quas veteres poetae melici inde a Terpandro novaverint in arte musica, disputatur. ac de Terpandro ipso ut melicorum poetarum principe haec traduntur c. 28: είποι τις · ὧ ταν, οὐδὲν οὖν ὑπὸ τῶν ἀρχαίων προσεξεύρηται καὶ κεκαινοτόμηται; φημί καὶ αὐτὸς ὅτι προσεξεύρηται, ἀλλὰ μετὰ τοῦ σεμνοῦ καὶ πρέποντος. οί γὰρ ίστορήσαντες τὰ τοιαῦτα Τερπάνδοω μέν τήν τε δώριον νήτην προσετίθεσαν οὐ χρησαμένων αὐτῆ τῶν ἔμπροσθεν κατὰ τὸ μέλος, καὶ τὸν μιξολύδιον δὲ τόνον όλον προσεξευρήσθαι λέγεται, καλ τὸν τῆς ὀρθίου μελφδίας τρόπον τὸν κατὰ τοὺς ὀρθίους, πρὸς (τε) τῷ ὀρθίῳ (καὶ τὸν) σημαντὸν τροχαΐον. έτι δέ, καθάπεο Πίνδαρός φησι, και των σκολιών μελών Τέρπανδρος εύρετης ην. iam si novissima verba respexeris, videbis, quid omnino compertum habeamus de scoliorum origine, cum alius locus praesto non sit, quo accuratius de hac re exponatur.

Parva igitur ut ita dicam stipe contenti inquiramus statim necesse est, quonam loco quoque in carmine Pindarus illud de Terpandro rettulerit. ac Pindarum ipsum inter alia carminum genera etiam scoliorum coluisse poesim notissimum est. cuius rei testimonium luculentissimum praeter Suidam, qui s. v.  $\Pi tv$ - $\delta \alpha \rho os$  inter alia poesis melicae genera a Pindaro exculta etiam scolia affert, Pindari ipsius sunt versus, qui apud Athenaeum XIII 574 B leguntur:

άλλὰ θαυμάζω, τί με λεξοῦντι 'Ισθμοῦ δεσπόται τοιάνδε μελίφοονος ἀρχὰν εύρόμενον σκολιοῦ ξυνάορον ξυναῖς γυναιξίν.

quod si iam constat, haud difficile videtur ad coniciendum Pindarum in scolio quodam a se confecto Terpandri ut scoliorum inventoris mentionem fecisse. eodem enim modo etiam dithyrambi originem celebravit in hyporchemate et dithyrambo quodam, cuius rei memoriam ad nos propagavit schol. Pind. Olymp. XIII 25: δ Πίνδαφος δὲ ἐν μὲν τοῖς Ὑπορχήμασιν ἐν Νάξφ φησίν εύφεθηναι πρῶτον διθύφαμβον, ἐν δὲ τῷ πρώτῷ τῶν Διθυφάμβων ἐν Θήβαις.

Itaque restat, ut inquiramus, num exstent huius scolii vestigia in Pindari reliquiis. atque unicus quidem locus, quo Pindarus Terpandri mentionem fecit, traditur ab Athenaeo XIV 635 D: ἀγνοεί δὲ ὁ Ποσειδώνιος, ὅτι ἀρχαῖόν ἐστιν ὅργανον ἡ μάγαδις, σαφῶς Πινδάρου λέγοντος τὸν Τέρπανδρον ἀντίφθογγον εύρεῖν τῆ παρὰ Λυδοῖς πηκτίδι τὸν βάρβιτον.

τόν δα Τέρπανδρός ποτ' ο Λέσβιος εύρεν πρῶτος ἐν δείπνοισι Λυδῶν ψαλμὸν ἀντίφθογγον ὑψηλᾶς ἀκούων πηκτίδος.

quos versus revera e scolio depromptos esse testatur idem Athenaeus XIV 635 B: διόπερ καὶ Πίνδαρον εἰρηκέναι ἐν τῷ πρὸς Ἱέρωνα σκολιῷ τὴν μάγαδιν ὀνομάσαντα ψαλμὸν ἀντίφθογγον κτέ.

Pindarus igitur hoc loco dicit Terpandrum barbitum invenisse, cum audivisset in epulis Lydorum pulsationem consonam altae pectidis. qua autem ratione barbitum invenerit non edocemur: sed haud difficilis ea res est ad intellegendum. pectis enim eodem modo quo magadis — nam negat Athenaeus hoc loco inter duo illa instrumenta ullam intercedere differentiam 5) — duobus diapason, et graviore et acutiore, constitisse fertur ita,

<sup>5)</sup> cf. Athen. XIV 635 B: Μέναιχμος δ' ἐν τοῖς περὶ τεχνιτῶν τὴν πηκτίδα, ῆν τὴν αὐτὴν εἶναι τῆ μαγάδι, Σαπφώ φησιν εὑρεῖν. id. p. 635 E: πηκτὶς δὲ καὶ μάγαδις ταὐτὸν, καθά φησιν ὁ ᾿Αριστόξενος καὶ Μέναιχμος ὁ Σικυώνιος ἐν τοῖς περὶ τεγνιτῶν.

ut bini soni utriusque diapason inter se respondentes consonarent; cf. Boeckh, de metris Pindari p. 261 sqq., qui perspexit nomen magadidis tribui cuivis instrumento sive chordis intento sive inflando, in quo soni graves et acuti diapason inter se distantes simul proferrentur. ψαλμον ἀντίφθογγον igitur Pindarus dixit antiphoniam — ut voce utar apud eos, qui artis musicae sunt periti, satis trita — duorum diapason, et gravioris et acutioris; cf. Athen. XIV 635 Β: την μάγαδιν ονομάσαντα ψαλμον άντίφθογγον διὰ τὸ δύο γενών αμα καὶ διὰ πασών έχειν την συνφδίαν, άνδρῶν τε καὶ παίδων, id quod apud alios scriptores etiam ἀντίσπαστον vel ἀντίζυγον nominatur<sup>6</sup>). Terpander autem unum diapason idque gravius adhibuisse videtur ad barbitum fabricandum secundum Pindarum, cuius verba Athenaeus recte intellexit, cum diceret p. 635 D: τον Τέρπανδρον αντίφθογγον εύρεῖν τῆ παρά Λυδοῖς πηκτίδι τὸν βάρβιτον, quamquam Athenaeus sibi ipse oblocutus est eo, quod ante (p. 635 B) ψαλμὸν άντίφθογγον recte ad magadidem vel pectidem, hoc autem loco ad barbitum rettulit. sed reputandum est duas in voce dutiodoyyog latere significationes, quarum altera est 'consonans sive antiphoniam duorum diapason praebens', altera 'ex adverso respondens'. ex quibus ea, quam posteriore loco attulimus, suo iure usus est Athenaeus, non eo quidem consilio, ut Pindari locum ad verbum interpretaretur, sed ut eum accuratius explicaret. ac sive verba Pindari, qui fortasse ipse utroque sensu vocem illam adhibuerat, pleniora ante oculos habuit, sive eodem tantum usus fragmento suo Marte hanc explicationem protulit, certe rem acu tetigit. facile autem explicatur, cur Terpander ad barbitum fabricandum diapason gravius adhibuisse sit putandus.

<sup>6)</sup> cf. Athen. XIV 635 C: καὶ Φρύνιχος δ'ἐν Φοινίσσαις εἴρηκε· ψαλμοῖσιν ἀντίσπαστ' ἀείδοντες μέλη.

καὶ Σοφοκλής έν Μυσοῖς.

πολύς δὲ Φουξ τοίγωνος, ἀντίσπαστά τε Αυδῆς ἐφύμνει πηκτίδος συγχοοδία.

cf. p. 636 B, ubi Diogenis poetae tragici versus commemoratur: ψαλμοῖς τοιγώνων πηκτίδων ἀντιζύγοις.

pectidem enim acute sonuisse concludas inde, quod Pindarus l. c. eam nominat δψηλήν et Telestes apud Athen. XIV 626 A dicit όξυφώνοις πηκτίδων ψαλμοίς. si igitur barbitum erat ἀντίφθογγον πηκτίδι, quam ipsam scimus sonuisse acute, diapason autem acutius sonis, qui ipsi sunt acuti, eum tonorum numerum, quo Graeci utebantur, excessit, recte contendisse nobis videmur Terpandrum diapason gravius adhibuisse ad barbitum fabricandum. quam rem iam perspexit Car. de Jan 'De fidibus Graecorum' diss. inaug. Berol. 1859 p. 27 sqq.

Sed barbitum Pindari loco commemoratum nihil aliud significat quam citharam, quacum id saepissime confundebatur a veteribus scriptoribus 7), crassioresque tantum habebat fides ita, ut graviores essent barbiti soni (cf. Pollux Onom. IV 59 βαρύμιτον). inventionem igitur citharae unum diapason complectentis ad analogiam pectidis Lydiae, quae duo diapason exhibebat, Terpandro assignari loco Pindari, cum ante Terpandrum cithara duo tetrachorda complecteretur, quae ita sese excipiebant, ut alterius tetrachordi sonus acutissimus simul gravissimus alterius esset (cf. Volkmann 'Plutarchi libellus de musica' Lips. 1856 p. 158), mihi quidem certissimum est. qua de re conferas Aristotelis Probl. XIX 32: διὰ τί διὰ πασῶν καλεῖται, ἀλλ' οὐ κατὰ τὸν άριθμον δι' όκτώ, ώσπερ και διά τεττάρων και διά πέντε; ή δτι έπτα ήσαν αι γορδαι τὸ ἀρχαῖον, εἰτ' έξελων τὴν τρίτην Τέρπανδρος την νήτην προσέθηκε — id quod etiam Plutarchus loco supra allato tradit — και έπι τούτου έκλήθη διά πασών, άλλ' οὐ δι' όκτώ δι' έπτὰ γὰο ἦν.

Tali igitur modo si Pindari fragmentum partim interpretamur, partim explemus, sine dubio rectius de hoc loco statuemus, quam si inventionem lyrae septemchordis, cum antea cithara quattuor tantum chordarum nota fuerit, his celebrari sumemus versibus, qua de re Terpander ipse gloriatus esse dicitur apud

<sup>7)</sup> Conferantur loci, qui ad modos, quibus efferebant scolia, pertinent, hi: Phot. bibl. 321. 3 sqq. Hesych. s. v. μυρρίνης κλάρος ἡ δάφνης, ubi legimus ad barbiti sonum scolia cantata esse.

Strabonem XIII 618 C: καὶ Τέρπανδρον δὲ τῆς αὐτῆς μουσικῆς τεχνίτην γεγονέναι φασὶ καὶ τῆς αὐτῆς νήσου, τὸν πρῶτον ἀντὶ τῆς τετραχόρδου λύρας ἐπταχόρδφ χρησάμενον, καθάπερ ἐν τοῖς ἀναφερομένοις ἔπεσιν εἰς αὐτὸν λέγεται.

σοὶ δ' ήμεῖς τετράγηουν ἀποστρέψαντες ἀοιδὴν έπτατόνω φόρμιγγι νέους κελαδήσομεν ϋμνους<sup>8</sup>).

nam quominus hoc statuamus, impedimur diserto Aristotelis testimonio supro allato, qui septem chordarum usum perantiquum<sup>9</sup>) esse tradit, aliisque causis, quas enumeratas invenies apud Volkmannum in commentario ad Plutarchi libellum de musica p. 78 sqq. ceterum Terpandrum a Lydis, ut apparet e Pindari verbis, citharam excultiorem recepisse, non est quod miremur; nam gentes Asianas, in primis Lydos artes musicas prius quam Graecos excoluisse notum est <sup>10</sup>).

At Boeckh ad fragmentum Pindari, de quo agimus, haec adnotavit: 'In hoc fragmento agitur de fidibus a Terpandro ex-

<sup>8)</sup> cf. etiam Euclid. introd. harm. p. 19 Meib., Clem. Alex. Strom. VI p. 685 C Sylb.

<sup>9)</sup> Etiam Nicomachus II p. 29 iam Mercurium lyram septemchordem invenisse tradit respecto sine dubio eo versu, qui est hymni in Mercurium quinquagesimus primus. quibus adde quae Athen. XIV 635 F dicit: Εὐφορίων τε ἐν τῷ περὶ Ἰσθμίων τὰ πολύχορδά φησι τῶν ὀργάνων ὀνόμασι μόνον παρηλλάχθαι παμπάλαιον δ'αὐτῶν εἶναι τὴν χρῆσιν.

<sup>10)</sup> Plut. de mus. c. 6: ἐκλήθη δ' ᾿Ασιάς (scil. ἡ κιδάρα Κηπίωνος τοῦ Τερπάνδρου μαθητοῦ) διὰ τὸ κερρῆσθαι τοὺς Λεσβίους αὐτῷ κιθαρφδοὺς πρὸς τῷ ᾿Ασία κατοικοῦντας. schol. Apollon. II 777: ᾿Ασίαν δὲ ἐνταῦθα τὴν Λυδίαν φησίν. οὕτω γὰρ ἡ Λυδία πρότερον ἐκαλεῖτο. διὸ καὶ ἡ κιθάρα ᾿Ασία ἐκλήθη διὰ τὸ ἐν τῷ Λυδία πρῶτον εὐρεθῆναι. cf. praeterea Car. de Jan, de fidibus Graec. p. 10: πcithara non a Graecis ipsis, sed a gentibus Asiaticis — fortasse Lydis — inventa est. vide Etym. Magn. s. v. ᾿Ασιατίς: ἀσιάδος (sic) [at recte se id habet, si Plutarchi locum modo commemoratum respicimus] κρούματα τῆς κιθάρας οὕτως ᾿Αριστοφάνης εἶπε παρφδῶν τὸ ἐξ ὙΕρετθέως Εὐριπίδου. ἡ τρίχορδος (?) κιθάρα οὕτω καλεῖται. εἴρηται δὲ, ὅτι ἐν ᾿Ασία τῷ πόλει τῆς Λυδίας κειμένη ἐν Τμώλφ πρῶτον εὐρέθη. — Ab Asianis Graecos recepisse citharam admodum verisimile est etiam ideo, quod exstat in sacris libris nostris Daniel 3, 5 sqq. vox caldaica KITHAROS, quam Graeci una cum illa recepisse videntur."

cogitatis, ad quas canebantur scolia. dicebat autem Pindarus de fidibus Terpandreis et Lydiis conviviis, quod in convivio ad fides Lydio modo attemperatas scolium illud canebatur'. idem ii. qui inde a Boeckhio Pindari fragmenta illustraverunt, statuerunt (cf. Bergk, Poetae lyr. Gr. I4 424). dem de illis versibus paulo aliter judicandum esse censeo, etenim verba ἐν δείπνοισι Λυδών non significant scolia ad fides Lydio modo attemperatas cantata esse, sed indicant Terpandrum in conviviis Lydiis carmina convivalia ad pectidis sonum cantata audivisse. et quo quaeso consilio poeta id in scolio illo commemorare potuit, nisi eo, ut adderet ad carminum, quibus utebantur Lydi in conviviis, analogiam Terpandrum ad barbiti modo inventi sonum carmina convivalia i. e. σχολιά μέλη pepigisse? itaque concedamus necesse est Pindarum in versibus, qui hos sequebantur quique servati non sunt, dixisse Terpandrum, cum citharam vel barbitum unum diapason complectentem invenisset, primum σκολιά μέλη canere a Lydis edoctum esse. neque enim sine consilio verba έν δείπνοισι posita sunt, quae prodere videntur poetam in versibus sequentibus de carminibus convivalibus mentionem fecisse. id quod eo veri similius est, quod versus servatos e scolio depromptos esse supra diximus. accedit denique Plutarchi testimonium haud spernendum. nam unus et solus fons, ex quo accuratiorem de artis musicae apud Graecos historia notitiam petamus, est ille de musica dialogus, quo Plutarchus eius historiam inde ab Amphionis temporibus, qui ex Heraclidis Pontici sententia citharam invenisse fertur, explicavit, librum autem illum Plutarchus eo composuit consilio, ut non quid ipse sentiret in medium proferret, sed sententias veterum scriptorum maxima qua posset usus diligentia congereret. quod quanta religione fecerit scriptor, ostendit R. Westphal in libro, cui inscripsit 'Plutarch über die Musik' (Vratislaviae 1865). ex quadraginta enim capitibus, in quae inde a Wyttenbachio dialogus ille dividi solet, quattuordecim Plutarchus ipse confecit, cetera ad verbum fere aliunde, in primis ex Aristoxeni et Heraclidis Pontici operibus deprompsit (l. c. p. 26). atque etiam capita 28-31, quibus exponitur, quid novatum sit in arte musica a veteribus poetis, e scriptoris nescio cuius libro sunt deprompta (l. c. p. 25). quibus perpensis iam non video, cur diffidamus verbis supra allatis, quibus confirmatur Pindarum Terpandrum scoliorum inventorem dixisse, praesertim cum loci Pindarici exstet fragmentum, in quo de scoliorum inventione agi quamquam pro certo affirmare non licet, tamen facili coniectura assequaris.

Sed si locum Plutarchi accuratius inspexerimus, videbimus, cum omnia Terpandri inventa ad musicam pertineant, ut neta Dorica, totus tonus myxolydius, modus orthiae cantilenae, trochaeus semantus, etiam scoliorum inventionem nihil aliud significare, quam Terpandrum carmina convivalia ad modulos legibus musicis astrictos atque ad barbiti sonum cantare docuisse, cum antea carminum popularium instar cantarentur assa ut ita dicam voce nullo instrumento accinente.

Haec si mente tenemus, apparet Ilgenium perperam Plutarchi verba interpretatum esse, cum p. CXLVII haec diceret: 'σκολιὰ μέλη, quae Pindarus intellegit, sunt nihil aliud, quam cantus lyrici, et celebrat Thebanus vates Terpandrum tamquam inventorem μελοποιΐας lyricae' (cf. etiam p. LXXVII). sed id non vitio vertendum est Ilgenio, si reputamus Pindari locum ei fuisse incognitum. quem si novisset, certe non de melopoeia lyrica in universum, sed de carminibus convivalibus agi intellexisset.

Satis notum autem esse puto, quid sibi velint veteres hunc illumve poetam poesis quoddam genus invenisse referentes. etenim qui huic poesis generi rudi antea ac minus exculto maiora attulit incrementa primusque id vel ad artis praecepta revocavit vel ab aliis gentibus acceptum in patriam introduxit, ad eum deferre solebant veteres eiusdem rei inventionem. atque ita fieri potuit, ut Terpander scolia invenisse perhiberetur a veteribus, quamquam omni dubio est maius tales breves cantilenas convivales in ore hominum fuisse versatas iam longe ante Terpandrum, sed artificiosiore compositione musica carminum popularium instar prorsus caruisse. nam carminibus etiam in conviviis iam antiquissimis temporibus usos esse Graecos ut facile suspiceris in gente

ad hilaritatem nata neque omnino ab arte musica aliena, ita confirmatur similium apud Romanos carminum usu, quamquam per se patet carmina illa Graeca et Romana pro gentis utriusque natura atque indole longe inter se fuisse diversa. Terpander autem carmina illa convivalia ad lyrae sonum cantare docuit Graecos quam ob rem non mirabere, si inter alia Terpandri inventa musica etiam scoliorum inventionem apud Plutarchum enumeratam inveneris.

Paucis iam verbis attingere mihi liceat Ilgenii opinionem, qui versibus qui in hymno in Mercurium leguntur 52—57 scoliorum poesim significari putat:

αὐτὰς ἐπειδὴ τεῦξε χεροῖν ἐρατεινὸν ἄθυρμα, πλήκτος ἐπειρήτιζε κατὰ μέρος ἡ δ' ὑπὸ χειρὸς σμερδαλέον κονάβησε. Θεὸς δ' ὑπὸ καλὸν ἄειδεν ἐξ αὐτοσχεδίης πειρώμενος, ἡὖτε κοῦροι ἡβηταὶ θαλίησι παραιβόλα κερτομέουσιν, ἀμφὶ Δία Κρονίδην καὶ Μαιάδα καλλιπέδιλον.

cui equidem sententiae non possum accedere. nam neque carmen in convivio canit hoc loco Mercurius neque verba ηὖτε κοῦςοι ἡβηταὶ θαλίησι παςαιβόλα κερτομέουσιν spectant ad scolia. dicit enim poeta Mercurium carmen ex tempore cecinisse in Iovis et Maiae honorem eodem modo, quo iuvenes cavillentur inter se in conviviis. summa autem comparationis, id quod Franke recte intellexit, in eo est posita, quod iuvenes illi carminibus se lacessunt non meditatis. itaque non carmina ad citharae sonum cantasse eos apparet ex his versibus, sed verba de iuvenibus dicteriis subitis et fortuitis inter se pugnantibus dicta sunt. quod si Ilgen (l. c. p. LXVII adn. 60), ut obiter id quoque commemorem, affirmat παραιβόλα significare 'invicem, alterna contentione', falsus est; nam idem est παραιβόλα ac παραβλήδην vel ut Latine dicam 'occulte'.

Deinde ne id quidem verum est, quod Ilgen p. LXXXIII contendit, hymnum in Mercurium aetate superiorem esse Terpandro. immo post ac fortasse multo post Terpandrum hymnus ille compositus est. qua de re conferantur: Voss 'Mythologische

Briefe' I p. 216, Matthiae 'Animadversiones in hymnos Homericos' (Lips. 1800) p. 56—66, Greve, 'De hymno in Mercurium Homerico', diss. inaug. Monast. 1867, Lohsee, 'De hymno in Mercurium Homerico', diss. inaug. Berol. 1871, quibus adde ea, quae Baumeister in prolegg. ad hunc hymnum exposuit. quae cum ita sint, apparet nos nihil lucrari ex hoc loco, quo scoliorum poesim significari Ilgen putat. plane autem similes loci possunt afferri complures, velut Pind. Ol. I 22:

οία παίζομεν φίλαν ἄνδοες άμφι θαμά τοάπεζαν, Apollon. Rhod. Argon. I 457 sqq:

μετέπειτα δ' ἀμοιβαδὶς ἀλλήλοισι μυθεῦνθ', οἰά τε πολλὰ νέοι παρὰ δαιτὶ καὶ οἴνφ τερπνῶς έψιόωντο, ὅτ' ἄατος ΰβρις ἀπείη. quibus locis inspectis quis quaeso putabit agi de scoliorum poesi?

#### II. De scoliorum nomine.

Veteres grammaticos ne pilo quidem melius quam nos edoctos fuisse, unde scolia nomen traxissent, sat clare perspicietur, si locos veterum scriptorum, qui de ea re verba fecerunt, accuratius tractaverimus, quamquam enim iam Aristotelis temporibus vixisse traduntur, qui primi, quod sciamus, de scoliorum nomine disputaverunt, Dicaearchum dico et Aristoxenum, tamen alii in alias discesserunt partes ita, ut singulae eorum sententiae inter se consociari non possint et facile solam etymologiam vocis σχολιός, non ipsam cantiuncularum naturam diversarum illarum interpretationum causam fuisse intellegatur, sat infirmum igitur veteres huic quaestioni explicandae reliquerunt fundamentum, ac vehementer dolendum est viros doctos, qui nostra aetate de scoliis fusius scripserunt, eandem quam veteres ingredi viam satis duxisse, quo factum est, ut probabilitatis quandam speciem secuti modo hanc, modo illam veterum sententiam amplecterentur atque interiorem scoliorum nominis et naturae conexum prorsus fere neglegerent.

Sed priusquam singula veterum scriptorum testimonia examinemus, pauca mihi exponenda esse puto de accentu, utrum σκόλιον an σκολιόν sit scribendum, cum utraque lectio reperiatur promiscue in libris manuscriptis 11). ac σκόλιον qui scripserunt,

<sup>&</sup>lt;sup>11</sup>) De forma σκολία, quae legitur apud Pollucem VI 108, cur plura verba faciamus, non esse videtur.

id tantummodo egerunt, ut distingueretur carminis convivalis nomen ab adjectivo σκολιός: qua de re conferatur Eustathius p. 1574, 12: σκόλια δὲ τοῦτό τε καὶ κατ' αὐτὸ λέγεται τῶ μὲν τόνω πρός διαστολήν του κοινώς σκολιού ή πράγματος ή λόγου. hunc secuti sunt lexicographi recentiores, veluti L. Dindorf in Thesauro s. v. σπόλιον et C. Keil, qui in quinta lexici Passoviani editione p. 1460 s. h. v. haec dixit: 'Die gemeine Betonung ist σχολιόν, die genauere und richtigere der besten Handschriften σχόλιον vgl. Ilgen p. LXXXIV.' at Ilgen, quem laudat Keil ad sententiam suam confirmandam, prorsus contrarium statuit p. LXXXV his usus verbis: 'Sed hae argutiae sunt seriorum grammaticorum; veteribus scriptoribus illud discrimen ignotum fuit'. qua de re is rectissime iudicavit; nam cum saepius etiam dicatur σχολιόν μέλος, apparet σχολιόν esse adjectivi formam. sive additur uélog sive omittitur. deinde id etiam possit afferri argumentum, quod Pollux, Hesychius, Proclus, Suidas aliique grammatici de accentus discrimine nihil omnino adnotaverunt, quam ob rem nescio, cur Eustathii testimonium pluris faciamus, quam ceterorum grammaticorum silentium, qui certe, cum omnes ab adjectivo σχολιός huius nominis originem repeterent, mirum illud accentus discrimen adnotavissent, si omnino tale quid iis fuisset cognitum. itaque desinant tandem editores Pindari, Aristophanis, Platonis, Plutarchi aliorum pervicaciter perseverare in falso illo accentu, qui, sive libri manuscripti suffragantur, sive refragantur, prorsus abiciendus esse videtur.

His igitur expositis iam ad locos veterum, quibus de huius nominis origine accuratius exponitur, tractandos accedamus. ac prima quidem quae ad nos pervenit de scoliorum nomine sententia Dicaearcho, Aristotelis discipulo (cf. Cicer. de legg. III 6) debetur, cuius verba apud Suidam s. v. σκολιόν exstant haec: σκολιόν  $\dot{\eta}$  παροίνιος φδή.  $\dot{\omega}_S$  μὲν Δικαίαρχος ἐν τῷ περὶ μουσικῶν ἀγώνων ὅτι τρία γένη ἡν φδῶν, τὸ μὲν ὑπὸ πάντων ἀδόμενον καθ' ἕνα έξῆς, τὸ δ' ὑπὸ τῶν συνετωτάτων,  $\dot{\omega}_S$  ἔτυχε τῷ τάξει  $\dot{\delta}$  δὴ καλεῖσθαι διὰ τὴν τάξιν σκολιόν. eadem verba reperiuntur in Photii lexico s. v. σκολιόν et verbis διὰ τὴν τάξιν

omissis in scholiis ad Platonis Gorgiam 451 E. atque idem valet de scholiis ad Aristophanis Ran. v. 1302 et Vesp. v. 1239. quamquam totus locus ibi a Musuro interpolatus esse videtur, cf. Dübneri edit. scholiorum p. 460 et 535. paululum immutata autem praebet haec verba scholiasta ad Luciani pro lapsu inter salutandum c. 6: σκολιόν, ή παροίνιος ώδή, ώς και Δικαίαρχος έν τῶ περὶ μουσικής. δύο (δὲ?) γένη ἦν ώδῶν...; quae sequuntur cum Suida ceterisque consentiunt. ac Dicaearchi liber utrum inscriptus fuerit περί μουσικών άγώνων, quod Suidas aliique affirmant, an περί μουσικής, quod scholiastae Lucianei nititur testimonio, ut inquiramus, non huius loci esse videtur, quam ob rem eos, qui accuratius de ea re edoceri volunt, ad Naekii de Dicaearchi scriptis disputationem Musei Rhenani vol. I (1833) p. 40 sqq. insertam relegasse sufficiet. maioris autem momenti est, quod Luciani scholiasta duo, Suidas tria horum carminum genera fuisse dicit. quod si verba, qualia codicibus traduntur, respicimus, de duobus tantum carminum convivalium generibus agi videtur. sed quominus id pro vero accipiamus, Artemonis obstat testimonium apud Athen. XV 694 A; ubi autem de duobus carminum convivalium generibus sermo est, veluti apud Plutarchum Quaest. sympos. I 1, 5, de quo loco postea accuratius disseramus oportet, res ita est comparata, ut ea carmina aut ab omnibus simul aut a singulis deinceps cantata esse referatur. eo vero, de quo agimus, loco carmina illa in conviviis aut a singulis deinceps, aut a singulis nullo certo ordine servato cantata esse legimus, id quod nec per se veri simile est, quoniam hymni vel paeanes ab omnibus convivis simul cantati a conviviis numquam poterant abesse, nec Dicaearchi hanc sententiam fuisse vel inde elucet, quod omnibus locis legitur τοία γένη excepto Luciani scholiasta, qui sine dubio verba corrupta esse intellexit et locum suo Marte correcturus perperam scripsit δύο. itaque rem acu tetigisse videtur Fridericus Ast, qui in libro, cui inscripsit 'Grundriss der Philologie' p. 105 hunc locum ita constituit: ὅτι τρία γένη ἦν ἀδῶν, τὸ μὲν ὑπὸ πάντων ἀδόμενον, τὸ δὲ καθ' ἕνα έξῆς, τὸ δὲ ὑπὸ τῶν συνετωτάτων κτέ. (cf. etiam Dobraei Adversaria ed. Wagner III 51 et Naekii opuscula ed. Welcker I 349), quam emendationem pro sua nuper vendidit Franc. Runck l. c. p. 4. H. Koester autem in libro, quem de scoliis composuit, p. 6 scribi iussit: τὸ μὲν ὑφ' ἀπάντων ἀδόμενον, τὸ δ'ὑπὸ πάντων καθ' ἕνα ἑξῆς κτέ. sed tot verba suppleamus necesse non est atque acquiescendum in Astii emendatione, quam Koesterum fugisse vel maxime miror <sup>12</sup>).

Genuinis verbis sic restitutis iam Dicaearchi examinemus sententiam. putabat igitur is scoliis nomen datum esse ex canendi ordine. nam cum peritissimus quisque caneret, ceteri autem, qui canere non didicissent, praeterirentur, seriem canendi iustam, ex qua alter exciperet canendo alterum iuxta accubantem, derelictam esse et turbatam, indeque i. e. propter ordinem obliquum, ex quo iam, qui canendi esset peritus, cantum exciperet, scoliis nomen inditum esse.

Sed hanc sententiam non omnibus Dicaearchi aetatis grammaticis probatam esse confirmatur eo, quod Aristoxenus, Dicaearchi aequalis et condiscipulus (cf. Cicer. Tuscul. I 18, 41 et epist. ad Att. XIII 32, 2), et Phyllis quidam musicus <sup>18</sup>) prorsus aliam de scoliorum nomine sententiam protulerunt, quae iisdem locis, quibus Dicaearchi verba leguntur, commemoratur his verbis:

<sup>12)</sup> Siebenkees in anecdot. Graec. Norimb. 1798 p. 30 coniecit: το μὲν ὑπὸ πάντων ἀδόμενον, τὸ δὲ ὑπὸ πάντων μέν, οὐ δ' ὁμοῦ, ἀλλὰ καθ' ἕνα ....

<sup>13)</sup> Suidas et Platonis Aristophanisque scholia habent Φύλλις, scholia Luciani Φίλων, Photius Φίλης, Athen. I 21 F: Φίλλις δ Δήλιος μουσικός. fragmenta huius musici Deliaci collecta sunt a Muellero, fragm. histor. Graec. IV p. 476. de scriptis eius haec tradit Athen. XIV 636 B: Φίλλις δ Δήλιος ἐν δευτέρφ περὶ μουσικής, XIV 634 D: ξυνέγραψε... περὶ αὐλητῶν. cur autem Ilgen scribere maluerit Φύλης (l. c. LXXXVIII adn. 68), equidem non assequor; nam etiam Suidae loco, quem ille attulit, quo confirmaretur ista scribendi ratio: Φυλλίς· ἡ τοῦ δένδρου. καὶ Φύλλης δ μουσικός, hoc nomen scriptum est littera λ geminata, quamquam huius loci nulla omnino est auctoritas, cum verba καὶ Φύλλης δ μουσικός desint in optimis libris manuscriptis.

ώς δ' 'Αριστόξενος και Φύλλις (Φίλων schol. Luc. Φίλης Photius) δ μουσικός. ὅτι ἐν τοῖς γάμοις περί μίαν τράπεζαν πολλάς κλίνας τιθέντες παρά μέρος έξης μυρρίνας έχοντες (η δάφνας addit schol. Plat.) ήδον γνώμας καὶ έρωτικά σύντονα (συμπο εια exhibet schol. Plat.) ή δὲ περίοδος σπολιὰ έγίνετο διὰ τὴν θέσιν (σύνθεσιν schol. Plat.) των κλινων (σκολιάν addit schol. Aristoph.), haec igitur verba omnes habent, pleniorem autem Aristoxeni sententiam unus servavisse videtur Platonis scholiasta, qui haec adject: έπι οίχημάτων πολυγωνίων ούσων και τούτω και τας έπ' αύτας κατακλίσεις παραβύστους γενέσθαι. ού δια την μελοποιίαν οὖν, διά τε τὴν τῆς μυρρίνης σκολιὰν διάδοσιν, ταύτη και τὰς ἀδὰς σκολιὰς καλεῖσθαι. Aristoxenus igitur et Phyllis putabant scolia inde appellata esse, quod in nuptiis circum unam mensam exstructam in cenaculo, ut ita dicam, multangulo plures collocarentur lectuli convivales non recto atque usitato ordine dispositi, sed ita ut singuli lectuli inter se oblique essent collocati (παράβυστοι) — id quod cubiculi forma multangula secum ferebat —: hanc igitur ob lectulorum collocationem obliquam etiam carmina, quae ibi vicissim 14) ita, ut alter alteri deinceps myrti ramum traderet, cantata essent, obliqua i. e. scolia dicta esse.

Aristoxeni sententiam respexisse, sed male intellexisse videtur Plutarchus in Quaest. sympos. I 1, 5, ubi haec leguntur: ἄλλοι δέ φασι την μυφσίνην οὐ καθεξης βαδίζειν, άλλὰ καθ' ἕκαστον ἀπὸ κλίνης ἐπὶ κλίνην διαφέφεσθαι τὸν γὰφ πρῶτον ἄσαντα τῷ πρώτῳ τῆς δευτέρας κλίνης ἀποστέλλειν, ἐκεῖνον δὲ τῷ πρώτῳ τῆς τρίτης, εἶτα τὸν δεύτερον ὁμοίως τῷ δευτέρῳ, καὶ τὸ ποικίλον καὶ πολυκαμπές, ὡς ἔοικε, τῆς περιόδου σκολιὸν ἀνομάσθη. qui Plutarchi error inde natus est, quod is Aristoxeni verba παρὰ μέρος, quae hoc loco idem valent ac κατὰ μέρος vel ἐν μέρει, falso interpretatus est 'contra

<sup>14)</sup> παρὰ μέρος interpretandum esse 'alternis, vicissim' docuit Koester l. c. p. 7 adn. 1; idem enim est παρὰ μερος ἐξῆς atque illud Dicaearchi καθ' ἕνα ἑξῆς, quamquam id non de scoliis dicitur a Dicaearcho.

vel praeter iustum ordinem' et verba a scholiasta Platonis servata ἐπὶ οἰκημάτων.. γενέσθαι, quae explicationem sententiae Aristoxeni continent, neglexisse videtur, quo factum est, ut explicationem illam ab Aristoxeni sententia mirum quantum differentem neque ullis comprobatam argumentis proferret.

Eodem modo etiam Dicaearchi verba Plutarchus male intellexisse videtur paulo ante ea, quae modo exscripsimus, hac sententia prolata: έπεί τοι και τὰ σκολιά φασιν οὐ γένος ἀσμάτων είναι πεποιημένων άσαφῶς, άλλ' ὅτι ποῶτον μὲν ἡδον ώδὴν τοῦ θεοῦ ποινῶς ἄπαντες μιὰ φωνη παιανίζοντες, δεύτερον δ' έφεξης εκάστω μυρσίνης παραδιδομένης, ην αίσακον, οίμαι διὰ τὸ άδειν τὸν δεξάμενον, ἐκάλουν, ἐκὶ δὲ τούτω λύρας περιφερομένης δ μεν πεπαιδευμένος ελάμβανε και ήδεν άρμοζόμενος, τῶν δ' ἀμούσων οὐ προσιεμένων σκολιὸν ἀνομάσθη τὸ μὴ κοινὸν αὐτοῦ μηδὲ δάδιου. Plutarchus igitur idem quod Dicaearchus statuit, cum dicat peritissimum quemque (cf. πεποιημένων ούκ άσαφῶς et δ μὲν πεπαιδευμένος) scolia cecinisse, sed verbis Dicaearchi διὰ τὴν τάξιν aut perperam intellectis aut adeo neglectis non propter obliquum cantus et lyrae circuitum, sed propter difficultatem talia pangendi carmina scolia appellata esse contendit. ceterum utrum casu an consulto primo eandem viam quam Aristoxenus et Dicaearchus ingressus, postea in argumentatione absolvenda ab iis discesserit, nihil ad hunc locum pertinet et vix puto diiudicari poterit; mihi certe, quae intercedat inter Plutarchi et Aristoxeni Dicaearchique sententias similitudo, breviter significavisse sufficit.

Iam revertamur ad graviorem testem, Artemonem Casandrensem, qui Aristarchi et Cratetis temporibus vixit 15). cuius

<sup>15)</sup> Artemonis fragmenta collecta leguntur apud Muellerum frag. histor. Gr. IV p. 340, qui de vita et scriptis Artemonis haec dicit: 'Aristarchi et Cratetis aut aequalis aut suppar fuit: scripsit περὶ συναγωγῆς βιβλίων (cf. Athen. XII 515 E) et περὶ βιβλίων χρήσεως. ad eundem referenda est collectio epistularum Aristotelis (Dem. de eloc. §. 223, cf. Walz in praef. ad rhet. Gr. vol. IX et Stahr, Arist. p. I p. 206). hoc si recte fit, probabiliter statuimus vixisse eum ante Andronicum, qui Sullanis temporibus

de hac re sententia legitur apud Athenaeum XV 694 A: σχολιά δὲ χαλοῦνται οὐ κατά τὸν τῆς μελοποιίας τρόπον ὅτι σχολιὸς ήν λέγουσι γὰρ ἐν ταῖς ἀνειμέναις εἶναι σχολιά άλλὰ τριών γενών όντων, ως φησιν Αρτέμων δ Κασανδρεύς έν δευτέρω βιβλίων (codd. βιβλίω) γρήσεως, έν οίς τὰ περὶ τὰς συνουσίας ην αδόμενα, ών το μεν πρώτον ην, δ δη πάντας άδειν νόμος ήν, τὸ δὲ δεύτερον, δ δὴ πάντες μὲν ἦδον, οὐ μὴν ἀλλά γε κατά τινα περίοδον έξ ύποδοχής, τρίτον δε καλ την έπλ πασι τάξιν έχου, οδ μετείχου οὐκέτι πάντες, άλλ' οί συνετοί δοχοῦντες είναι μόνοι και κατά τόπον τινά εί τύχοιεν όντες διόπεο ώς άταξίαν τινὰ μόνον παρὰ τάλλα έχον τὸ μηθ' αμα μηθ' έξης γενόμενον, άλλ' ὅπου ἔτυχεν εἶναι, σκολιὸν ἐκλήθη. Verba τὴν έπι πᾶσι τάξιν ἔγον ab Ilgenio falso explicantur p. LXXXVII adn. 67: 'tertium autem genus est, quod quidem ad omnes ordine pertingebat', quae interpretatio adversa fronte repugnat verbis proxime sequentibus: οὖ μετεῖχον οὐκέτι πάντες. recta autem verborum explicatio ultro sese nobis offert, si respicimus ea, quae sequentur: τὸ δὲ τοιοῦτον ήδετο, όπότε τὰ κοινὰ καὶ πᾶσιν άναγκαῖα τέλος λάβοι; vertenda igitur sunt verba τὴν ἐπὶ πᾶσι τάξιν έχον 'post omnia, omnium postremum', cf. Grim l. c. p. 37 adn. 9. verba autem κατά τόπου τινά εί τύχοιεν όνrec genuina esse non possunt et propter sensum, qui fere contrariam usitatae scoliorum explicationi praebet sententiam, et propter verba sequentia άλλ' ὅπου ἔτυχεν εἶναι, quibus eandem sine dubio rem significaturus erat Athenaeus. neque vero adstipulari possum Ilgenio, qui hanc scripturam tueri studet explicando: 'qui loco quodam, si quidem acciderat, erant h. e. loco quisque, quem casus tulerat, accumbebant', laudatque Dalecampii interpretationem: 'qui loco certo quodam accubuissent', quae quidem recte se habere videtur, si verba ipsa respicimus, sed prorsus tolerari nequit, si de scoliis haec dicta

Aristotelis scripta edidit. ab altera parte Artemo iunior (?) erat, quam Dionysius Scytobrachion, cuius ipse in opere περὶ συναγωγῆς βιβλίων meminit quique Apollodori fere aequalis fuit c. 150 a. Chr.' (cf. Mueller II p. 6 not.)

esse reputamus; quod si Cludium (l. c. I p. 56) secutus voculam si deleveris, eadem restabit difficultas, ut alia, quae possint proferri contra hanc emendandi rationem, reticeam. bene autem huius loci sensum perspexit Casaubonus, cum haec coniceret: καλ καθ' δυτινα οὖν τόπον τύχοιεν δυτες. propius adeo ad litterarum, quae traditae sunt, similitudinem accessit Schweighaeuser: καλ κατά τόπον δυτινα οὖν τύχοιεν δυτες. at sine dubio legendum est: καl κατά τόπον δυτιν' άελ τύγοιεν δυτες, nam una syllaba ον, quae post τόπον facillime intercidere potuit, addita genuina restituta est lectio, quae plane respondet enuntiato sequenti: ὅπου ἔτυχεν είναι. hanc igitur coniecturam proposuit Runck l. c. p. 6, qui sine causa necessaria etiam ovres in exovτες mutavit. cetera autem Athenaei verba non habent, quae offendant, quare nimius in coniciendo fuit Runck, qui pro γενόμενον scripsit γένος ἀδόμενον et verba άλλ' ὅπου ἔτυγεν εἶναι e glossemate nata esse censuit. nam post μ θ' ἄμα μηθ' έξης necessario desiderantur verba άλλ' ὅπου ἔτυγεν εἶναι, quippe quibus demum explicetur scoliorum nomen.

Quid igitur Artemonem de scoliorum nomine tradidisse comperimus? tria is carminum convivalium genera fuisse contendit; alia enim ab universis convivis, alia a singulis ex ordine, alia a peritioribus tantummodo nullo certo ordine servato cantata esse. atque tertii generis carmina scolia appellata esse, cum neque simul ab omnibus, neque deinceps a singulis, sed confuso ordine atque interrupta canentium serie ab uno alterove efferrentur. itaque iam primo patet aspectu Artemonem idem statuisse ac Dicaearchum. sed quo clarior fiat ea res, utriusque scriptoris verba apponam:

Dicaearchus ὅτι τρία γένη ἦν ຜ່ຽῶν τὸ μὲν ὑπὸ πάντων ἀδόμενον,

τὸ δὲ καθ' ἕνα έξῆς,

Αrtemo
τριῶν γενῶν ὄντων
ὧν τὸ μὲν πρῶτον ἦν, δ δὴ πάντας ἄδειν νόμος ἦν,
τὸ δὲ δεύτερον, δ δὴ πάντες μὲν ἦδον, οὐ μὴν ἀλλά γε κατά τινα
περίοδον ἐξ ὑποδοχῆς,

Dicaearchus
τὸ δ' ὑπὸ τῶν συνετωτάτων, ὡς
ἔτυχε τῆ τάξει ὁ δὴ καλεῖσθαι διὰ τὴν τάξιν σκολιόν.

#### Artemo

τρίτον δὲ καὶ τὴν ἐπὶ πᾶσι τάξιν ἔχον, οὖ μετεῖχον οὐκέτι πάντες, ἀλλ' οἱ συνετοὶ δοκοῦντες εἰναι μόνοι καὶ κατὰ τόπον ὅντιν' ἀεὶ τύχοιεν ὄντες..., σκολιὸν ἐκλήθη.

haec igitur ita sunt comparata, ut vix a vero aberremus, si contendimus Artemonem Dicaearchum ducem esse secutum eiusque verba ante oculos habuisse.

Alia scoliorum nominis explicatio exstat in Photii bibliotheca cod. 239 p. 321 a. 3 ed. Bekker, qui eam e Procli chrestomathia decerpsit: τὸ δὲ σχολιὸν μέλος ἤδετο παρὰ τοὺς πότους. διό και παροίνιον αὐτό ἔσθ' ὅτε καλοῦσιν. ἀνειμένον δέ έστι τη κατασκευή και άπλούστατον μάλιστα σκολιον δε είρηται ούχ ώς ενίοις εδοξεν (cf. Suidam s. v. σχολιόν· τὸ ράδιον κατ' άντίφε ασιν) κατ' άντίφοασιν — τὰ γὰο κατ' άντίφοασιν ώς έπίπαν τοῦ εὐφημισμοῦ στογάζεται, οὐκ εἰς κακοφημίαν μεταβάλλει τὸ εἔφημον -, άλλὰ διὰ τὸ προκατειλημμένων ἤδη τῶν αίσθητηρίων καί παρειμένων οίνω των άκμοατων τηνικαυτα είσφέρεσθαι τὸ βάρβιτον είς τὰ συμπόσια καὶ διονυσιάζοντα ξκαστον ακοοσφαλώς συγκύπτεσθαι (sic emendavit Sylburg scripturam traditam συγκόπτεσθαι) περί την προφοράν της ώδης. όπεο οὖν ἔπασχον αὐτοὶ διὰ τὴν μέθην, τοῦτο τοέψαντες εἰς τὸ μέλος σχολιον έχαλουν το απλούστατον. Proclus igitur ipse scolia carmina simplicia fuisse statuit, sed, cum eorum interpretationi, qui scolia κατ' ἀντίφρασιν nomen accepisse opinabantur, accedere nollet, scolia, quamvis fuissent carmina facilia ad pangendum, tamen difficilia (δύσκολα) visa esse sibi persuasit convivis vino titubantibus et propter crapulae gravedinem mente impeditis turbatisque.

A Procli explicatione non ita multum recedit Orionis sententia in Etymologico Magno s. v. σκολιόν· ἀπὸ τοῦ μεθύουσι καὶ σκολιῶς ἔχουσι τὰ αἰσθητήρια ἄδεσθαι. neque id mirum.

nam Orio Thebanus 16) teste Marino vita Pr. c. 8 Procli magister fuit (cf. Maur. Schmidt, Did. fragmenta p. 390), porro si recte observata sunt ea, quae dicit Schmidt l. c.: 'Didymi neol noinτῶν tractatum primarium atque adeo unicum non modo Orioni in locis aliquam multis, sed etiam Proclo Lycio in duobus prioribus chrestomathiae libris fontem fuisse non sine maxima veri specie suspiceris', sine dubio iure contendemus e Didymo fluxisse. quae utrique sunt communia et Orioni et Proclo. at Didymum eandem quam Proclum et Orionem amplexum esse de scoliorum nomine sententiam aegre mihi persuadeo; nam sat absurdam eam esse vix quisquam infitias ibit. egisse autem de scoliorum nominis origine Didymum ex Etym. Magn. s. v. σχολιόν · Δίδυμός φησι διαφόρους έτυμολογίας έν (τῷ) τρίτω τῶν συμποσιακῶν scimus, ubi fortasse attulit, sed non approbavit illud nominis veriloquium, quod Orioni et Proclo maxime arrisisse non Didymo ipsi vitio est vertendum.

Procli explicationi adversatur Eustathius p. 1574, 12 his verbis: σκόλια δὲ τοῦτό τε καὶ κατ' αὐτὸ λέγεται τῷ μὲν τόνῷ πρὸς διαστολὴν τοῦ κοινῶς σκολιοῦ ἢ πράγματος ἢ λόγου· τῷ δ' ἐννοίᾳ οὐχ ὅτι σκολιά εἰσι λόγῷ ψόγου, ἀλλὰ κατά τινα μελοποιίας νόμον, δς οἰα εἰκὸς οὐ πρὸς εὐθὺ ἐμέλπετο, ἀλλὰ ποικίλως ἐσκολιοῦτο. calami sine dubio lapsu apud Ilgenium exaratum est λόγῷ ψόγου, quem errorem Runck nimis credulus veram scripturam esse ratus coniecit: λόγων ψόφου 'ut tortuosus verborum sonus vel artificiosius genus dicendi' significaretur. Koester autem quamquam codicum scripturam compertam habuit, tamen, quid verba tradita significarent, ignorans coniecit: εἰς λόγου ψόγου. sed recte exhibent codices λόγῷ ψόγου, quod significat: 'sensu malo, sensu reprehensionis', qualem sensum Orio et Proclus in scoliorum nomine inesse opinati sunt.

Denique Hesychius haec habet de scoliorum nomine s. v. σκολιά· τὴν παροίνιον φόδὴν οὕτως ἔλεγον οὐ διὰ τὸν τῆς μελο-

<sup>&</sup>lt;sup>16</sup>) De Oro et Orione, quorum nomina sescenties confunduntur a veteribus scriptoribus, egregie disputavit Fr. Ritschl Opusc. I pp. 582-673.

ποιτας τρόπου, δτι σκολιὸς ἦυ, ἀλλ' δτι οὐχ ἄπαντες ἦδου αὐτά, ἀλλὰ μόνοι οἱ συνετοί, nimirum propter canendi difficultatem 17). cum Hesychio igitur altera, quam attulimus, consentit Plutarchi explicatio.

Saepius scolia commemorantur eorumque nomen explicatur in scholiis ad Aristophanis comoedias, ubi scholiastae modo hanc modo illam sequentur explicationem, novam non afferunt. veluti in scholio ad Vesp. v. 1222 haec leguntur: ἀρχαῖον ἔθος έστιωμένους ἄδειν ἀκολούθως τῷ πρώτω, εἰ παύσαιτο τῆς ἀδῆς. τὰ έξης: και γὰο δ έξ ἀρχης δάφνην ἢ μυρρίνην κατέχων ἦδε Σιμωνίδου η Στησιχόρου μέλη, άχρις οδ ήθελε, και μετά ταῦτα, φ έβούλετο, έδίδου ούχ ως ή τάξις απήτει και έλεγεν δ δεξάμενος παρά τοῦ πρώτου τὰ έξης κάκεῖνος ἐπεδίδου πάλιν, ὧ έβούλετο. διὰ τὸ πάντας οὖν ἀπροσδοκήτως ἄδειν καὶ λέγειν τὰ μέλη σχολιά εἴοηται διά την δυσχολίαν. ad Vespar. v. 1239: ένιοι δέ φασιν ώς έκ τοῦ έναντίου προσηγορεύθησαν σκολιὰ τὰ παροίνια μέλη: άπλα γαρ αύτα έχρην είναι και εὔκολα ώς παρά πότον άδόμενα ούκ εὖ δὲ τοῦτο τὰ γὰο δύσφημα ἐπὶ τὸ εὐφημότερον μεταλαμβάνεται, οὐ μὴν τοὔμπαλιν : ἀλλ' ὅτι οὐκ ἀπὸ τοῦ έξῆς ἡ λύρα τοῖς συμπόταις έδίδοτο, άλλ' ἐναλλὰξ διὰ τὴν σκολιάν της λύρας περιφοράν σκολιά έλέγετο. vides igitur hoc loco Dicaearchi Artemonisque repeti sententiam. priore autem loco duae confusae sunt explicationes, altera Dicaearchi, qui propter singularem canendi ordinem scolia vocata esse statuit, altera Plutarchi Hesychiique, qui ex canendi difficultate ea nomen traxisse coniecerunt. Eustathii autem sententia legitur in scholio ad Ran. v. 1302 (1329 ed. Inverniz.): σχολιά μέλη τινά προσηγορικώς ούτω λεγόμενα και προπαροξύνεται το ύνομα πρός διαστολήν τοῦ ἐπιθέτου· οὕτω δὲ λέγεται διὰ τὸ μὴ κατ' εὐθὺ μέλπεσθαι, άλλα σχολιῶς 18).

<sup>17)</sup> Plutarchus quaest. symp. V 3, 2 σκολιὸν ἐπίγοαμμα dicit epigramma obscurum et difficile intellectu.

<sup>18)</sup> Hoc scholion reperitur in editione Inverniziana, deest apud Duebnerum.

Diversas quoque scoliorum nominis etymologias Ioannes Tzetzes in carmine, cui inscribitur  $t\alpha\mu\beta$ ou  $\tau\epsilon\chi\nu\nu\omega$ ol  $\pi\epsilon\rho$ l  $\kappa\omega\mu\varphi$ ol $\delta(\alpha s^{19})$ , attulit inde a v. 82 usque ad v. 92. quos versus iam, ne multis utar in referendo verbis, totos exscribam:

σκαμβῶν μετ' αὐτὰ νῦν μελῶν κλῆσιν μάθε. λέγοντες ἦσαν ταῦτα καιροῖς τῶν πότων. σκαμβὰ δ' ἔφασκον ὡς ἀπλᾶ μᾶλλον τάδε ἀλλοι δέ φασιν, ὡς ἀναγκαὶον πότοις ἄδειν ὑπῆρχε πρὸς ψαλάγματα λύρας ὅσοις ἐνῆν δὲ μηδαμῶς λύρας τέχνη, δάφνης λαβόντες εἴτε μυρσίνης κλάδους, ἦδον καλοῦντες σκαμβὰ τὰ λύρας μέλη ἀλλοι δὲ τοὺς ἄδοντας εἶπον τὴν λύραν οὐχὶ κατ' εὐθύ, συστροφαῖς δὲ λαμβάνειν . . οῦτω τὸ λοιπὸν κλῆσιν ἔσχε τὰ μέλη.

Tzetzes igitur Suidae sententiam de scoliorum nomine amplexus est, quamquam in eo erravit, quod vocabulo σκαμβός in ea re explicanda usus est; nam σκαμβόν non eodem modo quo σκολιόν sensu translato est difficile (δύσκολον), quam ob rem neque κατ' ἀντίφρασιν dici poterat σκαμβά pro ἀπλᾶ. praeter ea hoc loco Plutarchi et Dicaearchi commemoravit Tzetzes sententias. cur autem haec carmina σκαμβά appellaverit: utrum scolia antiquitus hoc habuerint nomen an Tzetzes id propter metri rationem solam adhibuerit, haud difficile est dictu; nam cum hoc loco excepto scolia nusquam σκαμβά appellentur, veri similius esse videtur Tzetzem ipsum hoc nomen, cum σκαμβόν eandem vim haberet ac σκολιόν (cf. Hesych. s. ν. σκολιά· σκαμβά), praetulisse utpote ad versus quos pangebat accommodatum.

Iam habes omnes veterum locos, quibus, unde originem traxerit scoliorum nomen, explicetur. nunc brevi in conspectu

<sup>&</sup>lt;sup>19</sup>) Tzetzae carmen exstat in tribus codicibus: cod. Paris. Reg. 2644, ex quo editum est a Duebnero (cf. Mus. Rhen. 1836 p. 154 sq. et prolegg. ad schol. Aristoph. p. XXV sq.) et codicibus Barocciano et Meermaniano, quos excussit Cramer (Anecd. Oxon. III p. 334 sqq.).

ponamus varias huius nominis explicationes. exstant autem in universum quidem sex inter se discrepantes sententiae, quas in hac tabella breviter adumbrabo:

## A. σχολιόν = ἐπικαμπές.

- a) propter canentium ordinem, qui erat obliquus. quem ordinem obliquum explicaverunt
  - I. alii ita, ut peritiores tantum cecinisse, canendi imperitos praetermissos esse statuerent (Dicaearchus atque Artemo).
  - II. alii ita, ut unumquemque quidem cecinisse, sed propter obliquam lectulorum in nuptiis collocationem canendi ordinem inflexum fuisse affirmarent (Aristoxenus, Phyllis, similiterque Plutarchus loco, quem attulimus, priore).
  - b) propter melodiae, quam dicunt, modum, qui
  - III. vocabatur σχολιὸν μέλος (Eustathius).

## B. σκολιόν = δύσκολον.

- a) propter canendi difficultatem,
- IV. cum canendi tantummodo periti admitterentur (Plutarchus loco altero, Hesychius).
- b) propter talium carminum pangendorum facilitatem, unde iam statuebant alii
  - V. κατ' ἀντίφοασιν scolia appellata esse (Suidas); alii
  - VI. convivarum animis vino excitatis ac turbatis carmen adeo facillimum visum esse difficillimum (Orio et Proclus).

Hac ex discriptione iam luculenter apparet, quem ad modum scriptorum singulorum sententiae inter se sint comparatae, neque minus luculenter patet iam veteres ipsos fabulatos esse de scoliorum nomine neque certius quicquam compertum habuisse. quo modo enim, quaeso, tot tamque variae poterant circumferri sententiae, nisi res ipsa plane fuisset ignota? etenim hae explicationes omnes versantur in eo, ut certa quaedam adiectivi σχολιός statuatur significatio atque ad scoliorum nomen explicandum adhibeatur a grammaticis parum curiosis, utrum vel e sermonis

natura atque indole vel ex ipsius carminum generis ingenio id fieri possit necne.

Sed iam videamus, quid nostrae aetatis viri docti de scoliorum nomine statuerint. Cludius igitur l. c. I p. 54 putat iam antiquissimis temporibus pervulgatos fuisse cantus, sed rudes ac sine artificio; temporum demum decursu certa quaedam genera adamata esse, ὀοθά (ἔπη, ἄσματα, μέλη) nominata, antiquos autem illos modos musicos nulla artis lege astrictos permansisse in multis carminibus, quorum metra hanc ob rem fuisse incerta vel σκολιά (ἄταπτα). carmina autem vulgo scolia appellata metro illo incerto fuisse composita atque hanc ob rem nomen accepisse. cum Eustathio igitur consentire videtur Cludius itemque Koester, qui (de cantilenis popul. vet. Graec. p. 72 et de scoliis p. 13) ab ipsius melopoeiae natura scolia appellata esse contendit. atque idem fere statuunt Ulrici l. c. II 380 et Mueller I³ 317 20).

Santen autem l. c. in scoliis quondam pedem amphibrachym, cui etiam nomen fuerit scolio, usitatissimum fuisse suspicatur atque inde scolia nomen traxisse contendit. quam ad sententiam fulciendam unum profert argumentum e Diomede grammatico sumptum, qui p. 475 P (I 479. 11 K) haec dicit: 'scolius quoque ideo (scil. amphibrevis dicitur), quia habiliter componitur scolio; est autem citharae (legendum est 'cantilenae' cf. Santen in Ter. Maur. p. 90) species mensalis' 21).

Dicaearchi sententiam Ilgen l. c. p. CLXXVII amplectitur, quem secuti sunt Hallström p. 19, Grim p. 8, Runck p. 9 alii, in primis, qui litterarum Graecarum scripserunt historiam, Bernhardy, Mure, Nicolai. Bode l. c. II b p. 465 de scoliorum nominis origine hoc modo disputavit: 'Verschiedene Formen passten nicht auf eine und dieselbe Melodie; und da sie Athenäus

<sup>&</sup>lt;sup>20</sup>) Jacobs l. c. VI 291 Eustathium sententiam suam e Didymo hausisse existimat.

<sup>21)</sup> Notatu dignum esse videtur excepto hoc uno loco apud scriptores Latinos scoliorum nusquam mentionem fieri.

(XV 694) bei demselben Gastmahle nacheinander singen lässt, so musste es einem jeden Gaste freistehen, mit der metrischen Gestalt zugleich auch die Tonart zu wechseln, und vielleicht führte die ganze Dichtungsart gerade von diesem Umstande ihren Namen'.

Duae quae commemorentur restant sententiae, quarum utra sit monstruosior ac perversior, non ausim diiudicare: Riemeri et Hartungii. ac Riemer in lexico Graeco II 895 sq. ed. IV haec dieit: 'Was Stoff und Inhalt betrifft, so sind es kurze, abgerissene Gedanken, lyrische Aphorismen, so dass man sie füglich von  $\kappa \delta \lambda o \delta s$ ,  $\kappa o \lambda \iota o \delta s$  ableiten könnte (!)'. Hartung autem (Griech. Lyr. IV p. 228) ita argumentatur: 'Die Lieder können Quergedichte  $(\sigma \kappa o \lambda \iota o \delta s) = \delta \kappa \iota s o s$  d. h. von dem einen zum andern springend) darum genannt worden sein, weil sie als Entgegnungen in die Quere kamen, oder auch weil sie durch witzige Anordnung aus ihrem eigenen Geleise gerissen wurden (!!)'.

Nunc quoniam enumeravimus, quidquid a veteribus recentioribusque grammaticis de scoliorum nomine est prolatum, nostrum esse puto, ut accurate examinemus unamquamque sententiam, qua re demum perfecta, quid ipsi statuamus, certius enuntiare licebit. ac primum quidem Dicaearchi, quem scoliorum nomen ab inflexo canendi ordine derivasse supra diximus, examinemus sententiam, quippe quae tanto opere arriserit Ilgenio, ut eam unice veram esse comprobare studeret. qui autem hunc secuti sunt, nulla omnino nova attulerunt argumenta, magis Ilgenii quam Dicaearchi ipsius auctoritate rem esse profligatam arbitrantes. primum igitur argumentum Ilgen affert talem nominis explicationem non abhorrere a Graecorum more, quippe cum per analogiam etiam κύκλια μέλη (vel ἄσματα) et κυκλίους ropove inde nomen accepisse constet, quod a choris circa aram dei ductis cantata sint, itemque στροφή et ἀντιστροφή (dicendum erat: ἀντίστροφος) a versione et reversione saltantium nomen habeant (cf. l. c. pp. XCIV et CLXXVII). altero autem usus est Ilgen argumento ex ipsa re petito, quo explicaret, qui factum esset, ut cantus continuatio modo huc modo illuc traheretur pro arbitrio canentium et viam faceret quodam modo σκολιάν (cf. p. CLX—CLXXVII).

Age iam inquiramus, num Ilgenii argumenta ea esse videantur, quibus adducamur, ut Dicaearcho adstipulemur, ac primo quidem obtutu facile aliquis opinetur eodem utique modo, quo carminibus cyclicis, etiam scoliis nomen inditum esse, in primis cum utrumque nomen perantiquum esse non possit negari. commemorantur enim iam apud Aristophanem κύκλιοι χοροί in Nub. v. 333: κυκλίων τε χορών ἀσματοκάμπτας, Ran. v. 366: πυπλίοισι γοροΐσιν ύπάδων, atque eodem modo πύπλια μέλη Αν. ν. 917 sq.: μέλη πεποίηκ' είς τὰς Νεφελοκοκκυγίας τὰς ύμετέρας κύκλιά τε πολλά και καλά. alii loci exstant apud Euripidem, Xenophontem, Aeschinem alios, quibus locis facile evincitur hoc nomen non a grammaticis vel metricis demum inventum esse, sed re vera iam antiquitus fuisse in usu. at analogia, quam inter carminum cyclicorum et scoliorum appellationem intercedere dicit Ilgen, non multum valet, immo, si rem accurate perpenderis, continuo evanescet. nam primum non omni dubio maius est carmina cyclica nomen habuisse a choro forma orbiculata circa aram dei collocato, qua de re conferatur Hartungii disputatio de dithyrambo in Philologi v. I 397 sqq., qui carmina cyclica et chorum cyclicum inde esse appellata praefracte negat et nomen ad carminum ipsorum compositionem refert 22). sed licet concedatur tritam ac vulgarem carminum cyclicorum explicationem posse defendi, ne sic quidem quicquam lucrabere ad scoliorum nomen per analogiam explicandum, si enim chori saltationes per orbem fiebant, certe etiam metrum et rhythmus respondebant huic motui orbiculari, neque quaelibet carminis compositio ad saltandum apta erat, sed ea tantummodo, quae conveniebat decursui incitato et aequabiliter atque uno tenore peracto saltationis cyclicae, id est dithyrambi. itaque saltationem vel artem orchesticam arte cum

<sup>&</sup>lt;sup>23</sup>) Hartungii de carmine cyclico sententiam iure amplexus est Bernhardy II 1<sup>3</sup> p. 650.

metro, rhythmo, melodia fuisse coniunctam nemo non videt, et, si a saltatione cyclica carmina nomen traxisse sumimus, certe non a re quadam externa atque adventicia, ut scolia e Dicaearchi Ilgeniique sententia, sed arte cum carminum ipsorum vi ac natura cohaerente ea appellata esse concedendum est.

Quid autem dicamus de strophis et antistrophis, quarum nomen simili modo ab Ilgenio in comparationem vocatur, sed .meo quidem iudicio falsissime? nam ante omnia dicendum est non certum quoddam carmen hoc indicari nomine neque ipsum carmen vocari stropham, sed significari tantummodo proprietatem quandam ad compositionem metricam et rhythmicam omnium poesis Doricae carminum pertinentem, non carminum ipsorum naturam. itaque haec cum scoliorum nomine comparare non licet. quoniam vocibus στροφή, ἀντίστροφος artis metricae terminus qui dicitur technicus continetur, voce autem σχολιόν certum poesis genus designatur. quae cum ita sint, cur haec duo in primis exempla afferat Ilgen, nulla omnino causa esse videtur. immo talia afferre debebat nomina, qualibus genus poesis quoddam e re externa atque adventicia — id quod e Dicaearchi sententia de scoliorum nomine statuendum est — appellatum esse demonstrari posset: quam ob rem certe majore jure eius modi nomina, qualia sunt τραγφδία, κωμφδία, δαφνηφορικά alia permulta, enumerare potuit. sed quid, quaeso, si ad talia confugiamus, inde lucremur? itaque iam mittamus hanc rem, qua Dicaearchi sententia neque confirmatur neque refutatur. sed qui e Platonis aliorumque scriptis cognoverit fere omnes Graecos disciplinae musicae fuisse peritissimos atque iam a pueris id edoctos esse, is facile concedet haud veri similem esse Dicaearchi sententiam, qui canendi interruptum et complures convivas in canendo praetermissos esse statuit, quod nemo nisi peritissimus quisque scolium, carminum convivalium genus illud simplicissimum, canere potuisset. hoc enim posterioribus fortasse temporibus, quibus scolia modo paulo artificiosiore canebantur, qua de re postea agemus, evenire poterat, sed eo tempore, quo Graeci in artes litterasque diligentissime incumbebant, id certe rarissime accidebat. quae res

ut intellegatur, conferas locum, qui est apud Cicer. Disp. Tusc. I 2, quo docemur Themistoclem habitum esse indoctiorem, cum in epulis lyram recusasset; ac similia de Cimone tradidit Plutarchus in vita eius c. 4. quamquam Ilgen tali ratiocinationi obloquitur dicens p. CLXXVII scolia ab initio fuisse certamina ipsorum poetarum mensae familiari simul accumbentium et ex tempore canentium, neque id ipsum sine magna aut exercitatione aut arte fieri potuisse. sed qui, quaeso, potest afferri locus, quo haec confirmetur sententia? ut enim concedamus scolia potuisse cani ex tempore, quis tradit id scoliorum fuisse proprium? denique num tu putas in conviviis, ubi sua cuique debebat esse convivae voluptas, carmina fuisse adamata, quae a doctioribus tantummodo poterant cani?

At novum argumentum ad Dicaearchi sententiam confirmandam attulit Runck dicens p. 14: 'cur certam regulam (in ordine canendi) veteres sibi statuisse putandi sint, equidem non video causam. immo dissolutum ac plane liberum fuisse ordinem, cum per se sit simplicissimum maximeque scoliorum naturae consentaneum, tum ipsis veterum testimoniis probatur et confirmatur'. quo argumento quid excogitari potest ineptius? namque ut concedamus Runckio ex arbitrio hunc illumve nullis ordinis certi vinculis constrictum cantum excepisse, quo modo scolia appellari poterant a re, quae, ut Runckio quidem videtur, nihil habet insigne et per se intellegitur? itaque non modo nomen a canentium ordine derivari nequit, verum etiam falso tradit Dicaearchus peritissimum quemque cecinisse haec carmina.

Ceterum fictam ac futilem esse Dicaearchi sententiam inde etiam apparet, quod Aristoxenus et Phyllis, qui eadem qua Dicaearchus vixerunt aetate, eam respuerunt. quid ergo sequitur? nihil aliud puto, nisi iam Dicaearchi temporibus scoliorum et nomen et usum fuisse abolitum illumque proprio Marte finxisse explicationem nomini atque usui aeque repugnantem. quae si recte disputata sunt, iam tota de scoliorum nomine corruit Ilgenii disputatio, quae his finitur verbis p. CLXXVII: 'quae

(sc. Dicaearchi sententia) eo maius habere pondus videtur, quod Dicaearchus Aristotelis est discipulus et ea aetate vixit, ut ipse tali ludicro interesse et scolia canere potuerit; qui igitur non ex opinione et ex mero vocis etymo, sed ex experientia et certa rei exploratione iudicasse putandus est.' at si usque ad Dicaearchi tempora scolia in usu erant, cur Aristoxenus, Dicaearchi aequalis, multo alio modo scoliorum et nomen et usum explicavit? ceterum de aetate, qua scolia floruerint et quando obsoleverint, aptius alio loco dicemus. haec igitur de Dicaearchi sententia.

Iusto minoris usque adhuc miror habitam esse Aristoxeni sententiam atque id fere prorsus neglectum esse, quod musicus ille clarissimus scolia non a melopoeiae modo nomen accepisse tradidit. nam certe a musico exspectaremus sententiam similem eius, quam tulit Eustathius, qui a modo quodam musico scolia appellata esse contendit. sed Aristoxenus ut Dicaearchi respuit sententiam, quae ei parum veri similis esse videbatur, ita gravis testis est suis quidem temporibus rem fuisse inauditam scolia a melodia nomen traxisse, at quam ipse excogitavit explicationem de lectulis in nuptiis inter se oblique collocatis prorsus reicere non dubito. quid enim? solisne in nuptiis scolia cantata esse statuamus? ac quo modo, quaeso, scolia a lectulis oblique collocatis appellari poterant, si hic mos in nuptiis tantummodo observabatur? an praestat iudicare scolia initio cantus nuntiales fuisse? minime. sed quamvis talis explicatio nobis non probetur, tamen haud inutilia sunt Aristoxeni verba, quippe quibus edoceamur musicorum illius aetatis principi non placuisse scoliorum nominis originem repetere a modo quodam musico, neque magis eum potuisse sibi persuadere canendi ordinem fuisse inflexum, quod doctiores tantum canerent; quae duae explicationes iam ob id ipsum, quod ille eas respuit, non magnam prae se ferunt veri similitudinem.

Neque maiorem fidem habeamus oportet Plutarcho, qui non propter ordinem canentium inflexum, sed solum, quod difficilia erant, carmina illa nomen accepisse tradit. quae opinio pariter reiectanea est atque interpretatio eorum, qui a facilitate talia pangendi carmina κατ' ἀντίφρασιν vel ἐκ τοῦ ἐναντίου scolia dicta esse arbitrabantur. nam hi sunt aperti grammaticorum lusus, qui nescii, unde derivarent nomen, ridiculo sane modo rem ignotam explicare studebant. etenim quo iure poterat Plutarchus scolia difficilia esse contendere, quae facillima fuisse constat? contra si facilia erant carmina, num tu putas revera Graecos σκολιόν appellavisse τὸ μὴ σκολιόν, ut 'lucum' a 'non lucendo'?

Plutarchi et Suidae sententiam consociare studet Proclus, qui ipse carmina facilia fuisse concedit, sed convivis vino captis difficilia visa esse carmina simplicissima putat. quae sententia Koestero valde arrisisse videtur, quippe quam e scriptore melioris notae, Didymo, desumptam esse censeret p. 8, dummodo minus accurate verba esse descripta statueremus. quamquam genuina verba restituere — id quod promiserat — Koester omisit 23), cum ei praematura morte abrepto disputationem de scoliis incohatam ad finem perducere non liceret. mihi autem verba Procli sanissima esse videntur paucis, quae non ad rem ipsam pertinent, exceptis, neque offendor, ut Koester, verbis: σκολιον ἐκάλουν τὸ ἀπλούστατον, quae plane respondent antecedentibus: ἀνειμένον δέ έστι τη κατασκευή και άπλούστατον μάλιστα, itaque quid sibi voluerit Proclus, facillimum est intellectu, cum fere idem sit, quod statuit Orio. sed non possumus acquiescere in hac sententia. nam primum nimis quaesita est talis significationis μεταφορά, qualem statuit Proclus, deinde sat absurdum esset contendere Graecos propter vinolentiam atque ebrietatem convivantium scoliis nomen imposuisse.

Quae restat Eustathii sententia, qui scolia a modo quodam musico nomen habere statuit, eam ferri posse non negem, cum apte

<sup>&</sup>lt;sup>23</sup>) Koester quidem p. 13 Procli sententiam recte se habere dicit, dummodo σκολιότητα non ad canentium animos, sed ad ipsum poesis genus rettuleris. sed tale quid vix coniectando e scriptoris verbis elici potest.

a melodia poesis genus appellari potuerit. sed una subest difficultas eaque haud levis: id enim quaeritur, quae fuerit illa melodia. quam difficultatem perperam expedivit Santen, qui a pede scolio i. e. amphibrevi nomen ortum esse statuit Diomedis grammatici auctoritatem praetendens. nam primum nusquam in scoliis indagare possumus pedes amphibreves, deinde grammaticus ille ipse non scolia a pede scolio vel amphibrevi, sed pedem scolium a carmine scolio appellatum esse dicit, denique si nomen 'scolius' pro amphibrevi et amphibrevis in scoliis erat usitatus, cur Aristoxenus hanc facillimam explicationem non est amplexus? quod cum non fecerit, mihi quidem certissimum est argumentum pedi scolio nihil esse commune cum scoliis.

Sed quid tum, iam audio clamitantes omnes, si Aristoxeni auctoritate prohibemur, quominus explicationem, quae ex omnibus veri simillima est, amplectamur, ipsa autem Aristoxeni explicatio minime apta est? cum igitur iam eo argumentationem nostram deduxerimus, ut prorsus simus destituti testimoniis veterum auctorum, quippe quae sint sat dubiae auctoritatis, ab ovo rem retractandam esse persuasum habeo et redeundum ad eam aetatem, qua scolia usu recipiebantur, i. e. ad lyricae poesis primordia, num fortasse quaedam possint deprehendi vestigia, quibus nixi nominis originem indagemus.

Ac Terpandrum carmina convivalia excoluisse cantibus, qui in Lydorum conviviis erant usitati, in ea re adiutum iam supra ostendimus. nomen autem scoliorum Graecum quin sit et perantiquum, dubitari non potest. nam falsus est Ilgen p. CXXVI adn. 78 dicens: 'nomen σκολιόν de carmine mihi quidem antiquissimis temporibus aeque videtur incognitum fuisse ac serioribus de pede'. etenim iam Pindarus dixit apud Athen. XIII 574 B: τοιάνδε μελίφρονος ἀρχὰν εὐρόμενον σκολιοῦ, et nomen illud sine dubio iam longe ante Pindarum in usu erat.

Ac nomen quidem ad carminum compositionem melicam pertinere putaverim, quoniam  $\sigma no \lambda i \dot{\alpha}$   $\mu \dot{\epsilon} \lambda \eta$  — ubi enim  $\sigma no \lambda i \dot{\alpha}$  legitur altero nomine non adiecto,  $\mu \dot{\epsilon} \lambda \eta$  cogitatione supplendum est —, si ad

verbum vertimus, sunt 'cantilenae inflexae, inflexis melodiis compositae', ut dicitur ἀνάπαιστα μέλη et similia. sed de carminibus, quae σκολιὰ μέλη nominantur, tum demum sermo potest fuisse, si quae erant scoliis opposita carmina exstabant. iam cum vox σκολιός opposita sit voci ὀρθός vel ὄρθιος, iure colligas olim carmina quaedam fuisse ὀρθὰ ἄσματα vel ἔπη a Graecis vocitata. nam quo modo, quaeso, Graecis in mentem venire poterat μέλος quoddam σκολιόν appellare, si antea non noverant ἄσματα μὴ σκολιά vel ὀρθά? itaque videndum est ante omnia, si quidem fide digna habeatur volumus sententia nostra, num possit demonstrari antiquitus fuisse carmina, quae aut nominata sint ὀρθά, aut quorum natura atque indoles ita fuerit comparata, ut μέλη iis opposita nominari potuerint σκολιά.

Quem ad finem inquiramus oportet, quae fuerit ars musica Terpandri temporibus, ac tradit de ea re Plutarchus de mus. c. 6 haec: τὸ δ' ὅλον ἡ μὲν κατὰ Τέρπανδρον κιθαρφδία και μέχοι της Φούνιδος ήλικίας παντελώς άπλη τις οὖσα διετέλει . . . τὰ γὰο ποὸς τοὺς θεοὺς ἀφοσιωσάμενοι ἐξέβαινον εύθυς έπί τε την Όμηρου και των άλλων ποίησιν. δηλον δέ τοῦτ' ἔστι διὰ τῶν Τερπάνδρου προοιμίων. de Terpandri autem poesi verbis Glauci apud Plut. c. 5 edocemur: ἐξηλωκέναι δὲ τὸν Τέρπανδρον Όμήρου μέν τὰ ἔπη, 'Όρφέως δὲ τὰ μέλη. versu igitur heroico composita erant carmina illa antiqua et ad citharae sonum, ut Orphei cantilenae, cantabantur, poesis Terpandreae autem laus posita erat in nomis quos vocant condendis, quorum argumenta ad deos pertinebant quique ab aliis poesis melicae generibus, in primis hymnis, eo differebant, quod exstructi erant certis periodis inter se diversis, sed certa lege sese excipientibus, ita tamen, ut compositione antistrophica carerent atque ab uno tantum homine decantarentur (cf. C. H. Walther, commentationis de Graecae poesis melicae generibus particula. diss. inaug. Halis Sax. 1866 p. 38 sqq.). metro in nomis condendis in primis usus est Terpander hexametro dactylico, cf. Plut. de mus. c. 4: őti δὲ οι κιθαρωδικοι νόμοι οι πάλαι έξ ἐπῶν συνίσταντο, Τιμόθεος έδήλωσε. Phot. bibl. cod. 239 p. 320, 5: δοκεῖ δὲ Τέρπανδρος μὲν πρῶτος τελειῶσαι τὸν νόμον ἡρώφ μέτοφ χρησάμενος. praeter ea Plutarchus de mus. c. 28 eum orthios et trochaeos semantos invenisse dicit, a quibus metris etiam duorum nomorum genera nomina accepisse tradit Pollux Onom. IV 65: ἀπὸ δὲ ἐνθμῶν Ορθιος καὶ Τροχαῖος (scil. νόμος λέγεται). itaque ante Terpandrum metrum heroicum fere solum in usu fuisse videtur, et quae Terpander invenit metra, trochaeum semantum et orthium dico, ita comparata erant, si metrorum illorum usum melicum spectas, ut non ita multum differrent a versu heroico (cf. Rossbach-Westphal, Metrik II² 280). quam rem iam, quo facilius intellegatur, hac tabula proposita illustrabo:

unde apparet poetam id egisse, ut numeros ad hexametri dactylici normam accommodaret, ante Terpandrum igitur, ut modo diximus, metrum in carminibus, si carmina popularia nullo certo metro astricta exceperis, heroicum solum fuisse videtur. atque ipsum illud metrum, quo carmina antiquissima confecta erant, olim orthium appellatum esse, ex quibusdam quae etiam nunc exstant vestigiis conicias. Hesychius enim verbum ὀοθιάζειν explicat verbo μαντεύεσθαι, respecto videlicet rhythmo orthio vel dactylico in oraculis usitatissimo, atque eadem glossa legitur in Photii lexico, ubi pro ὀοθιάζειν exstat ὀοθοιάζειν. deinde apud Longinum III 7 ed. Weiske (cf. Longini prolegomena ad Hephaestionem VII p. 141 ed. Gaisford) a Pythia (vel Orpheo) versus hexameter dactylicus ŏodios nominatur. haec enim dicit Longinus: ότι δὲ τοῦτο (scil. μέτρον καλοῦμεν καὶ τὸν χρόνον) οὐτως έχει, παράδειγμα τεθήσεται, ο τινές μέν Όρφέως, τινές δέ τῆς Πυθίας παραλαμβάνουσι περί γὰρ τῶν ἐπῶν λέγων ἢ λέγουσα.

όρθιον, έξαμερές τετόρων και είκοσι μέτρων.

quae cum ita sint, a veri specie non est aliena coniectura

hexametrum dactylicum, metrum illud antiquissimum,  $\delta \varrho \vartheta \iota o \nu$  olim appellatum esse.

Sed ne in aliam partem ac dicta sunt verba mea accipias, scito me haud ignorare grammaticis, qui de arte metrica scripserunt, orthii nomen longe aliud quid significasse. illi enim ooθιον (i. e. recte ascendentem) πόδα certum quoddam iambi genus nominabant, cf. Aristid. Quint. p. 37 ed. Meib.: ὄοθιος δ έκ τετρασήμου άρσεως καὶ ὀκτασήμου θέσεως et p. 38: δ δὲ δρθιος (ἐκλήθη) διὰ τὸ σεμνὸν τῆς ὑποκρίσεως καὶ βάσεως. (Bacchius sen. p. 25 M: δρθιος έξ άλόγου άρσεως και μακράς θέσεως οίον όργή, de quibus verbis vide quae disputavit Westphal, Metrik I<sup>9</sup> 96). at nonne eidem nomini, quo grammaticorum temporibus rhythmus ascendens significabatur, antiquissimis temporibus alia subici potuit sententia? 24) neque vero ego is sum, qui pro certo affirmare audeam hexametrum olim orthium appellatum esse. quamvis id ex iis, quae supra diximus, non sine quadam probabilitate colligatur. sed si locos, quos supra attulimus, respexeris et verba Maximi Tyrii diss. XXIII c. 5 legeris: άλλ' οὐ πᾶσι καλὰ οὐδὲ ἀεὶ καλά · οὐδὲ γὰο τῶν ἐν μουσικῆ μελῶν εἶς νόμος ούδε είς χρόνος. καλον μεν εν πολέμω το όρθιον, καλον δε εν συμποσίω τὸ παροίνιον, καὶ καλὸν μὲν Λακεδαιμονίοις τὸ ἐμβατήριον, καλον δε 'Αθηναίοις το κύκλιον, και καλον μέν έν διώξει τὸ έγκελευστικόν, καλὸν δὲ έν φυγή τὸ ἀνακλητικόν ἡδεῖα μὲν πάσα μοῦσα, άλλὰ τὸ τῆς χοείας οὐχ ὅμοιον πάσιν, ubi aperte carmini convivali — quis enim est, qui voce παροίνιον lecta non statim de scoliis cogitet - opponitur rò δοθιον, non poteris facere, quin concedas antiquissima carmina i. e. carmina epica hexametris composita, si ipsa orthia non nominabantur, tamen ea natura atque indole fuisse et veteribus ipsis ita visa esse, ut carmina illis opposita σχολιά dici potuerint.

<sup>24)</sup> Apud Homerum quidem verbum δοθιος est ἄπαξ λεγόμενον (Il XI 11 ἤΰσεν δοθια) et significat: 'intenta voce'. atque eandem significationem haec vox etiam apud Pind. Ol. IX 117, Nem. X 76, Aesch. Pers. 389, Cho. 751 aliis locis habet.

Iam quid novavit in arte musica Terpander? citharam unum diapason exhibentem invenit, qua inventa effecit, ut unicuique deinceps voci vel syllabae in recitando citharoedus posset succinere eamque proprio citharae sono distinguere - unde poesis melica originem duxit -, cum antea citharae soni carmini recitando tantummodo praemitterentur, iisque praemissis sola canentis vox declamaret (cf. Bode l. c. II 1 p. 178 adn. 1). atque haec praeclare iam perspexit Ilgen, qui p. LXXXI sic disputavit: 'hunc rudiorem et nimis simplicem heroicae aetatis cantum Terpander immutavit et artificiosiorem reddidit non amplius satis habens singulis carminis periodis citharae tactu praecinere, sed vocis flexus tum ascendendo tum descendendo fidium sonis perpetuo comitans' (cf. etiam pp. LXXVIII et LXXXIII). quod si Bergk (Hist. litt. Graec. I 432 sq.) demonstrare studuit iam Homero notum fuisse eum canendi modum, qui vulgo ad Terpandrum auctorem refertur, optime hanc opinionem refutavit Susemihl ('Kleine Beiträge zur griechischen Literaturgeschichte. Homer und Terpandros'. Annal. philol. CIX 649 sq.).

Nonne igitur hanc ipsam ob rem aptissime statui poterat Terpandrum σχολιὰ μέλη invenisse? at, dicat aliquis, quamquam tibi concedo Terpandri inventa fuisse eius modi, ut μέλη ab eo excogitata nominari possent σχολιά, eo ipso apparere videtur μέλη illa σχολιά non ad scolia i. e. carmina convivalia esse referenda, sed ad totam poesim melicam, si autem tota poesis melica ita appellari poterat, quo modo explicabis sola carmina convivalia scolia nominata esse? haud difficile meo quidem iudicio. etenim iam exposuimus primordia poesis melicae esse repetenda a Lydis, quos carmina melica in epulis cantasse Terpandroque magistros fuisse Pindarus loco, quem supra fusius tractavimus, tradidit. itaque non a poesi sacra, sed a poesi hilari ac populari poesis melica originem duxit, si Pindaro fidem habemus, illud igitur poesis melicae genus, quod carminum popularium simillimum est, antiquissimum habendum est. haec autem sunt carmina illa brevia convivalia. cetera genera melica, quae perantiqua esse non possumus negare, veluti hymni, dithyrambi, hymenaei, epithalamia, alia a poesi sacra orta sunt et primitus versus heroici legibus astricta erant; melicis vero modis ea temporum demum decursu instruebantur (cf. Bode II 1 p. 99 sqq.).

Terpander igitur poetarum Lesbiacorum princeps breves illas cantilenas populares, quae iam inde ab antiquissimis temporibus sine arte in conviviis cantari solebant, iustis modulis instruxit, et quod cithara tum primum per totum carmen pulsari coepta est — id quod rhythmo σκολιότητα quandam versus heroici gravitati vel ut ita dicam ὀψθόθητι oppositam afferebat — tales cantilenae scolia nominabantur. itaque poesis melica initio convivalis fuisse videtur et scoliorum nomine appellata, postea autem, vel, ut rectius dicam, non multo post alia etiam carmina μελικώς canebantur, quam ob rem scoliorum nomen non amplius ad totam poesim melicam referebatur, sed ad vetustissimam i. e. carmina convivalia.

Facile autem demonstrari potest revera ab Aeolibus poesim convivalem in primis excultam esse. etenim si illius poetae carmina, qui primus, quod sciamus, in terra Aeolica mansit neque, ut Terpander et Arion, in civitatibus Doricis maximam vitae partem degit, si Alcaei carmina respicimus, videmus ea fuisse προοίμια, στασιωτικά, έρωτικά, συμποτικά, quae argumenta brevibus poematiis ab uno tantum homine ad citharae sonum cantandis absolvebantur. haec autem carmina omnia apte poterant in epulis cani et revera cantabantur. quam ob rem de Aeolibus Heraclides Ponticus apud Athen. XIV 624 D haec dicit: olnecov έστ' αὐτοῖς ἡ φιλοποσία καὶ τὰ έρωτικὰ καὶ πᾶσα ἡ περὶ τὴν δίαιταν ἄνεσις, quid igitur? nonne verum quodam modo praesagiit Hartung, qui l. c. VI 7 in hunc modum disputavit: 'Die Bestimmung (der aeolischen Poesie) anlangend, so scheint diese ganze Poesie eine Tischpoesie zu sein, weil die Lieder bei Tische zum Weine gesungen zu werden bestimmt waren, und alle miteinander von der Art sind, dass sie in einem Commercebuche, wie wir das heutigen Tages zu nennen pflegen, sich gut ausnehmen würden. Es ist das also eine Skolienpoesie, wie es denn auch

keines der alkaeischen und auch der anakreontischen Gedichte gibt, das nicht als Skolion gesungen wurde und gelegentlich auch einmal ein Skolion genannt wurde'.

Tota igitur poesis melica, in qua primum varia metra variis modis ad citharae sonum accommodata adhibebantur, initio scoliorum nomine significata esse videtur, quod nomen usurpatum est, quia contra metrorum dactylicorum in poesi sacra usitatorum rigiditatem νόμος, ut Eustathii utar verbis, ποικίλως έσκολιοῦτο in carminibus popularibus et convivalibus, in quibus primis cithara per totum cantum pulsabatur, id quod metro maximam suppeditabat varietatem. hoc igitur modo carmina variis metris composita sunt, quae primum scolia nominabantur, quod nomen postea, cum poesis melica magis magisque excoleretur et alia quoque carmina ac convivalia melice componerentur, non prorsus evanuit, sed non amplius totam poesim melicam significabat. permansit enim nomen in vetustissimo tantummodo poesis melicae genere, carminibus convivalibus, quae cum ita sint, veritatis umbram in Eustathii detegere possis verbis supra iam allatis: (σπόλια λέγεται) κατά τινα μελοποιίας νόμον, δς οία είκος οὐ πρὸς εύθυ έμέλπετο άπλοικώτερον, άλλα ποικίλως έσκολιουτο. quamquam in eo falsus est Eustathius, quod a certo quodam modo musico scoliis nomen impositum esse dixit. neque enim certo quodam modo composita erant scolia ita, ut ab eo nomen profectum esse statuas, sed omnes poesis melicae modi initio videbantur esse obliqui (σχολιοί), quod nomen mansit antiquissimae poesi melicae i. e. carminibus Aeolicis. carmina autem Aeolica antiquitus erant convivalia, quo factum est, ut scolia etiam in posterum significarent carmina convivalia.

Si forte quis miretur, quod inter poetarum Aeolicorum reliquias etiam hymenaei, epithalamia, alia reperiantur, quae certe ad poesim convivalem non pertinent, ei reputandum est nobis fragmenta servata esse eorum tantum poetarum, quorum temporibus poesis Aeolica iam erat exculta ac perfecta (cf. Bode II 2 p. 379), tum enim non amplius satis habebant Aeoles car-

mina brevia convivalia µελικῶς recitare, sed etiam ea carmina, quae ante carminum epicorum instar composita erant (cf. p. 43 extr.), ad eitharae sonos cantare consuerant.

Tali modo si nominis originem explicamus, patet, cur Graeci posteriorum temporum, et musici et grammatici, falsas de ea re protulerint explicationes, deinde, cur tanto opere fluctuent sententiae grammaticorum et veterum et recentiorum, quibus finibus sit circumscribendus scoliorum usus, disceptantium aliaque id genus, quae facile intellegas, si meam amplectare de nominis illius origine sententiam.

## III. De scoliorum vi ac natura.

Sive forte fortuna accidit, sive altius repetenda est causa, certe res est memoratu digna nos, quamvis accuratissime edocti simus, a quo, quando, quibus adiumentis adhibitis scolia cantata sint, tamen notitiam fere nullam habere, quid fuerit scoliorum poesis proprium, quo agnoscerentur primo statim aspectu scolia neque ambigeretur, utrum certum quoddam carmen ad hoc poesis melicae genus esset referendum necne. nam neque veteres auctores, neque, qui nostra aetate de hoc poesis genere disputaverunt, certam idoneamque scoliorum protulerunt definitionem, quo fit, ut dubius haereas, libeatne adstipulari iis, qui totam fere poesim convivalem scoliorum nomine esse appellandam arbitrantur — quae sententia a nonnullis quidem έν παρέργω prolata est, sed a nemine, quod sciam, explicata -, an illis, qui pauca quaedam carmina, quae aperte a veteribus scriptoribus ita appellantur, scolia habenda esse sibi persuaserunt. instituturus autem accuratius fere primus hanc quaestionem, rem ita agam, ut ante omnia testimonia veterum hac de re diligenter collecta recenseam. sunt autem, quae veteres quasi definitionis loco tradiderunt, haec: Athenaeus XV 694 Β: τὸ δὲ τοιοῦτον (σκολιόν) ήδετο, δπότε τὰ κοινὰ καὶ πᾶσιν ἀναγκαῖα τέλος λάβοιεν τηνικαῦτα γὰο ήδη τῶν σοφῶν ἕκαστον ἀδήν τινα καλὴν εἰς μέσον ήξίουν προσφέ**φειν. καλήν δὲ ταύτην ἐνόμιζον τὴν παραίνεσίν τέ τινα κα**ὶ γνώμην έχειν δοχοῦσαν χοησίμην τε είς τον βίον. Aristoxenus et Phyllis apud Suidam et Photium s. v. σκολιόν (cf. schol. Plat.

Gorg. 451 E. schol. Lucian. pro laps. int. sal. c. 6): . . . #dov γνώμας καὶ ἐρωτικὰ σύντονα (συμπο εια addit schol. Plat.). Photius bibl. cod. 239 p. 321, 5 Bekker: ανειμένον δέ έστι (σκολιόν) τη κατασκευη καὶ άπλούστατον μάλιστα. Anecdot. Oxon. IV 314, 4: σκολιόν έστι ποίημα πρός συμποσίου συναγωγην εύθέτως έχον ίστορίαις καὶ παιδίαις (corr. παιδιαίς) οίκείαις πότω, συμπεπλεγμέναις, καλείται δε επίνοιον (corr. έποίνιον). schol. Plat. Gorg. 451 Ε: εἰρῆσθαι δὲ αὐτὸ σκολιὸν κατ' άντίφρασιν, ότι δάδια καλ όλιγόστιχα ώς έπιγράμματα. Clemens Alexandrinus 72, 3 S: άλλὰ καὶ ἐν τοῖς παλαιοῖς Έλλησι παρά τὰς συμποτικάς εὐωχίας καὶ τὰς ἐπιψεκαζούσας κύλικας Έβοαϊκών κατ' είκόνα ψαλμών ἄσμα τὸ καλούμενον σκολιὸν ήθετο κοινώς απάντων αμα φωνή παιανιζόντων, έσθ' ότε δὲ καὶ έν μέρει περιελιττόντων τὰς προπόσεις της ώδης, οί δὲ μουσικώτεροι καλ πρός λύραν ήδον. Eustathius 1574, 14: μυρία δὲ τοιαθτα (σκόλια) περιφέρονται, τὰ μὲν σκωπτικά, τὰ δὲ πρὸς ἔρωτα, πολλά δὲ καὶ σπουδαῖα. Suidas s. v. σκολιόν τὸ ράδιον κατ' αντίφρασιν, μέλος τι όλιγόστιγον.

Iam si perlustramus, quae redundent ex his locis de poesis huius indole, haec sunt: scolia erant carmina brevia ac minuta ita, ut prae se ferrent epigrammatum fere speciem (cf. schol. Plat. et Suid. loco altero). metra autem fuisse minus legibus astricta ac simplicia tradidit Photius, porro si ea, quae de argumentis Athenaeus, grammaticus apud Cramerum, Eustathius rettulerunt, comprehendimus, ea ad convivia, amores, philosophiam, historiam alia pertinuisse comperimus. plus vero uno nomine memorabilis est locus e Clemente Alexandrino depromptus, unde scolia similia fuisse psalmorum Hebraicorum cognoscimus et cantata esse a convivis cum communiter carmen efferentibus, tum etiam invicem succedentibus in canendo et per cantici vices propinationem circumagentibus. ac primum memorabilis est locus, quod comperimus similitudinem quandam intercessisse inter psalmos et scolia, quam quidem similitudinem Clemens omisit accuratius explicare; sed si quis psalmorum vim ac naturam perspectam habuerit, ei non difficile erit ad intellegendum, quibus

potissimum rebus illa similitudo agnoscatur. etenim psalmi, ut nomine ipso confirmatur, ad psalterii vel citharae sonum cantabantur eodem modo quo scolia, et, cum utrumque carminum genus cena iam ad finem perducta cantaretur, neque inde multum differebant. quamquam negari non potest hanc comparationem non omni ex parte recte se habere; nam scolia cena quidem finita, sed inter pocula i. e. per symposium canebantur: psalmis tum demum locus erat, cum totum convivium erat finitum, neque fas erat inter vel post psalmorum recitationem symposium continuare. deinde affirmat Clemens scolia cum a singulis, tum ab omnibus simul cantata esse, id quod adversa fronte pugnare videtur cum iis, quae de hac re tradiderunt Dicaearchus, Athenaeus, Plutarchus, alii, qui ab uno tantum conviva, ut erat poesis Aeolicae proprium, scolia cantata esse tradunt. sed de hac re postea accuratius agemus.

Haec sunt, quae veteres de scoliorum vi ac natura tradiderunt, pauca sane ac quae non sufficiant, ut penitus cognoscatur poesis illius genus. neque vero magis dilucida sunt ea, quae viri docti nostrae aetatis de ea re protulerunt. qui enim aliter fieri potuit, ut Ilgen quinquaginta scolia nobis servata esse putaret, Bergk (Poet. lyr. Graec. III 3 1287 sqq.) triginta, Hartung (Griech. Lyr. VI 51 sqq.) viginti septem? adde quod quae in libellis, quibus de scoliis agitur, et in compendiis, quibus historia litterarum Graecarum explicatur, et passim hic illic de scoliorum natura leguntur, tam ambigua, vaga, incerta sunt, ut primo intellegas aspectu rem nondum satis esse exploratam accurataque egere disquisitione, qua certius quid statuatur. nam Ilgen ipse accuratius definire omisit, quid eius carminis esset proprium, quod appellatur scolium. novissime autem qui de scoliis egit Runck l. c. eam rem explicare aggressus est perperam, cum e locis illis, quibus scolia a peritissimo quoque cantata esse traditur, concluderet (p. 10): 'fuisse scolia initio quasi florem poesis, non unicuique notam, plenam sententiarum, non sine sale'. cur autem multa quae nobis supersunt scolia in istam sententiam non quadrent, ipse his studet explicare verbis: 'attamen

quid impedit, quominus antiquissimis temporibus eas tantum cantilenas scoliorum numero ascriptas esse arbitremur, in quibus praecepta fuerint vitae bene constituendae vel his similia, tum paullatim inscitia videlicet originis principalisque verbi significationis alia quoque parva carmina convivalia iis esse admixta? etenim quia inter cenam maxime recitabantur, idem fere habuere σχολιόν et παροίνιον'. num igitur, quaeso, quicquam lucramur, si cum Runckio facimus? nam ut taceam de inficeta illa opinione scolia initio praecepta tantummodo continuisse, Runck graviter contra omnem rationem peccavit, quod iis carminibus, quae scolia fuisse veteres diserte tradiderunt, ad quaestionem instituendam non usus est fundamento, sed ex solo nomine vel eo, quod canendi peritissimos tantummodo scoliis esse usos grammatici rettulerunt, rem ita explicare conatus est, ut contenderet scolia fuisse carmina graviora ac difficiliora praecepta vel tale quid continentia. quid? num igitur omnia carmina, quibus praecepta continentur, atque ea sola scolia esse dicamus? quo quid est absurdius? itaque mittamus novissimum scoliorum poesis commentatorem et ipsi rem denuo aggrediamur.

Scolia fuisse carmina convivalia diserte traditur ab omnibus; cf. Etym. Magn. s. v. σκολιά· τὰ συμποτικὰ ἄσματα. Phot. s. v. σκολιόν· ἡ παροίνιος ἀδή. Hesych. s. v. σκολιόν· τὴν παροίνιον ἀδὴν οὕτως ἔλεγον. Eustath. 461, 22: σκόλιον εἰς αὐτοὺς ('Αλ-κμαιωνίδας) ἤδετο, ἤγοῦνν μέλος τι ἐψάλλετο παροίνιον τοιοῦτον. Cramer, Anecd. Oxon. IV 314. 6: καλεῖται (σκολιόν) δὲ ἐποίνιον. Pollux Onomast. VI 108: καὶ παροίνια δὲ ἄσματα ἡν καὶ σκολιά.

Quem locum novissimum miro quodam modo interpretati sunt viri docti. putant enim duo discerni hoc loco carminum genera: παροίνια et σκολιά (cf. Ilgen pp. LXXI et CXCIV, Hallström p. 31, Grim p. 42, Bernhardy I<sup>4</sup> p. 73, Koester de cant. pop. p. 70 adn. 1, Runck p. 13, Ulrici II 377 adn. 223, Bode II 2 p. 457 alii). sed perperam. nam verba non haec significant: 'et παροίνια et σκολιά erant', sed: 'etiam σκολιά erant

carmina convivalia' (ἄσματα παροίνια), id quod luce clarius colligitur et e totius loci indole et ex iis, quae antecedunt §. 107: τῶν μέντοι συμποτικῶν καὶ αἴνιγμα καὶ γρῖφος, ubi τῶν μέντοι συμποτικῶν idem valet atque illud παροίνιον <sup>25</sup>).

Id vero mihi proferendum esse videbatur contra Ilgenium ceterosque, quia illi hoc nixi loco demonstrare studebant παροίνια et σχολιά carmina fuisse inter se prorsus diversa. attamen id neque hoc neque alio veterum loco comprobatur; nam quae Pollux alio loco (IV 53), quem ad unum omnes neglexerunt, enarrat poesis lyricae genera, ubi παροίνια et σχολιά discernuntur, tam perturbata confusaque sunt, ut omnem fidem huic loco derogemus necesse sit. sed quo melius id intellegatur, totum apponam locum: τὰ δὲ ποιήματα καὶ ἀδαὶ καὶ ἄσματα καὶ μέτρα καὶ λόγοι ἔμμετροι, έπη, ήρωεῖα, έξάμετρα, δαψωδία, έλεγεῖα, πεντάμετρα, τρίμετρα, έπιγράμματα, ἴαμβοι, ἰαμβεῖα, ἀνάπαιστα, μέλη χορικά, τετράμετρα, στροφή, αντίστροφος, έπωδός, ύμνοι, προσόδια, παιάνες, δαφνηφορικά, τριποδηφορικά, διθύραμβοι, ίθυφαλλικά, ώσχοφορικά, παροίνια, Ιόβακχοι, ύπορχήματα, θρίαμβοι, ἐπιλήνια, έπιλοίμια, παρθένεια, έπιθαλάμια, έγκώμια, έπίνικοι, σκολιά, θρηνοι, σιλλοί κωμωδία, τραγωδία, πάροδος, στάσιμον, έμμέλεια, κομματικόν, έξοδος, εὐκτικά, έμβατήρια, ὑμέναιος, νόμοι, προοίμια, προαύλια, προνόμια, ἴουλοι, οὐλαμοί, οὅπιγγοι, λίνος, ἐπιμύλιος ἀδή, ἵμερος καὶ ἵμαδος, καὶ δ δὲ ἄδων ἵμαοιđóg. iam quicumque hanc nominum legerit seriem, concedet nihil auctoritatis inesse in Pollucis verbis, cui certe non in animo fuit singula poesis distinguere genera, sed quotquot reperire potuit afferre nomina, incuriosus utrum certam quandam rationem sequeretur in iis enumerandis necne, quam ob rem bis posuit unum idemque genus, cum diversis id significaretur nominibus.

Contra autem si Procli partitionem poesis melicae (Phot. bibl. cod. 239 p. 319, 32) sat aptam inspicimus, παφοίνια non

<sup>25)</sup> Codex Pollucis Parisinus 2670, quem Bekker A vocat, pro παροίνια habet συμποτικά, qua scriptura comprobatur nostra loci interpretatio.

esse commemorata videmus: περί δὲ μελικής ποιήσεως φησίν, ώς πολυμερεστάτη τε και διαφόρους έχει τομάς. & μέν γαρ αὐτῆς μεμέρισται θεοῖς, & δὲ ἀνθρώποις, & δὲ εἰς τὰς προσπιπτούσας περιστάσεις. καλ είς θεούς μέν αναφέρεσθαι ύμνον, προσόδιον, παιᾶνα, διθύραμβον, νόμον, άδωνίδια, ίόβακχον, ύπορχήματα: είς δε άνθοώπους εγκώμια, επινίκους, σκολιά, ερωτικά, επιθαλάμια, ύμεναίους, σίλλους, θρήνους, ἐπικήδεια· εἰς θεοὺς δὲ καλ άνθρώπους παρθένια, δαφνηφορικά, ώσχοφορικά, εύκτικά. — Alter locus e Procli chrestomathia depromptus (Phot. cod. 239 p. 321, 3): τὸ δὲ σκολιὸν μέλος ἤδετο πεοὶ τοὺς πότους· διὸ καὶ παροίνιον αὐτὸ ἔσθ' ὅτε καλοῦσιν falso explicatur ab Ilgenio p. CXCV sic disputante: 'cum dicat έσθ' ότε καλούσιν, videtur nihil aliud velle, quam scolia interdum quidem vocari παροίνια, quia sicut παροίνια canerentur περί τοὺς πότους, sed nomen illud alii generi competere'. at num Proclus dicturus erat nomen alii generi competere? minime; nihil aliud enim dicere voluit ille nisi scolia interdum nominari carmina convivalia, quo nomine non aliud carminum genus significatur, sed carminum argumentum exprimitur. conferas etiam schol. ad Aristoph. Vesp. v. 1240: τούτω τί λέξεις σκολιόν τοῦτο οί μεν 'Αλκαίου, οί δε Σαπφοῦς. οὐκ ἔστι δέ, άλλ' έν τοῖς Πραξίλλης φέρεται παροινίοις. quo ex loco apparet non diversa carminum genera fuisse παροίνια et σχολιά, nam quod Aristophanes ipse distincte nominat σχολιόν, depromptum est e Praxillae carminibus convivalibus, itaque recte B. Stark (Quaestion. Anacreont. libri duo. Lips. 1846 p. 8) contra Ilgenium haec disputavit: 'quod Ilgenius aliud genus carminum convivalium σπολιά, aliud παροίνια putaverit, . . . id nulla scriptorum auctoritate nititur. apparet enim παροίνια nihil aliud, quam universe carmina inter scyphos cantata significavisse, quorum species fuerint σχολιά'.

Sed iam redeamus, unde orsi sumus. cum enim iam constet scolia fuisse carmina convivalia, circumspiciamus oportet, quae carminum genera in conviviis cantata sint: seiunctis enim iis, quae aperte scoliorum vim ac naturam prodere non videntur, fortasse nobis continget, ut certo possimus definire, quae carmina sint scolia.

De carminibus convivalibus tres in primis exstant loci apud veteres scriptores, quorum maior pars tradit tria fuisse carminum convivalium genera, ac primus est Dicaearchi locus supra iam allatus: Δικαίαργος έν τῷ περί μουσικῶν ἀγώνων, ὅτι τρία γένη ἦν ὢδῶν (scil, συμποτικῶν)· τὸ μὲν ὑπὸ πάντων ἀδόμενον, (τὸ δὲ) καθ' ενα εξῆς, τὸ δὲ ὑπὸ τῶν συνετωτάτων, ὡς ἔτυγε τη τάξει, δ δη καλείσθαι διά την τάξιν σκολιόν. alter est Artemonis locus apud Athen. XV 694 Β: ἀλλὰ τριῶν γενῶν όντων, ως φησιν 'Αρτέμων ο Κασανδρεύς έν δευτέρω βιβλίων χρήσεως, έν οίς τὰ περί τὰς συνουσίας ἦν ἀδόμενα, ὧν τὸ μὲν πρώτον ήν, δ δη πάντας ἄδειν νόμος ήν, τὸ δὲ δεύτερον, δ δη πάντες μεν ήδον, ου μην άλλά γε κατά τινα περίοδον έξ ύποδογής, τρίτον δε και την έπι πασι τάξιν έγον, οξ μετείγον ούκέτι πάντες, άλλ' οί συνετοί δοχούντες είναι μόνοι κτέ. vides iam utroque loco aperte tria carminum convivalium genera discerni. 26) tertium autem locum, qui exstat in Plutarchi quaest. sympos. I 1. 5, usque adhuc ad unum omnes falso interpretati esse videntur dicentes Plutarchum idem quod Dicaearchum et Artemonem statuere. sed totum locum apponere mihi liceat: έπεί τοι καὶ τὰ σκολιά φασιν οὐ γένος ἀσμάτων εἶναι πεποιημένων άσαφως, άλλ' δτι πρώτον μεν ήδον ώδην του θεου κοινώς απαντες μια φωνη παιανίζοντες, δεύτερον δ' έφεξης έκάστω μυρσίνης παραδιδομένης, ην αίσακον οίμαι διὰ τὸ ἄδειν τον δεξάμενον έκάλουν, έπι δε τούτω λύρας περιφερομένης δ μεν πεπαιδευμένος ελάμβανε και ήδεν άρμοζόμενος, των δ' άμούσων οὐ προσιεμένων, σκολιὸν ώνομάσθη τὸ μὴ κοινὸν αὐτοῦ μηδε δάδιον. quem locum ad unum omnes, quod sciam, interpretati sunt ita, ut dicerent verbis πρώτου μέν κτέ. primum, δεύτερον δὲ κτέ. alterum, ἐπὶ δὲ τούτω κτέ. tertium significari carminum convivalium genus. ad δεύτερον δέ autem ex antecedentibus φδην ήδον suppleri iubebant (cf. Ilgen p. CLV).

<sup>&</sup>lt;sup>26</sup>) Cur Ulrici l. c. II 378, Bode II 2 p. 456 adn. 2, Baehr in Paulyi encycl. s. v. σχολιόν tria scoliorum genera distingui utroque loco contendant, non video.

sed perperam. duo enim tantummodo genera discernuntur, quoniam enuntiati constructio sic procedit: ὅτι πρῶτον μὲν... ἦδον, δεύτερον δε έφεξης μυρσίνης παραδιδομένης και έπι τούτω (praeterea) λύρας περιφερομένης δ πεπαιδευμένος έλάμβανε και ήδεν, σχολιον ἀνομάσθη, necessario autem verba sic esse construenda intellegitur inde, quod puncto post ἐκάλουν posito sententia a verbis ἐπὶ δὲ τούτω incipiens sensu iusto caret; nam et particula őzi deest, neque ea quae antecedunt possunt intellegi, quod sententia principalis 'σχολιον ώνομάσθη' desideratur. accedit quod voce έφεξης, quae secundum Ilgenii aliorumque interpretationem non ad scolia, sed ad alterum carminum genus referenda est, aperte a Plutarcho ratio, qua in scoliis canendis utebantur, significatur, cum his pergat ille verbis: ἄλλοι δέ φασι την μυρσίνην οὐ καθεξής βαδίζειν. quae cum ita sint, luce clarius apparet Plutarchum vel, ut rectius dicam, auctorem, quem ille secutus est hoc loco, non cum Dicaearcho et Artemone facere, qui tradunt tria fuisse carminum convivalium genera: primum, quod ab omnibus simul, alterum, quod ab omnibus ex ordine, tertium, quod non ab omnibus, sed a doctissimo quoque ordinis respectu non habito cantatum sit.

Sed ut misso interim Plutarchi loco de Dicaearchi sententia — nam Artemonem Dicaearchi verba repetere patet — disputemus, vehementer dolendum est, quod ille afferre omisit, quae cuique generi carmina sint attribuenda, id quod sine dubio est gravissimum. qua de re primus disputavit Ilgen p. CLII sqq., cuius disputationis summa haec est: initium canendi fiebat paeane h. e. carmine in dei alicuius honorem, quem omnes uno ore canebant. alterum genus erat  $\delta\pi\delta$   $\pi\delta\nu\tau\omega\nu$   $\dot{\epsilon}\delta\delta\mu\epsilon\nu\nu\nu$   $\kappa\alpha\vartheta$ '  $\dot{\epsilon}\nu\alpha$   $\dot{\epsilon}\xi\tilde{\eta}s$ , quo continebantur Stesichori, Simonidis aliorumque praestantissimorum poetarum carmina; in primis vero Anacreontis suspicatur Ilgen et alia eius generis odaria ad hos usus adhibita esse. quibus carminibus nomen fuisse opinatur  $\pi\alpha\rhoou\nu loig$ . tertium denique genus fuisse scolia, quae a singulis non ex ordine, sed prout arbitrium convivatoris tulerit, cantata sint. quamquam Ilgenium hic sibi ipsum obloqui facile intelleges, si ea respexeris,

quae p. LXXI dixit: 'cantionum convivalium duo tantum refert Pollux genera, quorum alterum vocat παροίνια ἄσματα, alterum σκολιά; sed addi possunt παιᾶνες et κῶμοι, ita, ut quattuor genera istorum carminum habeamus'. sed hac re, quae est levioris momenti, missa inquiramus, num Ilgen rem in universum recte explicaverit.

Ac conviviorum initio paeanem vel hymnum ab omnibus simul cantatum esse inter omnes constat, cf. Plut. l. c.: πρῶτον μεν ήδον ώδην του θεου κοινώς απαντες μια φωνή παιανίζοντες. Athen. XIV 627 F: άλλὰ μὴν οί ἀρχαῖοι καὶ περιέλαβον έθεσι και νόμοις τούς των θεων υμνους άδειν απαντας έν τοίς έστιάσεσιν<sup>27</sup>). quid autem statuendum sit de altero et tertio carminum convivalium, quorum mentionem facit Dicaearchus. genere, multo difficilior est haec quaestio, cum ille ne uno quidem exposuerit verbo, quae carmina ad alterum illud genus pertinerent, quod si Ilgen affirmat ἄσματα παροίνια ad alterum genus, scolia ad tertium referenda esse, haec mera est coniectura, quae iis locis, quos ille affert, non fulcitur. 'finitis', inquit, 'deorum laudibus convivator ei, qui primo loco accumbebat, citharam tradebat eumque iubebat aliquid canere: cf. schol. Aristoph. Nub. v. 1358 (1355): έν τοῖς συμποσίοις κύκλω τοῖς έστιωμένοις δ έστιάτωρ διδούς λύραν έκέλευεν ἄσαι ωδήν', qui autem eo scholio explicantur versus hi sunt:

ποῶτον μὲν αὐτὸν τὴν λύοαν λαβόντ' ἐγὰ 'κέλευσα ἄσαι Σιμωνίδου μέλος, τὸν Κοιόν, ὡς ἐπέχθη.

<sup>27)</sup> Iam Alcman dicit in frgm. 24 (Bergk.):

Φοίναις δὲ καὶ ἐν θιάσοισιν ἀνδοείων παρὰ δαιτυμόνεσσιν πρέπει παιᾶνα κατάρχειν.

Lacedaemoniorum morem describit Philochorus apud Athen. XIV 630 F: ξθος.., ἀν δειπνοποιήσωνται καὶ παιανίσωσιν, ἄδειν καθ' ἕνα Τυςταίου κρίνειν δὲ τὸν πολέμαρχον καὶ ἄθλον διδόναι τῷ νικῶντι κρέας. cf. praeterea Plato Symp. 176 A, Xenoph. Symp. 2. 1, Plut. quaest. symp. VII 8. 4, Athen. V 179 D.

Qui loci primo aspectu vel maxime Ilgenii sententiae favere videntur: verbo enim κύκλω idem significatur, quod voce εξης apud Dicaearchum. sed collato scholio ad Aristoph. Vesp. v. 1222: τὰ σκόλι' ὅπως παραδέξη: ἐν κύκλω γὰρ ἦδον τὰ σκολιά, ἄ εἰσι παροίνιοι ώδαί, atque alio scholio ad eundem versum: ἀρχαίον έθος έστιφμένους ἄδειν ἀκολούθως τῷ πρώτφ, εἰ παύσαιτο τῆς φδης, τὰ έξης και γὰο δ έξ ἀρχης δάφνην η μυρρίνην κατέχων ήδε Σιμωνίδου ή Στησιχόρου μέλη άχρις οὖ ήθελε καὶ μετὰ ταῦτα, ὧ έβούλετο, έδίδου ούχ ὡς ἡ τάξις ἀπήτει. καὶ ἔλεγεν ο δεξάμενος παρά τοῦ πρώτου τὰ έξῆς, κάκεῖνος ἐπεδίδου πάλιν, φ έβούλετο, διὰ τὸ πάντας οὖν ἀπροσδοκήτως ἄδειν καὶ λέγειν τὰ μέλη, σχολιὰ εξοηται διὰ τὴν δυσχολίαν, intellegitur ea Stesichori Simonidisque carmina, quae in conviviis canebantur, non ad alterum genus, quod Ilgenio appellare placuit παροίνια, sed ad scolia esse referenda (cf. scholium posterius), quae, si fides est habenda scholio priore loco allato, vulgo ordine orbiculato canebantur: fidem autem habendam esse docet locus Plutarchi supra allatus, qui item scolia ἐφεξής, docentque Aristoxenus et Phyllis, qui ea παρά μέρος έξης cantata esse affirmant. quae cum ita sint, apparet Ilgenii argumenta parum valida esse, et videndum est, num omnino fuerit alterum illud carminum convivalium genus.

Etenim quae erant carmina in conviviis cantata? praeter hymnos convivii initio ab omnibus simul cantatos valde adamabantur carmina Stesichori et Simonidis (Aristoph. Nub. v. 1356 et schol. ad Aristoph. Vesp. v. 1222), deinde Alcaei (Aristoph. Vesp. v. 1234 cum schol.), Anacreontis aliorumque qui passim commemorantur poetarum lyricorum, denique selecta quaedam ex Homeri, Aeschyli, Euripidis aliorumque eius modi poetarum carminibus (Aristoph. Nub. vv. 1364 et 1371, schol. Aristoph. Nub. v. 1364). quo ex numero secernenda sunt nobis ea, quae sunt poetarum epicorum et tragicorum, nam profecto ne unus quidem locus exstat, quo haec carmina appellentur scolia. quae autem restant carmina lyrica, num quaeso quid reperiri potest, quo cogamur, ut ea in duo digeramus genera, quorum alterum

ab omnibus convivis ex ordine, alterum a nonnullis tantummodo cantatum sit? equidem nihil reperire possum. an tu serio putas carmen quoddam Alcaei vel Anacreontis ab omnibus potuisse cani, scolia autem in Harmodium, Admetum, Aiacem alia tantum a doctissimis? minime. itaque neque e re logica alterum illud poesis convivalis genus defendi potest, et, quod Ilgen de nomine  $\pi\alpha \varphi o i \nu \iota \alpha'$  ut illius generis proprio dixit, id iam satis superque refutasse nobis videmur (p. 50 sqq.).

Sed etiam alia ratione demonstrari potest, quae carmina fuerint scolia. etenim optima via, qua certum quoddam poesis genus cognoscatur eiusque natura recte explicetur, ea esse videtur, ut accurate inquiratur in ea huius generis carmina, quae nobis sunt servata, atque exploretur, quae sit eorum forma quaeque argumenta. quae cum ita se habeant, primum inquiramus in scoliorum metra.

Quae Bergk collegit scolia triginta diversissimis sunt composita metris. quamquam notandum esse videtur in dimidia fere eorum parte unum idemque reperiri metrum. scolia enim, quae sunt apud Bergkium inde a primo usque ad quartum decimum, ad hanc normam sunt composita:

conferas exempli gratia scolium VII:

είθ' έξην όποιός τις ην έκαστος τὸ στηθος διελόντ', ἔπειτα τὸν νοῦν ἐσιδόντα, κλείσαντα πάλιν, ἄνδρα φίλον νομίζειν ἀδόλως φρενί.

idem autem metrum deprehenditur in Aristoph. Eccles. v. 938 sqq., ubi iuvenis quidam canit carmen, quod sine dubio ortum est ex imitatione scolii a nobis modo allati:

είθ' έξην παρά τη νέα καθεύδειν, και μη 'δει πρότερον διασποδησαι ἀνάσιμον ἢ ποεσβυτέοαν.
οὐ γὰο ἀνασχετὸν τοῦτό γ' έλευθέοφ.

de metro ipso C. O. Mueller, Hist. litt. Graec. I<sup>3</sup> 317 adn. 120 sic disputavit: 'Die Hendekasyllaben beginnen mit einer gewissen Bequemlichkeit und Schlaffheit; aber mit dem dritten Verse tritt durch den anapästischen Eingang ein lebhafter Aufschwung ein, der in dem anmuthigen Paare logaoedischer Reihen im Schlussverse sich in ein schönes Gleichgewicht schaukelt'. quibus adde quae R. Westphal (Metrik II 9 774) disputavit: 'In der älteren Skolienpoesie wurde eine mit 2 Phalaeceen beginnende tetrastichische Strophe, die wahrscheinlich auf die lesbische Lyrik oder Anakreon zurückzuführen ist zu einer oft wiederholten Form: Die ganze Strophe ist eurhythmisch eine Verbindung von 2 hexapodischen, 2 dipodischen und 2 brachykatalektischen tetrapodischen Reihen'. haec igitur Mueller et Westphal. sed iam quaeso conferas Athenaei (XIV 625 C) locum, ex quo comperimus Pythermum primum adhibuisse modulos Ionicos eosque in scoliis componendis: φασί δὲ Πύθερμον τὸν Τήιον ἐν τῷ γένει τῆς άρμονίας αὐτῷ τούτω (scil. τῷ Ἰαστὶ γένει) ποιῆσαι σκαιὰ (σκολιά restituit Casaubonus) μέλη· καὶ διὰ τὸ εἶναι τὸν ποιητὴν Ἰωνικον Ἰαστὶ κληθήναι την άρμονίαν. Pythermi deinde Athenaeus commemorat versum hunc:

οὐδὲν ἦν ἄρα τἄλλα πλὴν δ χουσός.

qui versus eandem formam metricam praebet, quam tredecim quae sequuntur in editione Bergkiana scolia, qua de causa iustae locus est suspicioni haec scolia omnia modulis Ionicis decantata esse. quae si vera sunt, tum non e Lesbiaca poesi haec stropha repetenda est, id quod Westphal l. c. suspicatur, sed ex Ionum poesi, quod altero loco idem statuit, quamquam pro Anacreonte potius Pythermum huius strophae auctorem afferre debebat, quem ante Anacreontem vixisse <sup>28</sup>) probabile est.

<sup>28)</sup> Cf., quae de hac re paulo infra disputabimus.

Scolia XVII—XX exhibent binos versus logacedicos non ita multum differentes a versu quarto scoliorum, quae modo tractavimus. hoc enim eorum est schema:

Scolium Timocreontis (Bergk PLG III 3 1204) duobus versibus 29) continetur epitrito-trochaicis sic conformatis:

Scolium XV stropham quae vocatur Alcaicam exhibet, scolium XVI constat e quattuor ordinibus logacedicis ita dispositis:

Quinque scolia (XXI—XXVI), quae Praxillae poetriae ascribuntur, binos versus habent asclepiadeos maiores, atque eodem metro compositum est easdemque fere ac Praxillae carmina continet sententias carmen illud Seleuci, τοῦ τῶν ἱλαρῶν ἀσμάτων ποιητοῦ (cf. Áthen. XV 697 D):

κάγὼ παιδοφιλήσω· πολύ μοι κάλλιον ἢ γαμεῖν· παῖς μὲν γὰο παρεὼν κὴν πολέμω μᾶλλον ἐπωφελεῖ.

Scolium XXVII distichon, quod dicitur, elegiacum est. scolium XXVIII carmen est duarum stropharum, quarum utraque quinis versibus logacedicis constat, itemque scolia XXIX et XXX versibus constant logacedicis.

Ex his, quae modo exposuimus, iam apparere puto scolia ad certa quaedam metra astricta non fuisse idque tantummodo in iis componendis observatum esse, ut paucis versibus singula absolverentur carmina. neque certam omnibus scoliis melodiam communem fuisse iam ex antiquae artis musicae indole apparet,

<sup>29)</sup> Dicendum potius scolium quattuor versibus constare. ego Bergkium secutus sum, qui duos tantum versus constituit.

quoniam non eadem potuit esse melodia in carminibus metris diversissimis compositis.

Ac ne pilo quidem accuratius, quam metra et moduli, definita erant argumenta, quae in scoliis tractabantur. qua de re videas quae Eustathius 1574, 14 tradidit: μυρία δὲ τοιαῦτα (σπόλια) περιφέρονται τὰ μὲν σκωπτικά, τὰ δὲ πρὸς ἔρωτα, πολλά δὲ καὶ σπουδαία. praeter ea conferas locos, quos p. 47 sq. attulimus 30), et Zenobium I 18: 'Αδμήτου μέλος' τὸ εἰς 'Αδμητον ἀδόμενον μέλος πένθιμον.... ἐκ τότε οὖν σκολιὰ καὶ πενθήση ποὸς τὸν Αδμητον ήδοντο μέλη, μέχρις αν ή Κόρη άνέπεμψεν "Αλκηστιν (cf. schol. Arist. Vesp. v. 1239), quo loco quasi in eodem genere ponuntur σχολιά et πενθήση μέλη. porro si scolia, quae nobis servata sunt, respexeris, videbis contineri iis preces (1-5), facta praeclara carmine celebrata (9-14), sententias et praecepta paucis versibus expressa (7, 8, 15-26), alia, quae, sive cum Eustathio in tres distribuimus partes: scolia cavillatoria, amatoria, seria, sive cum Ilgenio facimus, qui scolia cavillatoria, amatoria, historica, mythica, precatoria, moralia, politica, laudatoria, potatoria distinguit (p. CLXXVIII sq.), aperte demonstrant quodlibet argumentum potuisse tractari scoliis.

Videmus igitur neque metro vel melodia neque certis quibusdam argumentis scolia esse insignita ita, ut possint discerni his rebus ab aliis carminibus similibus. quid igitur faciendum? num desperandum est futurum esse, ut umquam explicetur scoliorum vis ac natura? minime mea quidem sententia. hac enim ipsa re, quod scoliorum prae ceteris carminibus convivalibus nihil proprium est, inducimur, ut sumamus et παροίνια et σκολιά, haec enim vulgo duo carminum potatoriorum statuuntur genera, scoliorum nomine fuisse appellata. vides nos in disputando ad eandem pervenisse sententiam, quam ut amplecteremur, ante eramus coacti. facere autem non possum, quin hoc loco Grimii afferam verba

<sup>30)</sup> Addi potest locus Athen. Χ 427 D: ἦν ἀπ' ἀρχῆς τὸ μὲν σπένδειν ἀποδεδομένον τοῖς θεοῖς, ὁ δὲ κότταβος τοῖς ἐρωμένοις... διὸ καὶ τὰ σκολιὰ καλούμενα μέλη τῶν ἀργαίων ποιητῶν πλήρη ἐστίν.

(l. c. p. 42), qui quamquam tantummodo quasi praeteriens egit de hac re, tamen verum praesagiisse videtur: 'cum scolia illa carmina dicerentur, quae ultimo loco inter scyphos nullo accubitionis ordine servato a doctissimo quoque ad lyram canerentur, cum praeter hoc unum nihil nobis traditum sit vel in argumenti natura vel in formae aut numerorum positum, quo scolia generaliter ab aliis carminibus, nisi haec ipsa, ut paeanes, certam aliquam notam habeant, discerni possint, facile apparet omne huius modi iudicium (scil. quod Ilgen fecit, qui παροίνια et σκολιά distinguenda esse dicit) lubricum esse et incertissimum, atque omnia fere carmina pro scoliis usurpari et cantari potuisse. equidem vehementer dubito, num scolia certum aliquod ac distinctum carminum convivalium genus fuerint.' quae rectissime se habere, partim iam sumus conati demonstrare, partim ex iis, quae modo disputaturi sumus, elucebit.

Etenim iam, cum scoliorum nomen explicaremus, suspicati sumus carmina vetustissima Aeolica cantilenas fuisse convivales et scolia appellata esse. quae res facile veterum potest comprobari testimoniis. ac primum quaeso Aristophanis versum inspicias ab Athenaeo XV 694 A servatum: ἄσον δή μοι σκολιόν τι λαβών 'Αλκαίου κ' 'Ανακρέοντος, deinde Aristotelis locum Polit. III 9. 5, qui haec habet: οἶον εἴλοντό ποτε Μιτυληναίοι Πιττακὸν πρὸς τοὺς φυγάδας, ὧν προειστήκεσαν 'Αντιμενίδης καὶ 'Αλκαῖος ὁ ποιητής. δηλοῖ δ' 'Αλκαῖος, ὅτι τύραννον εἴλοντο τὸν Πιττακὸν ἔν τινι τῶν σκολιῶν μελῶν 'ἐπιτιμᾶ γὰρ ὅτι '

τον κακοπάτοιδα

Πιττακὸν πόλεως τᾶς ἀχόλω καὶ βαφυδαίμονος έστάσαντο τύραννον μέγ' έπαινέοντες ἀολλέες.

quod fragmentum Bergk recte quidem inter scolia (frg. 37 A p. 942) rettulit, sed a carminibus stasioticis separavit. quod num iure fecerit, dubito. erat enim μέλος simul στασιωτικόν et σκολιόν. neque vero alterum pendet ab altero. nam carminis argumentum significamus, si στασιωτικόν nominamus, sin σκολιόν μέλος dicimus, carmen convivale esse indicatur. stasiotica autem in epulis cantata esse confirmatur Aristoph. Vesp. v. 1230 sqq:

έγὰ δέ γε, έὰν ἀπειλῆ, νὴ Δί' ἕτερον (scil. σκολιόν) ἄσομαι. ὧνθοωφ' οὖτος ὁ μαιόμενος τὸ μέγα κράτος, ἀντρέψεις ἔτι τὰν πόλιν, ἀ δ' ἔχεται δοπᾶς.

quos ad versus scholiasta haec adnotavit: ὧνθρωφ' δ μαινόμενος παρά τὰ 'Αλκαίου' ώνηρ οὖτος δ μαιόμενος τὸ μέγα πράτος, άντρέψει τάχα τὰν πόλιν α δ' ἔγεται δοπας. άντλ τοῦ ζητῶν μέγα κράτος ούτω δ' Aloλείς, et ad vers. 1235: άνατρέψεις άνατρέψεις ταχέως την πόλιν, ήτις πρός τοῦτο δέπει. έκ των 'Αλκαίου δε παρωδεί είς Κλέωνα ώς μαινόμενον. unde apparet ea quoque carmina, quae στασιωτικά vocantur a grammaticis, scolia et fuisse et appellata esse. nonne vero id certissimum argumentum est totam poesim veterem Aeolicam olim fuisse convivalem, ita ut carmina scoliorum nomine possent significari? qui autem poesis melicae fragmenta edenda curaverunt. partim veterum grammaticorum exempla secuti, partim suo arbitrio plura genera constituerunt: παροίνια, συμποτικά, έρωτικά alia; et recte quidem, modo teneamus his nominibus argumenta tantum carminum significari, uno autem posse comprehendi eius modi carmina convivalia nomine i. e. nomine scoliorum 31).

Sed etiam apud alias Graeciae gentes hic illic carmina convivalia in universum scolia appellata esse manifestum fit Antiphanis verbis apud Athen. XV 695 F:

'Αρμόδιος ἐπεκαλεῖτο, παιὰν ἤδετο, μεγάλην Διὸς σωτῆρος ἄκατον ἦρέ τις.

quibus versibus veri simile fit scolium illud celeberimum in Harmodium etiam ut paeanem cantatum esse. nam scolia ab omnibus etiam simul cantata esse ut paeanes tradit Clem. Alex. 72, 3 S: σκολιὸν ήδετο κοινῶς ἀπάντων ἄμα φωνῆ παιανιζόντων. conferatur etiam Athen. I 23 E: Θεόπομπος

<sup>31)</sup> Quae cum ita sint, apparet Ilgenium falsum esse dicentem p. CXCVI pessime egisse Nauzeum, quod Alcaei carmina inter scolia rettulisset.

έπίνομεν μετὰ ταῦτα κατακείμενοι μαλακώτατ' έπὶ τοικλινίφ Τελαμῶνος οἰμώζοντες ἀλλήλοις μέλη.

ubi Τελαμῶνος μέλη sunt scolia in Telamonem et Aiacem cantata (scol. 17 et 18 Bergk). atque idem colligi posse videtur e Plat. Gorg. 451 E: οἶμαι γάο σε ἀπηκοέναι ἐν τοῖς συμποσίοις ἀδόντων ἀνθοώπων τοῦτο τὸ σκολιόν, ἐν ινῶ παταριθμοῦνται άδοντες, ὅτι ὑγιαίνειν μὲν ἄριστόν ἐστι κτέ., unde apparet omnes convivas simul illud scolium cantasse. porro nonne mirum in modum quinque scolia, quae ab Athenaeo primo loco afferuntur, cum hymnis concinunt? quis autem haec carmina scolia esse contenderet, nisi forte fortuna ab Athenaeo inter cetera scolia afferrentur? quamquam enim hae cantiunculae differunt ab hymnis qui vulgo dicuntur eo, quod breviores sunt, tamen quin ab omnibus simul cantatae sint, nullo pacto dubitari potest.

Denique si demonstrari potest vel carmina convivalia elegiaca inter scolia numerata esse, non amplius licet dubitare, quin quodlibet carmen lyricum in symposiis cantatum appellatum sit scolium. atque inter scolia ab Athenaeo servata hoc reperitur distichon elegiacum:

ἔγχει καὶ Κήδωνι, διάκονε, μηδ' ἐπιλήθου, εἰ δὲ χοῆς ἀγαθοῖς ἀνδράσιν οἰνοχοεῖν.

falso enim Ilgen p. 95 descripsit huius carminis metrum, quamquam paulo post (p. 97) de ea re dubitans ipse haec adiecit: 'quoties certo lego Athenaei textum, toties aures meae in numerum elegiacum inclinant.' primus autem e libris manuscriptis distichi formam restituit Dindorf in editione Athenaei a se curata. ac distichon carminum melicorum instar cantari potuisse colligitur ex Athen. XIV 620 C, quamquam hoc loco non de carminibus convivalibus agitur: Χαμαιλέων δ' ἐν τῷ περί Στησιχόρου καὶ μελφ-δηθηναί φησιν οὐ μόνον τὰ Ὁμήρου, ἀλλὰ καὶ τὰ Ἡσιόδου καὶ ᾿Αρχιλόχου, ἔτι δὲ Μιμνέρμου καὶ Φωκυλίδου. Κλέαρχος δ' ἐν τῷ προτέρῳ περί γρίφων τὰ ᾿Αρχιλόχου, φησίν, δ Σιμωνίδης δ Ζακύνθιος ἐν τοῖς θεάτροις ἐπὶ δίφρου καθήμενος ἐρραψώδει

Αυσανίας δ' έν τῷ πρώτῷ περὶ ἰαμβοποιῶν Μνασίωνα τὸν ραψῷδὸν λέγει ἐν ταῖς δείξεσι τῶν Σιμωνίδου τινὰς ἰάμβων ὑποκρίνεσθαι. et ib. XIV 619 B: ἤδοντο δὲ ᾿Αθήνησι καὶ οἱ Χαρώνδου νόμοι παρ' οἶνον, ὡς Ἦμππός φησιν ἐν τῷ ἕκτῷ περὶ νομοθετῶν ³²).

Quibus ex locis videmus etiam carmina elegiaca, iambica, alia iustis modulis decantata esse in symposiis, quae carmina scolia nonnumquam appellata esse testis est scolium XXVII. recte igitur statuit Welcker affirmans etiam in Theognidis carminibus, qualia nunc habemus, inesse scolia 33). apte enim partes quaedam selectae e poetae Megarensis elegiis cani poterant in conviviis (cf. Welcker in prolegg. ad Theogn. edit. p. XCVH sq.). ac de symposiaca elegia scripserunt Fr. Osann in Symbol. ad histor. litt. Graec. et Lat. I p. 38 sqq. et Nicol. Bach 'De symposiaca Graecorum elegia' in programmate Fuldensi 1837, qui, quamquam nihil conferunt ad nostram rem, tamen in eo consentiunt, quod scolia ipsa, quamquam proprie ad Aeolicum uéloc referantur, tamen nonnumquam elegiacam quoque induisse formam statuunt. quae cum ita sint, iam dubium non esse videtur, quin omnes illae breves cantilenae convivales, quae primum ab Aeolibus excultae postea a ceteris quoque gentibus Graecis adamatae sunt, scolia sint habenda et appellanda.

At, dicat aliquis, quid de Dicaearchi sententia iudicandum est? num tu fictum esse statuis, quod ille de scoliis a peritissimo quoque nullo ordinis respectu habito cantatis dixit? nequaquam, sed putaverim Dicaearchi explicationem ad posteriora re-

<sup>32)</sup> cf. Plut. de mus. 8: ἐν ἀρχῆ ἐλεγεῖα μεμελοποιημένα οἱ αὐλφδοὶ ἦδον et Theogn. v. 239 sqq.:

<sup>.....</sup> Φοίνης δὲ καὶ εἰλαπίνησι παφέσση ἐν πάσαις, πολλῶν κείμενος ἐν στόμασιν. καί σε σὺν αὐλίσκοισι λιγυφθόγγοις νέοι ἄνδφες εὐκόσμως ἐφατοὶ καλά τε καὶ λιγέα ἄσονται.

<sup>&</sup>lt;sup>33</sup>) De Theognidis scoliis conferas etiam, quae disputavit Leutsch, Philol. XXX p. 218.

ferendam esse tempora, quibus, quin revera scolia modo illo artificioso cantata sint, non est quod dubitemus. quae res ut clarius demonstretur, inspiciamus locum unicum, quo scolia a singulis convivis cantata proferuntur. exstat autem apud Aristophanem in Vesp. v. 1220 sqq., ubi convivii legitur descriptio, in quo scolia canuntur. sed cum summum huius loci videatur esse momentum, eum integrum exscribam:

- ΒΔΕ. αὐλητρις ἐνεφύσησεν. οι δὲ συμπόται εἰσιν Θέωρος, Αἰσχίνης, Φανός, Κλέων, ξένος τις ἕτερος πρὸς κεφαλῆς 'Ακέστορος. τούτοις ξυνὼν τὰ σκόλι' ὅπως δέξει. ΦΙΛ. καλῶς.
- ΒΔΕ. ἄληθες; ΦΙΛ. ώς οὐδεὶς Διακρίων δέξεται.
- ΒΔΕ. ἐγὰ εἴσομαι· καὶ δὴ γάο εἰμ' ἐγὰ Κλέων, ἄδω δὲ ποῶτος 'Αομοδίου· δέξει δὲ σύ. οὐδεὶς πώποτ' ἀνὴο ἔγεντ' 'Αθήναις —
- ΦΙΛ. οὐχ ούτω γε πανούργος (οὐδὲ) κλέπτης —
- ΒΔΕ. τοῦτὶ σὰ δράσεις; παραπολεῖ βοώμενος φήσει γὰρ ἐξολεῖν σε καὶ διαφθερεῖν καὶ τῆσδε τῆς γῆς ἐξελᾶν. ΦΙΛ. ἐγὰ δέ γε, ἐὰν ἀπειλῆ, νὴ Δί' ἔτερον ἄσομαι. ὧνθοωφ', οὖτος ὁ μαιόμενος τὸ μέγα κράτος, ἀντρέψεις ἔτι τὰν πόλιν · ἀ δ' ἔχεται ὁοπᾶς.
- ΒΔΕ. τί δ', ὅταν Θέωρος πρὸς ποδῶν κατακείμενος ἄδη Κλέωνος λαβόμενος της δεξιᾶς 'Αδμήτου λόγον, ὧταῖρε, μαθὼν τοὺς ἀγαθοὺς φίλει, τούτω τί λέξεις σκολιόν, ΦΙΔ. ωδικῶς ἐγώ, οὐκ ἔστιν ἀλωπεκίζειν, οὐδ' ἀμφοτέροισι γίγνεσθαι φίλον.
- ΒΔΕ. μετὰ τοῦτον Αἰσχίνης ὁ Σέλλου δέξεται, ἀνὴο σοφὸς καὶ μουσικός κἆτ' ἄσεται · χρήματα καὶ βίον
  Κλειταγόρα τε κά μοὶ μετὰ Θετταλῶν —
- ΦΙΛ. πολλά δη διεκόμπασας σὸ κάγώ.

Quo ex loco apparere dicit Ilgen hunc fuisse scoliorum recitandorum morem (p. CLX sqq.): qui primo loco accumbebat, cantabat scolium, quo finito citharam tradebat alii ex convivantibus nullo ordinis respectu habito, qui idem argumentum tractabat variatis verbis et sententiis, iisdem tamen, si fieri poterat, numeris: hic tertio, cui volebat, citharam tradebat ex ordine, et sic fieri poterat, ut quinquies, sexies ac vel decies scoliorum orbis instauraretur, haec fere Ilgen, sed mihi iterum atque iterum Aristophanis locum tractanti non contigit, ut tale quid elicerem. num enim Ilgen fortasse putavit vocem δέχεσθαι in versibus 1222 et 1243 significare 'scolia recipere ita, ut idem tractetur argumentum variatis tantummodo verbis?' an ad illam sententiam adductus est versu: οὐδεὶς πώποτ' ἀνὴο ἔγεντ' 'Αθήναις, quo continuari putabat scolium in Harmodium modo cantatum? sed licet concedatur hunc versum ad Harmodium spectare, tamen non sequitur hanc principalem cantionum formam fuisse; nam subsequitur statim Alcaei scolium, quod neque eodem metro neque de eodem argumento compositum est, quo Harmodii scolium, porro num tu dubitabis Ilgenii explicationem verbi δέγεσθαι abicere, si versum 1243 inspexeris? nam Aristophanes Aeschinem cantum excepturum esse dicit et carmen ipsum, quod cantaturus est Aeschines, affert. at num eodem metro compositum est carmen illud, num eo idem tractatur argumentum quod scolio antecedente?

Sed iam totius loci contextum consideremus. filius igitur patri primum cuiusdam scolii versum dicit, pater autem non idem scolium recitat, sed alius scolii verba, quibus scolii sententia ridiculum in modum immutatur. atque eodem utique modo versus 1245—1248 explicandi sunt. contra autem vv. 1236—1243 Theorus totum scolium cantans<sup>34</sup>) fingitur, ad quod Philocleo alio scolio respondet. iam si quis quaerat, quae

<sup>&</sup>lt;sup>34</sup>) Quamquam enim primum tantum versum recitat, tamen totum scolium eum cantasse tibi fingas oportet, quod non ad primum versum, sed ad totius scolii sententiam respondet Philocleo.

redundent ex hoc loco, haec sunt. antiqua scoliorum vis ac natura etiam e poetae comici verbis perspicitur. nam convivarum unusquisque carmen, quodcumque vult, canit nullis metri, argumenti, recitandi ordinis astrictus legibus. neque tamen Aristophani in animo fuit accurate describere, quo modo scolia vulgo cantarentur, sed facete scolia singula quodam modo cohaerentia finxit ita, ut alterum alterius responsum contineret vel ut prioris scolii versus primus continuaretur verbis posterioris scolii. qua in re quamquam huius loci vis comica inest, tamen nihil, quod scoliorum proprium ac peculiare fuerit, profertur. iure igitur Ulrici l. c. II 379 adn. 232 negat scolia inter se cohaesisse, id quod opinatur Ilgen, atque ita pergit: 'Wenn trotzdem so etwas vorkam, so ist es nur ein Spiel des Scharfsinnes (wie Aristoph. Vesp. 1220)'.

Sed etiam inter scolia ipsa servata quaedam repperisse sibi visus est Ilgen, quae suam confirmarent opinionem, dico scolia in Harmodium Aristogitonemque et Aiacem. ac scolia in Harmodium ille (p. CLXVI) ita cantata esse putat, 'ut secundum scolium (i. e. stropham alteram) ab alio cantum a primo excipiente  $(\delta \varepsilon \xi \alpha \mu \epsilon \nu \varphi)$  et tertium (i. e. tertiam stropham) ab eo, ad quem a secundo canendi officium delatum erat, ad imitationem primi tum in re tum in numero adiectum esse putandum sit', et opinatur ea tantummodo scolia posse dici perfecta, quae varias eiusdem sententiae exornationes exhibeant, quod de scoliis in Harmodium esse statuendum.

Sed antequam inquiramus, quid ex scolio in Harmodium de scoliorum natura in universum redundet, scolium illud ipsum accuratius tractemus, quod quo facilius procedat, totum mihi carmen liceat apponere:

Έν μύρτου κλαδί το ξίφος φορήσω, ἄσπερ 'Αρμόδιος καὶ 'Αριστογείτων, ὅτε τον τύραννον κτανέτην, ἰσονόμους τ' 'Αθήνας ἐποιησάτην. Φίλτατ' 'Αρμόδι', οὖ τί που τέθνηκας, νήσοις δ' ἐν μακάρων σέ φασιν εἶναι, · ἵνα περ ποδώκης 'Αχιλεύς, Τυδεΐδην τέ φασιν ἐσθλὸν Διομήδεα.

Έν μύρτου κλαδί τὸ ξίφος φορήσω, ὅσπερ 'Αρμόδιος καὶ 'Αριστογείτων, ὅτ' 'Αθηναίης ἐν θυσίαις ἄνδρα τύραννον 'Ίππαρχον ἐκαινέτην.

Αλεὶ σφῷν κλέος ἔσσεται κατ' αλαν, φίλτατ' 'Αρμόδιος καὶ 'Αριστογείτων, ὅτι τὸν τύραννον κτανέτην, ἰσονόμους τ' 'Αθήνας ἐποιησάτην.

Cuius carminis unam tantum stropham Ilgen opinatur potuisse condi a poeta Callistrato, quem auctorem carminis esse scimus ex Hesychio s. v. 'Αρμοδίου μέλος · τὸ ἐπὶ 'Αρμοδίφ ποιηθέν σκολιον ύπο Καλλιστράτου ούτως έλεγον, primum quod in nullo scolio plures fuerint strophae (cf. p. 59), deinde propter argumentum scolii ipsum. 'quae', inquit, 'huius scolii habentur a viris doctis strophae tertia et quarta, eae sunt imitationes primi scolii, vel quae esse putatur, strophae primae. quis enim ferret carmen per plures strophas deductum non plus quam unam sententiam tractans et in verbis tantum nonnihil variatum?' quod si Ilgen opinabatur omnia scolia fuisse monostropha, egregie falsus est. quamquam enim carmina convivalia plerumque brevia fuisse consentaneum est, tamen plures etiam in singulis fuisse strophas demonstrari potest scolio XXVIII (B), quod e duabus strophis constare omnes viri docti consentiunt. deinde qui, quaeso, potest afferri veterum locus, quo ex una tantummodo stropha scolia constitisse tradatur? multo autem rectius observata sunt, quae de carminis argumento protulit Ilgen. neque enim quemquam fugere potest primae strophae versus duo priores in tertia, posteriores in quarta repeti stropha, deinde prima stropha idem quod tertia, altera idem quod quarta dici

nemo non videt. quibus rebus Bergk commotus esse videtur, ut Ilgenium secutus quattuor in Harmodium scolia distingueret, contra Fritzsche (quaest. Aristoph. p. 50 sqq.), Schneidewin, Hartung unius scolii formam servaverunt (cf. etiam Grim p. 48 adn. 24).

Iam qui carmen in quattuor distribuunt scolia, dubitant, quam stropham principalem huius scolii formam quasque imitatione expressas esse putent. ac Bergk quidem Ilgenium secutus principem cantilenam fuisse censet scolium alterum, cum scholiasta ad Aristoph. Acharn. v. 980 haec adnotet: ἐν ταῖς τῶν πότων συνόδοις ήδόν τι μέλος Αρμοδίου καλούμενον, ού ή άρχή. φίλταθ' 'Αρμόδι', οὕ τί που τέθνηκας, sed minime manifestum est verba οὖ ή ἀρχή ad omnia simul, id quod opinatur Bergk, referenda esse carmina, immo probabilius est scholiastam alterum tantum carmen respexisse, id quod comprobatur etiam eo, quod simili modo schol. Aristoph. Lys. v. 632 verbis ἐκ τοῦ σκολιοῦ primum tantum significavit carmen, quo loco simul evincitur primam stropham Aristophani notam fuisse. alterius autem strophae Aristophanes altero quoque Acharnensium loco (v. 1093) mentionem iniecit, ubi inter res ad cenam necessarias saltatrices commemorantur, quas poeta τὰ φίλταθ' 'Αρμοδίου dicit scolii illius verbis lepide in usum suum conversis. Aristophanis igitur temporibus duas minimum strophas exstitisse apparet.

Sed, ut haec mittamus, stropham, quam primo posuimus loco, revera principem atque ab ipso Callistrato compositam esse iam eo mihi quidem evinci videtur, quod primum ei assignavit locum Athenaeus. adde quod ita comparata est ea stropha, ut, si eam cum ceteris contuleris, primariam eam fuisse facile concedas. quam ob rem non dubito, quin Hesychii verba s. v. 'Aquodiov μέλος ad hanc stropham sint referenda. quod si mecum statueris, iam quo modo ceterae ortae sint strophae, sic fere explicari potest. principi strophae nescio quis alteram adiecit, qua Harmodium laudibus extolleret. deinde tertius quartam et Harmodii et Aristogitonis laudes continentem addidit, quam ut conecteret cum prima et secunda, tertiam inseruit, qua primam

aliquantum variatam repetiit. simul vero id egisse videtur, ut binis, quae iam exstabant, strophis binas opponeret. sic ex uno quattuor facta sunt carmina ita disposita et conexa, ut unum efficere viderentur poema ex duabus binarum stropharum compositum partibus.

Quod si Ilgen opinabatur hoc solo in scolio scoliorum naturam posse cognosci in eo sitam, ut idem ab unoquoque conviva tractaretur argumentum immutatis tantum verbis ac sententiis, falsus est. nam in scoliis poetarum Aeolicorum, qui primi hoc poesis genus excoluerunt, tale quid reperiri nequit, et si concedimus scolium in Harmodium eo modo, quo Ilgen vult, cantatum esse, num id ad scoliorum naturam pertinuisse statuendum est? nonne libero convivantium arbitrio relictum erat, utrum ille, qui in canendo sequeretur primum, idem tractaret argumentum necne?

Simili modo iudicandum est de scoliis in Aiacem, quorum tria exstare opinio est:

παῖ Τελαμῶνος, Αἶαν αἰχμητά, λέγουσί σε ἐς Τοοΐαν ἄριστον ἐλθεῖν Δαναῶν μετ' ᾿Αχιλλέα. deinde:

τὸν Τελαμῶνα πορῶτον, Αἴαντα δὲ δεύτερον  $\mathring{\epsilon}_S$  Τροΐαν λέγουσιν  $\mathring{\epsilon}$ λθεῖν Δαναῶν καὶ ᾿Αχιλλ $\mathring{\epsilon}$ α $^{35}$ ).

Le Alcaei versum huc spectare putant commemoratum

denique Alcaei versum huc spectare putant commemoratum ab Hephaestione 61:

Κοονίδα βασίληση γένος Αἴαν, τὸν ἄριστον πέδ' ἀχιλλέα (φαϊσιν ἐς Τροΐαν τῶν Δαναῶν ἔλθεμεν supplevit Bergk, ἐς Τροΐαν λέγουσιν ἐἐλθεῖν Δαναῶν μέτα Hartung)

sane mirandum est omnes viros doctos conclamare hos versus, quod ad sensum attineat, variationes unius eiusdemque rei esse. nam in prima stropha Aiacem post Achillem fortissimum virum inter Danaos fuisse poeta dicit, in altera autem narratur Tela-

 $<sup>^{35}</sup>$ ) Sic codices praebent. quo autem iure Bergk scripserit  $\mu\epsilon\tau\dot{\alpha}$ , equidem non perspicio.

monem in prima, Aiacem et Achillem in secunda expeditione Troiana interfuisse, quae quidem scolia arte cohaerere non potest negari, sed idem in utroque non dici nemo non videt, quod autem ad versum Alcaei attinet, omnino pro certo statui nequit, utrum e scolio duorum versuum sit desumptus necne, nam haec sententia ex Homeri II. B 768 deprompta est:

άνδοῶν δ' αὖ μέγ' ἄριστος ἔην Τελαμώνιος Αἴας, όφο, 'Αχιλεὺς μήνιεν' δ γὰο πολὺ φέρτατος ἦεν.

quam etiam longiori cuidam carmini inserere potuit Alcaeus vel hymno vel scolio. quam ob rem dubitari potest, num recte fecerint Bergk et Hartung unum tantum versum ad analogiam scoliorum illorum supplentes. sed utut res se habet, nihil illa scolia conferunt ad Ilgenii opinionem confirmandam.

Age nunc redeamus, unde orsi sumus, etenim supra diximus scoliorum canendorum morem, qualem Dicaearchus describit, posteriorum demum temporum fuisse, neque ullam omnino esse causam, cur eam rem fictam et Dicaearchi commentum putemus. nam ex Aristophanis loco, quem modo tractavimus, colligi potest eius aetate scolia, quamquam non semper eodem modo quo ille finxit, tamen artificiosius recitata esse quam antiquitus, porro si reputamus scoliis in epularum fine fuisse locum, quem postea obtinuerunt aenigmata, griphi, alii lusus his similes, facile patet scolia, qualia describuntur a Dicaearcho, quasi praenuntia illius poesis fuisse, quo factum est, ut carmina illa simplicia olim ab Alcaeo et Anacreonte cantata propter recitandi modum difficilia evaderent atque a peritissimis tantum canerentur hominibus. de aenigmatibus autem conferas ea, quae Plutarchus (Quaest. symp. V init.) disputat, qui in epularum fine aenigmata et similia proponi solere diserte tradit. quibus adde quae Athenaeus exposuit X 448 B-459 C.36) iam si respexeris, quae dicit Athen.

<sup>36)</sup> De hoc argumento scripserunt praeter alios: F. Morawski, de Graecorum poesi aenigmatica. diss. inaug. Monast. 1862, J. Ehlers, Αἴνυμα καὶ γρᾶφος. diss. inaug. Bonnae 1867. idem, de Graecorum aenigmatis et griphis progr. Prenzlav. 1875.

X 457 Ε: ἀλλὰ μᾶλλον τὰς τοιαύτας τῷ πρώτῳ ἔπος laμβείον εἰπόντι τὸ ἐχόμενον ἕκαστον λέγειν, καὶ τὸ κεφάλαιον εἰπόντι ἀντειπεῖν τὸ ἐτέρου ποιητοῦ τινος, εἰ τὴν αὐτὴν εἶπε γνώμην ἔτι δὲ λέγειν ἕκαστον ἰαμβείον κτέ, nonne similes tibi videbuntur hi lusus scoliis, si ea ita, ut Dicaearchus tradit, canebantur? itaque recte Hartung in 'Diar. antiqu. litt.' N. S. IV 559 haec adnotavit: 'Der Einzelgesang war keine Erfindung der Athener, aber die Verwebung dieser Gedichte zu einer Art dramatischen Bezuges, so dass immer das, was der Nächste sang, als Antwort auf den Gesang des Vorgängers gelten konnte, war eine Erfindung der attischen Feinen'.

Facile autem fieri potuit, ut ob hunc canendi morem scolia Attica dicerentur, cf. Athen. XV 693 F: έμέμνηντο δὲ οἱ πολλοί και τῶν ἀττικῶν ἐκείνων σκολιῶν, et Dio Chrysostom. II p. 95  $R: \tilde{\eta} \nu \dot{\eta} \Delta i \alpha$  τὰς τῶν ἀττικῶν σκολιῶν τε καὶ ἐποινίων εύχὰς οὐ βασιλεῦσι πρεπούσας, άλλὰ δημόταις και φράτορσιν ελαροῖς και σφόδρα ἀνειμένοις. itaque quod ab Atticis simplex ille canendi modus novabatur, factum est, ut scolia Aeolica postea Attica appellarentur. et scolia Athenis valde adamata esse intellegitur inde, quod etiam in prytaneo scolia inter cenam canebantur, id quod tradidit scholiasta ad Plat. Gorg. 451 E: 'Adn'νησιν έν τῷ πρυτανείω παρὰ πότον σχολιὰ ήδετο εἴς τινας, ώσπερ είς Αρμόδιον, Αδμητον, Τελαμώνα, cf. Eustath. 326, 36: 'Αδμήτου σπόλιόν τι εν 'Αθήναις ην αδόμενον. minus recte autem Grim p. 10 explicat, cur scolia appellata sint Attica, his verbis: 'haud scio an ex eo haec appellatio nata sit, quod Attici, qua erant elegantia et urbanitate, scoliorum amantissimi in eisque componendis facile principes essent, eoque in omni scolio, quod quidem hoc nomine dignum esset, eadem illa Attica urbanitas et elegantia requireretur.'

Quo modo quibusque adiumentis adhibitis scolia cantata sint, optime edocemur a veteribus scriptoribus. atque ad lyrae wel citharae sonum ea carmina recitata esse tradunt Plut. Quaest.

symp. I 1. 5. schol. Arist. Vesp. v. 1239, Phot. bibl. 321. 3. ubi βάρβιτου pro lyra commemoratur, Pollux Onom. VI 108, Isidor. Pelus. II ep. 146, alii permulti. sed lyram non semper adhibitam esse et pro ea myrti vel lauri frondem canentes in manibus habuisse intellegitur ex his locis: Hesych. s. v. µvoolvns κλάδος η δάφνης παρά πότον μυρρίνης . . . . (suppl. κλώνα vel κλάδον) ήν σύνηθες διδόναι τοῖς κατακειμένοις έκ διαδογής ύπὲρ τοῦ ἄσαι ἀντὶ τοῦ βαρβίτου, idem s. v. ἄδειν πρός μυρρίνην: έθος έν τοις συμποσίοις τον μη δυνάμενον άσαι (scil, προς λύραν) δαφνης κλώνα ἢ μυρρίνης λαβόντα πρὸς αὐτὴν ἄδειν, id. s. v. την έπιδεξιάν περιέφερον έν τοῖς συμποσίοις έπλ δεξιά το πάλαι κιθάραν, είτα μυρρίνην, πρὸς ην ήδον, Clemens Alex. 72, 3 S: οί δὲ μουσικώτεροι καὶ πρὸς λύραν ήδον (scil. τὰ σκολιά), Aristoph. schol. Vesp. v. 1222, Tzetzes de comoed. v. 88, schol. Plat. Gorg. 451 E: unde factum est, ut in proverbii 37) consuetudinem venirent verba πρὸς μυρρίνην ἄδειν, cf. schol. Arist. Vesp. v. 1239: 'Αριστοφάνης έν Πελαργοίς

- δ μεν ήδεν Άδμήτου λόγον ποὸς μυροίνην,
- δ δ' αὐτὸν ἠνάγκαζεν Αομοδίου μέλος.

sed ad tibiam etiam cantata esse scolia conicias e schol. Arist. Vesp. v. 1239, ubi Cratini versus affertur ἐκ Χειφώνων (fr. 10 Mein.) hic:

Κλειταγόρας ἄδειν, ὅταν ᾿Αδμήτου μέλος αὐλῆ.

Frondem autem illam myrteam vel lauream, de qua iam supra sermo fuit, appellatam esse αἴσακον tradunt Hesych. s. v. αἴσακος ὁ τῆς δάφνης κλάδος, ὃν κατέχοντες ΰμνουν τοὺς θεούς, Suid. s. v., Zonar. I 72. quod nomen Plutarchus quamvis pingui Minerva explicat his verbis l. c.: μυρσίνης παραδιδομένης, ῆν αἴσακον, οἶμαι διὰ τὸ ἄδειν τὸν δεξάμενον, ἐκάλουν. aliae huius nominis formae sunt αἴεσχλος κλάδος δάφνης apud Hesychium et αἴεσχος apud Suidam, quamquam utroque loco, num genuina sit ea forma, dubitari potest.

<sup>37)</sup> cf. Zenob. I 19, ubi vide interpretes Gottingenses.

Cur myrteam frondem gestaverit, qui forte canebat, docere studet Dicaearchus apud schol. Arist. Nub. v. 1364: Δικαίαρχος έν τῷ περὶ μουσικῶν ἀγώνων ετι δὲ κοινόν τι πάθος φαίνεται συνακολουθεῖν τοῖς διερχομένοις εἴτε μετὰ μέλους εἴτε ἄνευ μέλους, ἔχοντάς τι ἐν τῷ χειρὶ ποιεῖσθαι τὴν ἀφήγησιν οἴ τε γὰρ ἄδοντες ἐν τοῖς συμποσίοις ἐκ παλαιᾶς τινος παραδόσεως κλῶνα δάφνης ἢ μυρρίνης λαβόντες ἄδουσιν. 38)

Poculum etiam circumlatum esse inter scoliorum recitationem, cui nomen erat ἀδός, testatur Athen. XI 503 Ε: Ὠιδός οῦτως ἐκαλεῖτο τὸ ποτήριον, φησί Τρύφων ἐν τοῖς Ὀνοματικοῖς, τὸ ἐπὶ τῷ σκολιῷ διδόμενον, ὡς ἀντιφάνης παρίστησιν ἐν Διπλασίοις (fr. 1 Mein.):

τί οὖν ἐνέσται τοῖς θεοῖσιν; Β. οὐδὲ ἕν, ἄν μὴ κεράση τις. Α. ἔχε τὸν ຜοδόν, λάμβανε. ἔπειτα μηδὲν τῶν ἀπηρχαιωμένων τούτων περάνης, τὸν Τελαμῶνα, μηδὲ τὸν παιῶνα, μηδ' 'Αρμόδιον.

cuius vocis explicandae periculum facit Eustathius 868, 21: μέλη δὲ διὰ τοῦ ἡτα κατὰ θήλυ γένος ποτηφίου εἶδος ἡν, ὡς ἐν τοῖς ᾿Αθηναίου φέφεται, καὶ ἴσως παφὰ τὸ μέλος, ὁ δηλοῖ τὴν ἀδήν · ἐπεὶ καὶ ἀδὸς παφὰ τῷ αὐτῷ ποτήφιόν τι.

Lyrae, myrti, poculi mentionem consociatam reperimus apud Pollucem in Onomast. VI 108: καλ παροίνια δὲ ἄσματα ἦν καλ σκολιά καλ μυρρίνην ἐπλ δὲξιὰ περιφέροντές τινες καλ ἔκπωμα καλ λύραν ἄδειν ἠξίουν.

<sup>38)</sup> Falsus est Ilgen p. CL dicens scholiastam ad Aristoph. Lysistr. v. 632 morem myrtei rami gestandi repetendum esse ducere a myrto Harmodii et Aristogitonis, qua gladium condidissent, idque non esse veri dissimile. nam loco ab Ilgenio allato tale quid inesse quis quaeso credat? est autem scholium hoc: πρὸς τὸ κομμάτιον, ὅτι ἐκ τοῦ σκολιοῦ ἐστιν ὅτι ἐν μυρσίνφ κλάδφ τὸ ξίφος φορέσομεν (scr. φορήσομεν), ὅσπες Άρμόδιος καὶ ᾿Αριστογείτων. οὖτοι γὰρ ἀπὸ τῶν μυρσίνων κλάδων τὰ ξίφη ἀνασπάσαντες τὸν τύραννον κατέβαλον.

# IV. De scoliorum poetis.

Quoniam de scoliorum origine, nomine, vi ac natura satis superque dictum esse puto, restat, ut brevi in conspectu ponamus nomina eorum, qui praeter ceteros hoc poesis genus excoluisse traduntur a veteribus scriptoribus, sed cum ex iis, quae supra disputavimus, appareat, quam parum accuratam veteres grammatici ipsi scoliorum poesis habuerint notitiam, non sufficit enumerare poetarum nomina a veteribus tradita, sed id opus esse videtur, ut diligenter inquiramus, quo iure et quibus causis permoti grammatici, quibus hac in re utimur testibus, hunc illumve poetam scolia composuisse contenderint. accedit quod magna in ea re laboramus testium paucitate, quam ob rem mirandum non est complures poetas melicos, qui sine dubio eius modi carmina composuerunt, in eorum numero, qui commemorantur a grammaticis, non reperiri; mihi vero de his etiam, quae ad rem faciunt, exponenda esse videbantur. contra si memineris veteres etiam versus elegiacos pro scoliis vendidisse, ut taceam de partibus selectis e tragoediis, quae num revera appellatae sint scolia, vel maxime dubitari potest, magno opere verendum est, ne iustos fines transgrediamur neve poetae cuilibet scolia imputemus. itaque liceat mihi paucis explicare, quo modo scoliorum poesis historiam scribere in animum induxerim.

Scoliorum poesim initio fuisse Aeolicam notum est. qua de re exposuimus eo loco, quo de scoliorum origine et nomine disputavimus. neque minus notum est postea non solum Aeolicos, verum etiam totius Graeciae poetas scoliis pangendis operam dedisse, itaque in scoliorum poetis enumerandis recte nisi fallor ita agemus, ut primum de poetis Aeolicis dicamus. deinde in tractandis scoliorum poetis Ionicis et Doricis nobis erit demonstrandum, qui factum sit, ut isti poetae leve illud carminum convivalium genus Aeolicum, quod primo aspectu fere pugnare videtur cum poesis Doricae gravitate, brevi tempore reciperent atque excolerent. denique omnibus poetis enumeratis facili negotio poterimus definire, quando poesis scoliorum floruerit, et quomodo factum sit, ut paulatim scoliorum memoria oblitteraretur ita, ut scoliorum neque nomen neque vim ac naturam explicare possent Graeci, quo disputationis ordine constituto vix opus esse videtur, ut moneam me eos poetas, qui versibus elegiacis usi sunt, a scoliorum poetarum numero secludendos esse censuisse. nam aptius illi ab eo tractabuntur, qui quaestionem de elegia symposiaca retractaturus est. itaque si Phocylidis, Theognidis, aliorum nomina hic non reperiuntur, de industria ea omissa esse scito.

# De poetis Aeolicis.

## I. Terpander.

Primus poeta Aeolicus Terpander Lesbius Antissae natus scolia invenisse fertur; cf. Plut. de mus. c. 28: ἔτι δέ, καθάπερ Πίνδαρός φησι, καὶ τῶν σκολιῶν μελῶν Τέρπανδρος εὐρετὴς ἦν. quo autem vixerit tempore Terpander, maxima inter viros doctos est dissensio. etenim alii Glauco Rhegino assentiuntur, alii Hellanico. ac Glauci sententia exstat apud Plutarchum de mus. c. 4: καὶ τοῖς χρόνοις δὲ σφόδρα παλαιός ἐστι (Τέρπανδρος). πρεσβύτερον γοῦν ᾿Αρχιλόχου ἀποφαίνει Γλαῦκος ὁ ἐξ Ἰταλίας κτἔ. et c. 5: μετὰ δὲ Τέρπανδρον καὶ Κλονᾶν ᾿Αρχιλοχος παραδίδοται γενέσθαι. Glaucus igitur Terpandrum Archilocho natu maiorem fuisse tradit. sed contra Glaucum gravissimus testis est Hellanicus, qui ol. XXVI (676 a. Chr.) Terpandrum floruisse dicit; cf. Athen. XIV 635 Ε: τὰ Κάρνεια πρῶτος πάν-

των Τέρπανδρος νικά, ως Ελλάνικος ίστορεί έν τε τοίς έμμέτροις Καονεονίκαις κάν τοῖς καταλογάδην, ἐγένετο δὲ ἡ θέσις τῶν Καρνείων κατά την έκτην και είκοστην Όλυμπιάδα, ως Σωσίβιός φησιν έν τῶ περί γρόνων. Hellanicum igitur secuti sunt plerique viri docti. ac nuper Otto Loewe in libello, cui inscripsit 'De Terpandri Lesbii aetate commentatio' diss. inaug. Halis Sax. 1869, eandem sententiam argumentis undique petitis comprobare studuit, sed Glauci sententiam amplectendam esse luculentissime docuerunt R. Westphal 'Ueber Terpander und die früheste Entwickelung der griechischen Lyrik' (cf. 'Verhandlungen der 17. Versammlung deutscher Philologen' Vratislaviae 1858 p. 51-65) et 'Geschichte der alten Musik' p. 64 sqq., C. Fr. Hermann 'Antiquitat. Lacon. libelli IV' Marburg. 1841 p. 78 sqq., Deuticke 'Archilocho Pario quid in litteris Graecis sit tribuendum', diss. inaug. Halis Sax. 1877 p. 26. quibus adde Susemihlium 'Homeros und Terpandros' in Annal. philol. vol. CIX (1874) p. 649, Bernhardyum I4 358. quae cum ita sint, iam non fore quemquam puto, qui primis olympiadibus Terpandrum vixisse infitias eat. mihi autem haec quaestio paucis attingenda esse videbatur, quoniam permultum nostra interest, utri sententiae adstipulemur, etenim si Terpandrum, cuius poesim satis simplicem fuisse supra demonstravimus, ol. XXVI vixisse sumas, quo modo quaeso id possis explicare, quod paucis olympiadibus post, id est Alcaei et Sapphus temporibus (ol. XLII, cf. A. Schöne 'Untersuchungen über das Leben der Sappho' in Symbol. philol. Bonn. p. 744) poesis melica iam plane exculta est ac perfecta (cf. Bode 1. c. II 2 p. 379)?

De poesi Terpandrea, cum alio loco iam sit expositum, hic commemorare sufficiet inter exigua, quae nobis sunt servata, fragmenta nullum reperiri, quod ad scolia possit referri. neque id mirum. nam in terra Aeolica natus Terpander plurimam vitae partem transegit in Lacedaemoniorum civitate et praeter patria in primis Dorica composuit carmina Dorica usus dialecto.

#### 2. Alcaeus.

De Alcaei scoliis haec exstant testimonia: Aristoteles Polit. III 9, 5: ὅτι εἴλοντό ποτε Μιτυληναίοι Πιττακόν ποὸς τοὺς φυγάδας, ὧν προειστήκεσαν 'Αντιμενίδης καὶ 'Αλκαῖος ὁ ποιητής. δηλοὶ δ' 'Αλκαῖος, ὅτι τύραννον εἵλοντο τὸν Πιττακόν ἔν τινι τῶν σκολιῶν μελῶν ἐπιτιμῷ γὰρ ὅτι '

τὸν κακοπάτοιδα

Πιττακόν πόλεως τᾶς ἀχόλω καὶ βαουδαίμονος ἐστάσαντο τύραννον μέγ' ἐπαινέοντες ἀολλέες.

Athen. XV 694 A: ώς 'Αριστοφάνης παρίστησιν έν Δαιταλεύσι λέγων ούτως ·

ἄσον δή μοι σκολιόν τι λαβὼν Άλκαίου κ' Άνακρέοντος. ad Aristophanis Vesp. v. 1234 sq., ubi Philocleo, qui sese alterum scolium cantaturum esse dicit, hoc profert:

ώνθοωφ', ούτος ό μαιόμενος τὸ μέγα κοάτος, άντρέψεις έτι τὰν πόλιν ά δ' έχεται δοπᾶς.

scholiasta adnotavit: παρα τα 'Αλκαίου et ἐκ τῶν 'Αλκαίου <sup>39</sup>), quibus adde Eustathium 326, 36: ἀπὸ δε τοῦ ὁηθέντος 'Αδμήτου σκόλιόν τι ἐν 'Αθήναις ἦν ἀδόμενον, ὡς καὶ Παυσανίας φησὶν ἐν τῷ οἰκείῳ λεξικῷ λέγων ὡς οἱ μὲν 'Αλκαίου φασὶν αὐτό, οἱ δὲ Σαπφοῦς, οἱ δὲ Πραξίλλης τῆς Σικυωνίας. <sup>40</sup>) Bergk autem (PLG III³ 941 sqq.) XXII scoliorum fragmenta collegit, sed quo iure versus ab Aristophane Vesp. 1234 sq. servatos a scoliis segregaverit carminibusque stasioticis inseruerit, nescio neque magis perspicio, cur versum a scholiasta Platonis p. 377 Bekker traditum: οἶνος, ὧ φίλε παὶ, καὶ ἀλάθεα (cf. Athen. I 37 E) eroticis quam scoliis tribuere maluerit. Hartung (Gr. Lyr. VI 34 sqq.) XVIII Alcaei scolia attulit, sed a Bergkii dispositione hic illic discessit. velut versum a Tzetze ad Lycophronis v. 212 adscriptum: οἶνος γὰρ ἀνθρώποις δίοπτρον, quem Bergk scolii exordium habuit, eroticis assignavit et fragmentum illud, quod Aristoteles

<sup>39)</sup> cf. etiam schol. Thesmoph. v. 162.

<sup>40)</sup> cf. schol. Aristoph. Vesp. v. 1240.

1. c. e scolio quodam depromptum esse aperte dicit, inter stasiotica rettulit. sed haec propter ea tantum commemoravi, ut ostenderem, quam lubricum esset Alcaei fragmenta ad certa quaedam referre genera. 41) patet enim, cum omnia fere Alcaei carmina inter scyphos cantata sint, ita ea esse digerenda, ut aut, si ad argumenta spectas, carmina politica (στασιωτικά). potatoria (παροίνια), amatoria (ἐρωτικά) dignoscas, aut, si occasionem, qua oblata ea canebantur, respicis, ea omnia scoliorum i. e. carminum convivalium nomine complectaris necesse sit. itaque Bergk et omnes ii contra rationem logicam peccaverunt. qui Alcaei carmina convivalia in stasiotica, scolia, erotica dispertierunt. qui error natus est inde, quod illi opinabantur ea tantummodo carmina Alcaei inter scolia esse referenda, in quibus vini et epularum voluptatum mentio fieret - quod quam perversum sit, iam inde apparet, quod scoliorum nomen ad carminis argumentum non pertinet, ut modo paucis diximus et supra accuratius exposuimus.

### 3. Sappho.

Sapphus Mytilenaeae, Alcaei aequalis, carmina a veteribus grammaticis ita disposita erant, ut novem complecterentur libros, quorum in unoquoque ea carmina una legebantur, quae iisdem composita erant metris, cf. Neue, Sapphonis Mytilenaeae fragmenta, Berolini 1827 p. 11 sqq. atque eandem dispositionem recentes quoque Sapphus fragmentorum editores secuti sunt. quod ad carminum argumenta attinet, Sappho confecit hymnos (cf. Menand. Rhet. de encom. I 2 sq., Philostr. Vit. Apoll. I 30, hymn. in Venerem, qui a Dionysio de comp. verb. c. 23 affertur), epithalamia (Dionys. de comp. verb. c. 25, Serv. Verg. Georg. I 31), ἐρωτικὰ μέλη (Paus. I 25, Athen. XIII 605 E, XIV 639 A;

<sup>&</sup>lt;sup>41</sup>) Quo modo Alcaei carmina a grammaticis Alexandrinis fuerint disposita, non sumus edocti, nisi quod decem minimum libros carmina Alcaei comprehendisse comperimus ex Athen. XI 481 A, et duplicem carminum Alcaicorum recensionem, alteram Aristophanis, alteram Aristarchi exstitisse Hephaestio p. 134 tradidit.

cf. etiam carmen pulcherrimum a grammatico illo, qui libellum de sublimitate composuit, sive Dionysius is fuit sive Longinus, servatum [c. 10]). Sapphus carmina quaedam in conviviis cantata esse tradunt Aelianus apud Stob. Flor. XXIX 58: Σόλων δ 'Αθηναίος Έξηκεστίδου παρά πότον τοῦ άδελφιδοῦ αὐτοῦ μέλος τι Σαπφούς ἄσαντος ήσθη τῷ μέλει καὶ προσέταξε τῷ μειρακίφ διδάξαι αὐτόν· ἐρωτήσαντος δέ τινος διὰ ποίαν αἰτίαν τοῦτο έσπούδασεν, δ δε έφη· ίνα μαθών αὐτὸ ἀποθάνω, et Plut. Quaest. symp. VII 8, 2: Σαπφοῦς ἀναδεγομένης καὶ τῶν ἀνακρέοντος έγω μοι δοκώ καταθέσθαι το ποτήριον αίδούμενος. scolia autem re vera appellata esse Sapphus carmina convivalia colligitur inde, quod de Admeti scolio Pausanias in lexico tradidit dubitari, utrum ad Alcaeum vel Sappho an ad Praxillam referendum sit auctorem: cf. Eustath. 326, 36, schol. Arist. Vesp. v. 1240. falso igitur negavit Hartung l. c. VI 8 carmina convivalia potuisse condi a poetriis Aeolicis, quamquam concedendum est pleraque carmina a Sappho condita fuisse eius modi, ut a carminibus convivalibus quam maxime essent aliena, veluti epithalamia, hymenaei, alia, qua de re conferas etiam, quae p. 45 sq. disputavimus.

# De poetis Ionicis.

### I. Pythermus.

Poetarum Ionicorum, qui scolia composuerunt, duorum comperta habemus nomina, Pythermi et Anacreontis. ac Pythermi poetae notitiam debemus Athenaeo XIV 625 C, qui haec tradidit: φασί δὲ Πύθερμον τὸν Τήιον ἐν τῷ γένει τῆς άρμονίας αὐτῷ τούτῷ (i. e. τῷ τῆς Ἰαστὶ άρμονίας γένει) ποιῆσαι σκαιὰ μέλη καὶ διὰ τὸ εἶναι τὸν ποιητὴν Ἰωνικὸν Ἰαστὶ κληθῆναι τὴν άρμονίαν · οὖτός ἐστι Πύθερμος, οὖ μνημονεύει Ἰνάνιος ἢ Ἱππῶναξ ἐν τοῖς ἰάμβοις οὕτως ·

χουσόν λέγει Πύθεομος, ώς οὐδὲν τἄλλα. λέγει δ' οΰτως ό Πύθεομος

οὐδὲν ἦν ἄρα τἄλλα πλὴν ὁ χρυσός.

quo loco pro σκαιά iam Casaubonus scribi iussit σκολιά, quae lectio confirmatur a Diogeniano, qui Proverb. VI 94 hoc versu commemorato addidit: αὖτη ἀρχή ἐστι σκολιοῦ· ἀνατιθοῦσι (leg. ἀνατιθοῦσι) δὲ αὐτὸ Πυθέρμωνι (leg. Πυθέρμω). iam qua aetate vixerit Pythermus non sumus edocti, nisi quod ex Athenaei loco apparet eum ante Ananium et Hipponactem poetas, qui aequales fuisse videntur et circa ol. LX vixerunt (cf. de Hipponacte Plin. N. H. XXXVI 5, 42), floruisse; Pythermi enim in illorum carminibus nomen commemorabatur. itaque etiam ante Anacreontis popularis sui tempora (floruit enim Anacreon ol. LXII, cf. Daub Die Chronologie des Anaximenes und Anakreon' in Annal. philol. vol. CXXI [1880] p. 25 sq.) vixisse eum statuendum est.

Teos urbs, Pythermi Anacreontisque patria, sita erat in ora Lydiae, et sine dubio ex usu consuetudineque, quam habebat cum Lydis, convivalem didicit Pythermus colere Musam atque hac in re praecessit Anacreontem.

#### 2. Anacreon.

Anacreontem ipsum scolia confecisse tradit Athen. XV 694 A, qui ex Aristophanis comoedia  $\Delta \alpha \iota \iota \iota \alpha \lambda \tilde{\eta}_S$  inscripta hunc affert versum:

ἄσον δή μοι σκολιόν τι λαβων 'Αλκαίου κ' 'Ανακρέοντος.

Bergk in Anacreontis carminum reliquiarum editione, quae prodiit Lipsiae a. 1834, postquam hunc locum attulit, ita disputavit p. 13: 'etsi inter epulas a convivis etiam alia carmina vel carminum partes cani solebant, Aristophanem tamen existimo cogitavisse de iis, quae proprie scolia appellabantur' et paulo post (p. 14): 'in reliquiis autem carminum Anacreontis nihil repperi, quod probabili aut certa coniectura ad hoc poesis genus referri possit'. sed hercle non video, quid sibi voluerit Bergk his verbis 'quae proprie scolia appellabantur', nisi forte eum Ilgenii amplexum esse sententiam statuendum est, qui putat carmina Anacreontis fuisse παροίνια, non σκολιά, quam sententiam nullis posse fulciri argumentis demonstravimus. adde qued

Critias poeta apud Athen. XIII 600 DE Anacreontem appellat συμποσίων ἐφέθισμα et addit:

οὖποτέ σου φιλότης γηράσεται οὐδὲ θανεῖται, ἔστ' ἂν ΰδωρ οἴνω συμμιγνύμενον κυλίκεσσιν παῖς διαπομπεύη προπόσεις ἐπιδέξια νωμών κτέ.

quibus versus aperte scolia a convivis cantata significavit.

### 3. Scoliorum poetae Attici.

Ab Atheniensibus scoliorum poesis valde adamari coepta est inde a Pythermi et Anacreontis 42) temporibus. etenim ex scoliis ab Athenaeo nobis traditis duodecim fere aperte Athenis duxerunt originem (nam in aliis Minerva, Ceres, Pan, Apollo, Diana, dii deaeque Athenis in primis culti celebrantur, in aliis res quaedam ad Atheniensium historiam pertinentes tractantur, veluti tyrannicidium Harmodii et Aristogitonis proeliumque ad Lipsydrium commissum). haec autem scolia omnia eodem sunt composita metro, quod adhibuit primus Pythermus (cf. Athen. XIV 625 C).

Sed ex magno sane eorum numero, qui Athenis scolia, quae etiam Attica appellari solebant, confecerunt, duorum tantum nomina comperta habemus. ac Callistratus quidam scolium in Harmodium et Aristogitonem confecisse dicitur, cf. Hesych. s. v. 'Αρμοδίου μέλος' τὸ ἐπὶ 'Αρμοδίφ ποιηθὲν σκολιὸν ὑπὸ Καλλιστράτου οὕτως ἔλεγον. quo de scolio vide quae paulo ante accuratius disputavimus. alter autem, cuius quidem nomen nobis innotuit, scoliorum poeta fuit Meletus, poeta tragicus et Socratis accusator, quem scolia scripsisse Aristophanes dicit Ran. v. 1301 sqq.:

ούτος δ'άπὸ πάντων μὲν φέρει πορνιδίων σκολιῶν Μελήτου, Καρικῶν αὐλημάτων, δρήνων, χορείων. τάχα δὲ δηλωθήσεται.

<sup>&</sup>lt;sup>42</sup>) Anacreontem posteriorem vitae suae partem Athenis degisse notissimum est.

ad quem locum scholiasta haec adnotavit: προείρηται ὅτι τραγικὸς ποιητὴς ὁ Μέλητος. οὖτος δέ ἐστιν ὁ Σωκράτην γραψάμενος. κωμφδείται δὲ καὶ ὡς ψυχρὸς ἐν τῷ ποιήσει καὶ ὡς
πονηρὸς τὸν τρόπον. hoc igitur loco Meletus perstringitur ut
frigidus in poesi, id quod in primis hilari poesi symposiacae
minime convenisse facile intellegitur.

Quod si iam ea, quae de scoliorum poetis Ionicis et Atticis modo diximus, breviter complecti licet, haec sunt: eodem modo, quo Aeoles, etiam Iones e Lydia asciverunt carmina convivalia auctore Pythermo Teio. deinde ab urbe Teo per Anacreontem scolia Athenas translata sunt, ubi mox apud populum tam gratiosa atque usitata esse coeperunt, ut Attica appellarentur.

Ilgen Archilochum Parium, qui primus ex poetis Ionicis usus est iambis, scolia etiam composuisse coniecit; cf. scolia XXXII, XXXIII, XXXVI—XXXVIII. cui sententiae iam dudum nonnulli viri docti adversati sunt, sed hanc solam ob causam, quod Archilochus Terpandro scoliorum inventore natu maior fuit (cf. Bode l. c. II 2 p. 459). quod argumentum haud quicquam valet; nam Terpandrum ante Archilochum vixisse nunc fere inter omnes constat. at si reputaveris nullam omnino mentionem apud veteres fieri carminum convivalium ab Archilocho confectorum, neque in fragmentis servatis ullum hilaritatis symposiacae conspici vestigium, ne tu quidem puto Ilgenio adstipulabere.

# De poetis Doricis.

#### I. Alcman.

Alcman in fragmento XXV B. puellam ita semet ipsum alloquentem facit:

ούκ είς άνηρ άγροικος ούδὲ σκαιὸς οὐδὲ παρὰ σοφοῖσιν οὐδὲ Θεσσαλὸς γένος οὐδὰ ἸΕρυσιχαΐος οὐδὰ ποιμήν, άλλὰ Σαρδίων ἀπ' ἀκρᾶν.

quos versus respexerunt ii, qui contenderunt poetam ex Lydia fuisse oriundum, cf. Alexand, Aetol, in Anthol, Palat. VII 709. alii Laconem eum fuisse affirmant; cf. Heracl. Pont. frg. Pol. 2. Suid. s. v. 'Αλκμάν. de poetae patria dubitant Antipater Thessal. Anth. Palat. VII 18, Leonidas Tarentin. ib. VII 19. sed si respicimus ea, quae dicit Velleius Paterc. I 18: 'Alcmana Lacones falso sibi vindicant', et si eius poesim accuratius inspicimus. nulla potest esse dubitatio, quin e Lydia Spartam venerit Alcman. porro si apud Suidam legimus patrem Alcmanis fuisse Lydum et apud Himerium or. V, 3: 'Αλκμαίων δ'ό την Δώριον λύραν Aυδίοις περάσας ἄσμασιν et apud Apollon. de pron. p. 396 'Alκμάν συνεχώς αloλίζων, intellegimus, quo modo fieri potuerit, ut iam antiquissimus poeta Doricus scolia conficeret. atque huic rei convenit, quod Archytas apud Athen, XIII 600 F et Suidas Alcmanem inventorem carminum amatoriorum appellant: &v έρωτικός πάνυ εύρετης γέγονε των έρωτικών μελών.

De Alcmanis aetate disputavit Theod. Niggemeyer 'De Alcmane poeta Laconico', dissert. phil. Monast. 1869 p. 1—13, qui floruisse poetam inde ab ol. XXVII vel XXX (c. 670 a. Chr.) statuit. sed conferenda sunt, quae contra Niggemeyerum protulit Susemihl in Annal. philol. vol. CIX (1874) p. 661.

Hartung l. c. V 141 sqq. decem Alcmanis fragmenta inter scolia -rettulit. sed difficile profecto et lubricum est e paucis tantum verbis, quibus singula fragmenta constant, carminis naturam definire, praesertim in poeta Dorico, cuius carmina minimam tantum partem fuerunt convivalia ita, ut tutius esse videatur ea poetarum Doricorum carmina sola inter scolia referre, quae in conviviis cantata esse aut veterum testimoniis aut probabili aliqua coniectura confirmari potest.

Attamen scolia confecisse Alcmanem mihi certissimum est atque eodem modo, quo Terpandrum Aeolibus et Pythermum Ionibus, ita Alcmanem Doribus cantilenas illas convivales e Lydia attulisse.

### 2. Hybrias Cretensis.

Quamquam incerta est huius poetae aetas, tamen ex carmine ipso, quod Athenaeus XV 695 F nobis servavit (cf. Eustath. 1574, 7), quodam iure conicias eum septimo a. Chr. n. vixisse saeculo. huic enim aetati quam maxime convenit et sermo carminis et color et quae in eo commemorantur armorum servorumque condicio; cf. etiam M. Schmidt Philol. XIV p. 760 sq., Hoeck, Kreta III pp. 43 et 390<sup>43</sup>).

### 3. Stesichorus.

Stesichori Himerae in Sicilia nati carmina ut scolia cantata esse tradidit scholiasta ad Arist. Vesp. v. 1222, ubi de scoliorum recitandorum ratione agens haec dicit: καὶ γὰο ὁ ἐξ ἀρχῆς δάφνην ἢ μυορίνην κατέχων ἦδε Σιμωνίδου ἢ Στησιχόρου μέλη. cf. etiam Hesych. s. v. τρία Στησιχόρου ἔθος ἦν παρὰ πότον ἄδεσθαι, ὡς καὶ τὰ Ὁμήρου. adde schol. Arist. Nub. v. 179, ubi hic Eupolidis de Socrate affertur versus:

Στησιχόρου πρός την λύραν οίνοχόην ξαλεψεν.

et schol. Arist. Nub. v. 96. sed abiudicat a Stesichoro scolia Welcker, 'Kleine Schriften' I p. 211.

### 4. Simonides Ceus.

Simonidem Julietam Ceum (oll. LVI—LXXVIII) praeter encomia, epinicia, hymnos, paeanes, dithyrambos, parthenia, hyporchemata, threnos (cf. Simonidis Cei carminum reliquiae ed. Schneidewin. Brunsvig. 1835 p. XLV) etiam scolia confecisse apparet non solum e schol. Arist. Vesp. v. 1222, ubi legimus Simonidis et Stesichori carmina ut scolia cantata esse, sed exstat etiam nunc scolium, quod a plerisque scriptoribus Simonidi tribuitur (8 B):

<sup>&</sup>lt;sup>43</sup>) Peculiari libello de hoc scolio egit A. G. Graefenhan (progr. gymn. Mulhusiani 1834), cuius libelli perlegendi copiam mihi non fuisse aegre fero.

ύγιαίνειν μεν άριστον άνδρί θνατῷ, δεύτερον δὲ φυὰν καλὸν γενέσθαι, τὸ τρίτον δὲ πλουτεῖν ἀδόλως, καὶ τὸ τέταρτον ἡβᾶν μετὰ τῶν φίλων.

ad quod scolium Athenaeus XV 694 E haec adnotavit: ἀσθέντος δὲ τούτου καὶ πάντων ἡσθέντων ἐπ' αὐτῷ καὶ μνημονευσάντων ὅτι καὶ ὁ καλὸς Πλάτων αὐτοῦ μέμνηται ὡς ἄριστα εἰρημένου, ὁ Μυρτίλος ἔφη ἀναξανδρίδην αὐτὸ διακεχλευακέναι τὸν κωμωδιοποιὸν ἐν Θησαυρῷ λέγοντα οὕτως.

δ τὸ σκολιὸν εύρων ἐκεῖνος, ὅστις ἦν,'
τὸ μὲν ὑγιαίνειν πρῶτον ὡς ἄριστον ἦν (ὄν Bergk)
ἀνόμασεν ὀρθῶς ὁεύτερον δ' εἶναι καλόν,
τρίτον δὲ πλουτεῖν τοῦθ', ὁρῷς, ἐμαίνετο.
καλὸς δὲ πεινῶν ἐστιν αἰσχρὸν θηρίον.

vides igitur Anaxandridem poetam comicum de carminis huius auctore certi quicquam non tradidisse. nec vero Plato, qui huius scolii mentionem facit Gorg. 451 E, Legg. I 631 C, II 661 A (cf. Euthydem. 279 A, Phileb. 48 D) ad Simonidem hoc carmen rettulit, sed his tantum usus est verbis: δ ποιητής τοῦ σκολιοῦ vel δ τὸ σχολιὸν ποιήσας (Gorg. 452 A). sed scholiasta ad Gorg. 451 E haec adnotavit: τὸ σχολιὸν τοῦτο οί μὲν Σιμωνίδου φασίν, οί δὲ Ἐπιγάομου. similiter schol. ad Aristot. Rhetor. II 21 in Cram. Anecd. Paris. I 290: τὸ ἀνδρὶ δ' ὑγιαίνειν ἄριστον Σιμωνίδου έστιν άπο των σκολιών αύτου έπων, οι δ' Έπιγάρμου. Simonidi tribuunt Clem. Alex. Strom. IV 375: δ μὲν οὖν Σιμωνίδης καθάπεο καὶ 'Αριστοτέλης ύγιαίνειν μέν ἄριστον ἀνδρί γράφει κτέ., Luc. schol. de laps. int. sal. c. 6: τὸ σκολιὸν τοῦτο Σιμωνίδης έποίησεν, Arsen. Violet. p. 456 W: Σιμωνίδου αύται αί παροιμιώδεις γνώμαι (cf. praeter ea Apost. XVII 48 d, Theodor. XI 153).

De Epicharmo auctore Bergk haec dicit: 'quod alii Epicharmo tribuunt, fortasse inde repetendum, quod comicus hoc scolium commemoraverat videturque huc pertinere versus ab

Arist. Rhet. II 21 servatus ἀνδρὶ δ' ὑγιαίνειν ἄριστόν ἐστιν, ὥς γ' ἡμῖν δοχεῖ Dorica ille quidem dialecto orbatus (ubi Meineke Poet. com. III 169, qui et ipse Epicharmo tribuit, ἐμὶν scripsit)'. haec recte se habere confirmatur etiam alio loco, qui exstat apud Lucian. de laps. int. sal. c. 6:

δ Φιλήμων (novae, quam dicunt, comoediae poeta)

αίτῶ δ' ύγείαν πρῶτον, εἶτ' εὐπραξίαν, τρίτον δὲ χαίρειν, εἶτ' όφείλειν μηδενί.

nonne igitur Epicharmus similes panxisse versus potuit, qui ansam dederunt, ut celeberrimum scolium ad ipsum referretur? atque eodem modo explicandum est, si Stobaeus Flor. CIII 9 idem scolium nomine  $\Sigma \varkappa \lambda \eta \varrho lov$  (vel ut Bergk vult  $\Sigma \varkappa l \varrho ov$ ) poetae comici addito attulit.

Quae cum ita sint, non dubitabimus hoc scolium Simonidi tribuere. accuratius autem quid de Simonidis scoliis statuere non licet propter fragmentorum paucitatem. sed vix a vero aberrabimus, si per coniecturam contenderimus Simonidem non solum e more Aeolum scolia paucorum versuum condidisse, sed etiam maiore arte et artificio usum esse in iis conficiendis ita, ut fortasse a Pindari scoliis haud ita multum differrent scolia Simonidis. aequales enim fere erant ambo poetae simulque Athenis versati sunt per longius temporis spatium; denique utriusque poesim haud ita fuisse dissimilem quis est qui nesciat?

#### 5. Timocreon.

Acerbissime invectus est in Simonidis poesim Timocreon Rhodius, qui Themistoclis et Simonidis vixit temporibus; cf. epigr. Anth. Palat. XIII 31:

Κηΐα με προσήλθε φλυαρία οὐκ ἐθέλοντα, οὐκ ἐθέλοντά με προσήλθε Κηΐα φλυαρία.

quibus versibus exagitavit Simonidis illud (Anth. Pal. XIII 30):

Μοῦσά μοι 'Αλκμήνης καλλισφύρου υίὸν ἄειδε' υίὸν 'Αλκμήνης ἄειδε Μοῦσά μοι καλλισφύρου.

sed nec Simonidem pepercisse Timocreonti docet elogium illud

per cavillationem fictum (cf. Athen. X 415 F), quod Simonidem confecisse cognoscimus ex inscriptione in Anthol. Pal. VII 348:

Πολλά πιών καὶ πολλά φαγών καὶ πολλά κάκ' εἰπών άνθοώπους κεῖμαι Τιμοκοέων 'Ρόδιος.

atque etiam cum Themistocle, cuius antea fuerat hospes, Timocreonti simultatem fuisse edocemur iis quae Plutarchus in vita Themistoclis rettulit c. 21 (cf. fr. 1—3 B.).

Hunc igitur Timocreontem scolia scripsisse tradidit scholiasta ad Aristoph. Acharn. v. 532: (Περικλής) ἐτίθει νόμους ὅσπερ σκολιὰ γεγραμμένους adnotans: Τιμοκρέων δὲ δ Ῥόδιος μελοποιὸς τοιοῦτον ἔγραψε σκολιὰν κατὰ τοῦ πλούτου, οὖ ἡ ἀρχή· ὅφελες, ὧ τυφλὲ Πλοῦτε, | μήτε γῆ μήτ' ἐν θαλάττη | μήτ' ἐν ἡπείρω φανῆναι, | ἀλλὰ Τάρταρόν τε ναίειν | κάχέροντα· διὰ σὲ γὰρ | πάντ' ἐν ἀνθρώποις κακά. τούτοις ἔοικε καὶ τὰ ὑπὸ Περικλέους εἰσηγηθέντα, ἐπεὶ δ Περικλῆς γράφων τὸ ψήφισμα εἶπε Μεγαρέας μήτε ἀγορᾶς μήτε θαλάττης μήτ' ἡπείρου μετέχειν. ἐπεὶ οὖν ὅμοια τοῖς Τιμοκρέοντος ἔγραψε, διὰ τοῦτο εἶπεν ὅτι ἐτίθει νόμους ὥσπερ σκολιὰ γεγραμμένους: cf. Suid. s. v. σκολιόν et Isidor. Pelus. Ep. II 146.

#### 6. Praxilla.

Praxilla Sicyonia floruit secundum Euseb. ol. LXXXII (450 a. Chr. n.). scolia eius celeberrima fuisse tradit Athen. XV 694 A: καὶ Πράξιλλα δ' ἡ Σικνωνία ἐθαυμάζετο ἐπὶ τῆ τῶν σκολιῶν ποιήσει, cf. schol. Aristoph. Vesp. v. 1240, Thesmoph. v. 529, Eustath. 326, 46.41)

### (Clitagora?)

Scolii cuiusdam exordium commemoratur ab Aristophane Vesp. v. 1243:

Χοήματα καὶ βίον (codd. βίαν) Κλειταγόρα τε κάμοὶ μετὰ Θετταλῶν —

<sup>&</sup>lt;sup>44</sup>) De Praxillae poesi disputavit in primis Neue 'De Praxillae Sicyoniae reliquiis commentatio' progr. univers. Dorpatensis 1844.

qui versus in scholiis his illustrantur verbis: Κλειταγόρας μέλος λέγουσι το είς αὐτην Κλειταγόραν, ήτις έγένετο ποιήτρια Θετταλή τις γυνή . . . έκ σκολιού τινός έστιν. adde schol. Vesp. v. 1239: Ἡρόδικος δὲ ἐν τοῖς κωμφδουμένοις καὶ τὸν Ἄδμητον ἀναγέγραφε παραθείς τὰ τοῦ Κρατίνου ἐκ Χειρώνων.

Κλειταγόρας ἄδειν, ὅταν ᾿Αδμήτου μέλος αὐλῆ. ᾿Απολλώνιος δὲ ὁ Χαίριδος, ὡς ᾿Αρτεμίδωρός φησι, περὶ μὲν τῆς Κλειταγόρας τῆς ποιητρίας, ὅτι ὡς ἀνδρώνυμον ἀναγέγραφε Κλειταγόραν, ᾿Αμμώνιος ἀπελέγχει αὐτόν, περὶ δὲ τοῦ ᾿Αδμήτου παρείχεν. (re vera id nomen mulieris 45) fuisse apparet ex Aristoph. Nub. v. 684). schol. Lysistr. v. 1237: ὁ δὲ νοῦς ὅτι τὰ ἐναντία λέγομεν ἐαυτοῖς καὶ πράττομεν. ὅταν γάρ τις ἄση ἀπὸ τῶν σκολιῶν Πινδάρου, λέγομεν ὅτι δεῖ μᾶλλον ἄδειν ἀπὸ Κλειταγόρας τῆς ποιητρίας ἡ γὰρ Κλειταγόρα ποιήτρια ἡν Λακωνική, ἦς μέμνηται καὶ ἐν Δαναΐσιν ᾿Αριστοφάνης. Hesych. s. v. Κλειταγόρα · ἀδῆς τι εἶδος καὶ (ποιήτρια) Λεσβία τὸ γένος. cf. Suidam s. v. Κλειταγόρα.

E scholio ad Aristophanis Lysistratam videtur apparere Clitagoram poetriam Doricam scolia composuisse, sed si Aristophanis locum ipsum inspicimus

ώστ' εί μέν γέ τις

ἄδοι Τελαμῶνος, Κλειταγόρας ἄδειν δέον, videmus non poetriae ipsius nomen commemorari, sed mulieris cuiusdam, de qua hoc scolio agitur. ac simili plane modo dicitur ᾿Αδμήτου, Τελαμῶνος, ᾿Αρμοδίου σκολιόυ. licet igitur concedatur scolium illud scriptum esse in Clitagoram, tamen non ausim contendere Clitagoram ipsam, quae Laconica vel Lesbia vel Thessala vocatur, scolia composuisse, cum non habeamus, quibus ea res comprobetur, testes idoneos.

### 7. Bacchylides.

Bacchylidem Iulietam Ceum, Simonidis sororis filium, scolia pepigisse diserto quodam veterum non confirmatur testimonio.

<sup>45)</sup> In Antholog. Pal. VII 657 v. 3 dubitari potest, utrum Κλειταγόρα de viro an de femina dictum sit.

rettulit quidem Hartung l. c. VI 241 sqq. quattuor eius fragmenta inter scolia, atque idem fere statuisse videtur Bergk, qui ea eroticis tribuit, sed ad fr. 27 haec adnotavit: 'rettuli inter erotica, Neue [Bacchydis Cei fragmenta. Berol. 1823] scolium sive paroenium carmen esse putat, at haec arta necessitudine conjuncta sunt.'

#### 8. Pindarus.

Clarissimum poetam lyricum Pindarum Thebanum scoliis componendis operam dedisse veteres auctores tradunt hi: Athen. ΧΙΙΙ 573 F: Πίνδαρός τε τὸ μὲν πρῶτον ἔγραψεν εἰς αὐτὸν έγκώμιον . . . ΰστερον δὲ καὶ σκολιὸν τὸ παρὰ τὴν θυσίαν άσθέν, id. XIV 635 Β: διόπες καλ Πίνδαρον είρηκέναι έν τῷ πρός Ίέρωνα σκολιώ κτέ., id. Χ 427 D: διόπερ και τὰ σκολιὰ καλούμενα μέλη τῶν ἀρχαίων ποιητῶν πλήρη ἐστί. λέγω δ', οἶον καὶ Πίνδαρος πεποίηκε κτέ., schol. Arist. Lysistr. v. 1237: σταν γάρ τις ἄση ἀπὸ τῶν σκολιῶν Πινδάρου, Suid, s. v. 'Αθηναίας, ubi legitur και Πίνδαρος έν σχολή, quod recte iam dudum a viris doctis mutatum est in: ἐν σχολιοῖς, praeter ea scoliorum Pindari mentio fit apud Suid. s. v. Πίνδαρος, ubi poetae carmina sic digeruntur: έγραψεν έν βιβλίοις ιζ Δωρίδι διαλέκτφ ταῦτα ' 'Ολυμπιονίκας, Πυθιονίκας [Νεμεονίκας, 'Ισθμιονίκας], προσόδια, παρθένια, ένθρονισμούς, βακχικά, δαφνηφορικά, παιᾶνας, ύπορχήματα, ύμνους, διθυράμβους, σκολιά, έγκώμια, θρήνους, δράματα τραγικά (ιζ'), ἐπιγράμματα ἐπικὰ καὶ καταλογάδην παραινέσεις τοῖς Έλλησι καὶ ἄλλα πλεῖστα. in Vratislaviensi autem Pindari codice vita poetae legitur, in qua haec tantummodo eius opera enumerantur: γέγραφε δὲ βιβλία έπτακαίδεκα· ύμνους, παι ανας, διθυράμβων β΄, προσοδίων β΄, παρθενίων β΄, φέρεται δε καί γ', δ έπιγράφεται κεγωρισμένων παρθενίων (ex Boeckhii coniectura; codex habet φέρεται δὲ καὶ παρθενίων β΄ καί γ', δ έπιγράφει κεχωρισμένων παρθενίων), ύπορχημάτων β', έγκώμια, δρήνους, έπινίκων δ'. atque eadem habet Eustath. vit. Pind. 34. in codice Vindobonensi histor. Gr. nr. CXXX (olim 174), in quo teste Mommsenio 46) eadem vita Thomae magistri nomine inscripta legitur, verbis illis addita sunt haec: ἀπὸ δὲ τῶν ιζ΄ βιβλίων εἰσὶ καὶ τὰ λεγόμενα προσόδια καὶ παρθένια, πᾶνα (παιᾶνες), ὕμνον (ὕμνοι), διθυραμβικά (διθύραμβοι), σκολιὰ καὶ ἄλλα. quae verba librarium Suida usum addidisse Bergk coniecit (PLG I4 368 n. 3). at ego suspicor librarium, si Suidae verba inspexisset, longe alia carminum genera commemoraturum fuisse; nam ea quae ascripsit librarius genera in hac ipsa vita leguntur scoliis exceptis, quam ob rem haec verba ei ipsi, utpote homini stupido, qui neque Suidam neque alium quemquam curabat, tribuenda esse videntur.

Quod si verba Suidae cum vita, quae est in codice Vratislaviensi, comparamus, videmus septemdecim carminum libros utroque loco commemorari, sed ita, ut, cum apud Suidam tredecim diversa afferantur carminum genera, altero loco novem tantummodo commemorentur. id quod facili negotio explicatur ita, ut statuamus duplicem fuisse carminum Pindaricorum recensionem, quarum condicionem in universum recte intellexisse mihi videtur Boeckh (Pind. II 2 p. 556), qui hoc modo in utraque recensione genera sibi respondisse statuit:

1. υμνοι	ΰμνοι			
2. παιᾶνες	παιᾶνες			
3. διθυράμβων α΄	διθύραμβοι			
4. η β'	βακχικά (δράματα Bergk)			
5. προσοδίων α΄	προσόδια			
6. η β'	ένθοονισμοί (βακχικά Β)			
7. παρθενίων α΄	πα <b>οθ</b> ένια			
8. η β'	δαφνηφορικά			
9. τὰ πεχωρισμένα τῶν	sparsa in ceteris generibus			
παρθενίων				

<sup>&</sup>lt;sup>46</sup>) Cf. 'Scholia Germani in Pindari Olympia e codice Caesareo Vindobonensi edidit, aliorum scholiorum specimina adiecit, epistularum criticarum triadem praemisit Tycho Mommsen' Kiliae 1861. codex ad academiam Hungaricam transmissus hoc tempore Vindobonae non exstat.

10. ὑπορχημάτων α΄ ὑπορχήματα

11. η β΄ δράματα (ένθρονισμοί Β)

12. έγκώμια et σκολιά

13. δρήνοι δρήνοι

14—17.  $\dot{\epsilon}\pi\iota\nu\iota\kappa\omega\nu$   $\delta'$   $\dot{\epsilon}\pi\iota\nu\iota\kappa\omega\nu$   $\delta'$ .

haec satis sagaciter excogitata esse a Boeckhio, quis est qui neget? at restat unum, de quo paulo aliter sentio. etenim non recte fecisse videtur Boeckh, quod ἐγκόμια et σκολιά attulit coniuncta; nam scolia peculiari libro edita fuisse aperte intellegitur e Suidae loco. in altera autem recensione scolia distributa erant sine dubio ita, ut pars hymnorum, pars epiniciorum, pars encomiorum libris inserta esset, qua re explicatur, qui factum sit, ut scolia quasi neglecta esse viderentur in hac recensione. haec igitur si correxeris, altera quae est eius tabulae pars iam haec erit:

9.	ύπορχημάτων	α΄	9.	ύπορχήματα	
10.	n	β΄	10.	δράματα	
11.	έγκώμια		11.	έγκώμια	
12.	ϑϙῆνοι		12.	θρηνοι	
13-16.	έπινίκων δ΄		13 <b>—1</b> 6.	έπινίκων δ΄	
17.	τὰ κεχωρισμές	να	τῶν	sparsa in ceteris gen.	

παρθενίων sa in ceteris ge- 17. σχολιά.

sparsa in ceteris ge- 17. σκολιά. neribus

Sed iam quaerendum nobis est, utra recensio prior sit habenda. ac Boeckh quidem putavit eum ordinem antiquiorem esse, qui pauciora genera complecteretur, cum postea maiore in carminum generibus distinguendis opera posita in plura genera poemata Pindarica distributa essent: et alterum quidem ordinem fluxisse ex Aristophanis, alterum ex Aristarchi recensione. eandem rem Schneidewin in praefat. ad Eustathii vitam Pindari (Gotting. 1837) tractat, qui in universum Boeckhio assentitur, sed in Aristarchi locum potius Callimachum esse substituendum suspicatur. a quibus dissentit Bergk, qui in PLG I<sup>4</sup> 368 'eo ordine', inquit, 'quem Pindari biographi exhibent, quem ego quo-

que ad Aristophanem referendum esse censeo, veteres grammatici ad unum omnes utuntur: inde factum est, ut tituli, qui alterius ordinis peculiares sunt, nusquam in grammaticorum scriptis compareant: igitur consentaneum est alterum ordinem, quem recentiorem existimat Boeckh, non esse ab Aristarcho institutum, sed eundem in usu fuisse, antequam Aristophanes novum in modum digesserit carmina Pindarica: neque tamen ad Callimachum auctorem est referendus, verum is, cum ita digesta repperisset poetae carmina, etiam rettulit in suas tabulas: atque ex hoc πινάπων opere indicem Pindaricorum carminum descripsit is, quem Suidas sequitur.' priorem autem recensionem hominum Atticorum studio confectam esse putat Bergk, cum Pindari carmina iam vulgo vilescerent. in hac igitur recensione Attica comparebant ένθοονισμοί, δαφνηφορικά, βακχικά, σκολιά, in Alexandrinorum recensione ea non amplius videmus esse commemorata, cum aliis carminum generibus essent inserta. attamen, dicat aliquis, licet concedatur nusquam enthronismorum, daphnephoricorum, bacchicorum mentionem fieri ita, ut versus ex iis deprompti afferantur, quid statuendum est de scoliis, quorum haud pauca fragmenta nobis servata sunt ab Athenaeo, qui tribus locis ea aperte scolia appellat? neque vero hanc rem silentio praetermisit Bergk, qui recte mihi animadvertisse videtur Athenaeum, ubi Pindari scolia affert, antiquiores auctores exscripsisse, sed qui accuratius de hac re edoceri volunt, ipsum Bergkii adeant librum; ego satis habeo Bergkio assentiri, qui, si quid sentio, iam olim scripsit verissime in Philol. XIV p. 184 (Philologische Thesen 62): 'Die Skolien Pindar's bilden in den Ausgaben der alexandrinischen Grammatiker keine selbstständige Classe, wol aber in den älteren ἐκδόσεις des Lyrikers'.

Age nunc inspiciamus quae ad aetatem pervenerunt nostram Pindari scoliorum fragmenta satis exigua. unum enim integrius nobis servatum est scolium Xenophonti Corinthio scriptum, cf. Athen. XIII 573 F: Πίνδαρός τε τὸ μὲν πρῶτον ἔγραψεν εἰς αὐτὸν (Ξενοφῶντα) ἐγκώμιον (Olympion. XIII) . . . ὕστερον δὲ καὶ σκολιὸν τὸ παρὰ τὴν θυσίαν ἀσθέν, ἐν ῷ τὴν ἀρχὴν εὐθέως

πεποίηται πρὸς τὰς ἐταίρας, αῖ παραγενομένου τοῦ Ξενοφῶντος καὶ θύοντος τῷ ᾿Αφροδίτη συνέθυσαν κτέ. alterum carmen exstat apud Athen. XIII 601 D Theoxeno Tenedio scriptum, quod miro consensu Pindari editores omnes inter scolia rettulerunt, quamquam nullo loco hoc carmen aperte σκολιόν appellatur. haec enim dicit Athenaeus l. c.: μνησθείς δὲ καὶ τοῦ Τενεδίου Θεοξένου ὁ Πίνδαρος, δς ἡν αὐτοῦ ἐρώμενος τί φησί; sed ne nimium cunctando incertus videar haerere, ego quoque in illorum virorum doctorum discedo partes, praesertim cum nihil insit in hoc carmine, quod non apte in scolio inesse possit.

In utroque carmine, dico scolia Xenophonti Corinthio et Theoxeno Tenedio scripta, conspiciuntur metra dactylo-epitritica, qualia in Pindari epiniciis sescenties reperiuntur. itaque Dorica carminum natura iam e metro apparet, quid autem de singulis strophis sit statuendum, viri docti dissentiunt. etenim Boeckh in utroque carmine epodos posse agnosci putat et hanc ob rem contendit 'scolia Pindarica cantata esse per vices a singulis ad citharam, sed simul acta et saltata a choro cantori parente' (II 2 p. 607), contra Bergk (Acta societatis Graecae, Lips. 1836) I 189 sqq.) demonstrare studuit scolium Xenophonti scriptum monostrophice esse compositum promisitque se alio quaesiturum esse loco, utrum omnino epodos habuerint scolia Pindari necne. nam maximi momenti est ea quaestio, num Pindarus ab usitata et pristina scoliorum Aeolicorum forma tanto opere recesserit, ut compositione monostrophica derelicta carmina chorica constitueret. at non stetit promissis, quod sciam, Bergk, immo sententiam suam postea mutasse videtur: nam, cum l. c. sic disputavisset, ut non possemus non suspicari omnibus eum scoliis Pindari epodos abiudicare, in novissima Pindari editione prioris quidem scolii formam monostrophicam servavit, in altero autem carmine cum Boeckhio epodos statuit. Hartung denique (IV 229 sq.) omnia scolia fuisse monostrophica affirmat Boeckhiumque fabulatum esse de choro, dum scolia canerentur, saltante et tripudiante contendit. atque alterum quidem scolium Theoxeno scriptum facili negotio dividi posse in tres singulas strophas Hartung demonstrasse mihi videtur, praesertim cum reputemus oporteat fragmentum tantum eius scolii exstare. quae cum ita sint, tutius esse videtur statuere strophis, antistrophis, epodis in Pindari scoliis locum non fuisse, quippe cum, si aliter iudicaremus, totum chorum ea carmina cantasse sumeremus necesse esset — id quod ne Boeckh quidem voluit<sup>47</sup>).

Quod si Schneider (Pindari fragmenta Argentor. 1776 pp. 7, 9, 10) scolium Hieroni scriptum nominari etiam ὑποοχηματικόν dicit, quae res, si vera esset, vel maxime faceret ad Boeckhii sententiam fulciendam, id mero Schneideri tribuendum est errori, qui non satis distinxit inter scolium, de quo Athenaeus XIV 635 B et D (cf. XII 512 D) tradit, et hyporchema eidem Hieroni scriptum, e quo pauci illi versus desumpti sunt, quos tradunt inter alios schol. Pind. Nem. VII 1, Pyth. II 127, fr. 105 B.

Quod ad carminum argumenta attinet, memorabilis est locus Athen. XIII 573 F, ubi e Chamaeleontis libro traditur Pindarum primum ἐγκόμιον (Olymp. XIII) misisse Xenophonti Corinthio, deinde σκολιὸν τὸ παρὰ τὴν θυσίαν ἀσθέν. iam quae differentia intercedat inter encomia (sive epinicia) et scolia, haud difficile est dictu. carmen enim Olympiacum XIII choricum et cantatum est, cum victor introiret in urbem et pompa duceretur per nobiliora urbis loca (cf. Dissen Pind. II <sup>2</sup> 155). scolium autem inter sacrificium et epulas sacras canebatur, ut ipse Athenaeus tradit, neque eius argumentum in eo versatur, ut Xenophontis virtus laudibus efferatur, sed amoris epularumque voluptates in

<sup>&</sup>lt;sup>47</sup>) Cf., quae Boeckh II 2 p. 611 dicit de scolio Xenophonti Corinthio scripto: 'nihil elegantius erat hoc, ut a singulis caneretur. statim prima verba, quibus poeta meretriculas alloquitur, si ab uno citharam pulsante cantata censebis, placebunt maxime. neque tamen sine saltatione carmen actum esse, ne de chorica metri ratione dicam, ipsa chori praesentia docet'. quod si ille chorum saltasse contendit uno tantum scolium ad citharam canente, satis mirum id esse videtur neque ullo veterum testimonio confirmari potest, quam ob rem aut totum chorum cantasse et saltasse statuendum est aut singulos convivas.

hoc et in ceteris Pindari scoliis laudantur. atque hac in re, si quid video, differentia quaedam conspicitur inter Pindari et Aeolum scolia, quibus, quae ad historiam, rem publicam, potum, amores pertinebant, vel ut breviter dicam, quaelibet res poterat tractari: apud Pindarum autem non tam late patebat argumentorum varietas. neque id mirum. nam qui longiora carmina condebat eo consilio, ut canerentur in conviviis, in quibus non amplius omnes convivae ex ordine paucos versus ex more antiquo ad lyrae sonum recitabant, sed maioris vel maximi ambitus carmen summa arte compositum cantabatur, is eam materiam tractandam sibi sumere debebat, quae ad ipsum illud convivium spectaret.

Ex iis igitur, quae modo disputavimus, apparet scolia Pindari fuisse carmina convivalia longiora monostrophica, quorum argumenta ad amoris et epularum in primis voluptates pertinebant.

Postquam Athenaeus viginti sex illa scolia, quae iam pluribus locis a nobis sunt commemorata, attulit, sic pergit XV 696 A: τούτων λεχθέντων, ὁ Δημόκριτος ἔφη· ἀλλὰ μὴν καὶ τὸ ὑπὸ τοῦ πολυμαθεστάτου γραφὲν 'Αριστοτέλους εἰς 'Ερμείαν, τὸν 'Αταρνέα, οὐ παιάν ἐστιν, ὡς ὁ τὴν τῆς ἀσεβείας κατὰ τοῦ φιλοσόφου γραφὴν ἀπενεγκάμενος εἰπε Δημόφιλος, εἰς αἰδῶ τε παρασκευασθεὶς ὑπ' Εὐρυμέδοντος, ὡς ἀσεβοῦντος καὶ ἄδοντος ἐν τοῖς συσσιτίοις ὁσημέραι εἰς τὸν 'Ερμείαν παιᾶνα. ὅτι δὲ παιᾶνος οὐδεμίαν ἔμφασιν παρέχει τὸ ἄσμα, ἀλλὰ τῶν σκολιῶν ἕν τι καὶ αὐτὸ εἰδός ἐστιν έξ αὐτῆς τῆς λέξεως φανερὸν ὑμῖν ποιήσω. quae verba iam sequitur carmen illud pulcherrimum, quo Hermiam celebravit Aristoteles. accuratius egit de hoc carmine Bode l. c. II 1 p. 63 sqq., qui id carmen scolium esse negat. neque ege carmen scolium appellaverim; nam Aristotelis temporibus, id quod modo ostendam, iam veterum scoliorum memoria erat oblitterata.

Ab Athenaeo I 3 F, V 186 B Aristoteli, Speusippo, Xenocrati, Xenophani συμποτικοί νόμοι tribuuntur, quo nomine Walther

(Comm. de Graecae poesis melicae generibus p. 24) scolia significari putat. sed neque scolia neque alia carmina melica significare voluit Athenaeus; immo intellegendae sunt 'leges conviviorum moderandorum', id quod apparet ex Athen. XIII 585 B, ubi Gnathaenae νόμος συσσιτικός tribuitur, καθ' δν δεί τοὺς έραστὰς ὡς αὐτὴν καὶ τὴν θυγατέρα εἰσιέναι, κατὰ ζῆλον τῶν τὰ τοιαῦτα συνταξαμένων φιλοσόφων.

Ultimo loco paucis mihi dicendum esse videtur de scoliis, quae a Diogene Laertio tribuuntur septem illis sapientibus. sunt autem haec: Thaletis I 35: τῶν δὲ ἀδομένων εἶναι τάδε (φησὶ Λόβων ὁ ᾿Αργεῖος).

οὔ τι τὰ πολλὰ ἔπη φοονίμην ἀπεφήνατο δόξαν·
ἔν τι μάτευε σοφόν,
ἕν τι κεδυὸν αίροῦ·
παύσεις γὰρ ἀνδρῶν κωτίλων γλώσσας ἀπεραυτολόγους.

Solonis I 61: τῶν δὲ ἀδομένων αὐτοῦ ἐστι τάδε·

πεφυλαγμένος ἄνδοα ἕκαστον ὅρα,
μη κουπτον ἔχθος (codd. ἔγχος) ἔχων κοαδίη,
φαιδοῷ (σε) ποοσενέπη ποοσώπῳ,
γλῶσσα δέ οἱ διχόμυθος
ἐκ μελαίνης φοενὸς γεγωνῆ.

Chilonis I 71: τῶν δὲ ἀδομένων αὐτοῦ μάλιστα εὐδοκίμησεν ἐκεῖνο·

έν λιθίναις ἀκόναις ὁ χουσὸς έξετάζεται διδοὺς βάσανον φανεράν· έν δὲ χουσῷ ἀνδρῶν ἀγαθῶν τε κακῶν τε νοῦς ἔδωκ' ἔλεγχον.

Pittaci I 78: τῶν δὲ ἀδομένων αὐτοῦ μάλιστα εὐδοκίμησε τάδε· ἔχοντα δεὶ τόξον τε καὶ ἰοδόκον φαρέτραν στείχειν ποτὶ φῶτα κακόν·

> πιστὸν γὰο οὐδὲν γλῶσσα διὰ στόματος λαλεῖ διχόμυθον ἔχουσα καοδία νόημα.

Biantis I 85: των δε άδομένων αὐτοῦ εὐδοκίμησε τάδε·

άστοισιν άφεσκε πάσιν, εν πόλει αίκε μένης πλείσταν γὰφ έχει χάφιν αὐθάδης δὲ τφόπος πολλάκι δὴ βλαβεφὰν έξέλαμψεν ἄταν.

Cleobuli I 91: τῶν δὲ ἀδομένων εὐδοκίμησεν αὐτοῦ τάδε· ἀμουσία τὸ πλέον μέρος ἐν βροτοῖσιν λόγων τε πλῆθος· ἀλλ' ὁ καιρὸς ἀρκέσει. φρόνει τι κεδνόν· μὴ μάταιος ἄχαρις γενέσθαι.

eiusdem I 92: (cf. Stob. Flor. III 79)

γυναικὶ μὴ μάχεσθαι, μηδὲ σωφοονίζειν

ἀλλοτοίων παρεόντων

τὸ μὲν γὰρ ἄνοια, τὸ δ'αὖ μανίαν δύναται ἔχειν.

Post Casaubonum Schneidewin in Symbol. crit. poet. lyric. p. 117 sq. haec carmina subditicia esse censuit et in Philol. I 20 sqq. ea ad normam pepli Aristotelii composita esse coniecit a Lobone Argivo, quem falsarium fuisse nuper luculenter demonstravit E. Hiller 'Die litterarische Thätigkeit der sieben Weisen' Mus. Rhen. XXXIII 518 sqq. contra Rossbach et Westphal Metr. II 9 669 nibil posse reperiri in compositione metrica censent, quod carmina non genuina esse redarguat, atque idem fere Bergk (PLG III<sup>3</sup> 968) statuisse videtur: 'mihi Pittaci, Biantis. Chilonis. Thaletis cantilenae antiquitatis laude non fraudandae esse videntur, sed utrum ab iis, quorum nomine circumferebantur, an ab aliis conditae sint, id nemo poterit diiudicare'. iam vero neminem 48) puto hodie futurum esse, qui haec carmina a septem illis sapientibus condita esse contendat, cf. Otto Bernhardt 'Die sieben Weisen Griechenlands' progr. Sorav. 1864 p. 14. ac recte quadam certe ex parte de his carminibus statuit C. O. Mueller, Hist. litt. Gr. I<sup>3</sup> 318 sqq. his usus verbis: 'Die sieben Weisen wollen wir nicht in diese Zahl (der Skoliendichter) aufnehmen, denn wenn der Geschichtsschreiber der alten

<sup>&</sup>lt;sup>48</sup>) Bohren 'De septem sapientibus' diss. inaug. Bonnae 1867 de carminibus, quae illis tribuuntur, nihil omnino protulit; dicit quidem in fine libelli se de hac quoque re disputaturum esse, sed promisso suo usque adhuc, quod sciam, non stetit.

Philosophie, Diogenes Laertius, von Thales, Solon, Chilon, Pittakus und Bias vielgesungene Verse anführt, so müssen wir sehr an der Echtheit dieser Spruchlieder zweifeln. Sie sind nämlich alle in sprachlicher und metrischer Hinsicht wie über einen Leisten gearbeitet, so dass man unter den 7 Weisen eine Art von Verabredung annehmen müsste, in dieser Manier zu dichten und überdies in einer Art von Rhythmen, die erst im Zeitalter der Tragiker gebräuchlich wird. [quod minime verum est; nam iam Stesichorus persaepe talia metra adhibuit, cf. Westphal II 2 667 sqq.] Jedoch ist zu glauben, dass sie in diesem Zeitalter wirklich als Skolien gedient haben, da sie in der heitern und ergötzlichen Art, wie ein Grundsatz des Lebens ausgesprochen wird, grosse Aehnlichkeit mit den Skolien in aeolischer Weise haben. Hiernach wird anzunehmen sein, dass diese Lieder zur Zeit der Tragiker aus überlieferten Sprüchen der älteren Weisen in die Form von Skolien gebracht worden sind'.

Haec igitur Mueller, qui Lobonem ea carmina non composuisse recte intellexit, sed quae de metrica compositione disputavit quaeque de aetate, qua ea carmina orta sunt, exposuit ea reicienda esse apparet. multo rectius enim horum carminum originem ad saeculi quinti initium rettulit E. a Leutsch (Philol. XXX 134), cum omnia uno eodemque metro, Anacreonti maxime usitato, sint conscripta atque idem sit in omnibus sermo veterum Atticorum.

Porro si quaeras, utrum haec carmina conficta sint ex sententiis, quae vulgo septem illis sapientibus tribuebantur, an scolia antiqua diu iam populi ore celebrata, equidem alteri sententiae non dubito accedere. nihil enim in singulis est carminibus, quod ad certa quaedam septem sapientum praecepta referri possit (cf. Leutsch Philol. XXX 133 sq.).

Quae cum ita sint, iam quo modo factum sit, ut carmina illa septem sapientibus tribuerentur, inquirenti haec mihi nata est coniectura. postquam invaluit is mos in libris conscribendis, ut viri clari de aliqua re in conviviis inter se disputantes et philosophantes fingerentur, talia etiam septem sapientum con-

ficta sunt convivia. neque enim primus Plutarchus τῶν ἐπτὰ σοφῶν συμπόσιον composuisse videtur, sed aliorum, qui ante eum similes conscripserant libellos, secutus exempla. facile igitur fieri potuit, ut nescio quis in tali convivio describendo, cum res ad potum venisset, septem sapientes etiam scolia cantantes fingeret atque ex plurimis quae exstabant scoliis dilecta ea singulis tribueret, quae cum moribus eorum quam maxime conspirare viderentur. praecepta autem scoliis illis contineri nemo mirabitur. nam et conveniebat id sapientibus illis et permulta eius modi composita erant scolia, quae quanti aestimata sint colligitur ex iis, quae Athenaeus XV 694 C dicit: καλὴν δὲ ταύτην ἐνόμιζον τὴν παραίνεσιν τέ τινα καὶ γνώμην ἔχειν δοκοῦσαν χρησίμην τε εἰς τὸν βίον.

Iam habes, quidquid de scoliorum poetis a veteribus nobis traditum est. unde, si viam spectas ac rationem, qua scoliorum poesis exculta sit atque amplificata, et aetatem, qua ea viguerit quaque paulatim imminuta sit atque antiquata, haec fere colliguntur:

- I. Scolia a Terpandro Aeole ad imitationem carminum Lydiorum composita in Lesbum insulam ascita sunt.
- II. Fortasse iam a Terpandro, certe non multo post ab Alcmane carmina illa Spartam advecta sunt, quo factum est, ut etiam Dores ea excolerent.
- III. Pythermo auctore Iones scolia noverant, Anacreon Athenienses ea docuit.
- IV. Scolia floruisse videntur usque ad belli Peloponnesiaci finem. nam inde ab hoc tempore, ut tota poesis lyrica esse desiit, ita etiam scoliorum poetae nomen non amplius commemoratur.

Porro illis temporibus morem scoliorum canendorum abolescere coepisse cognoscitur ex Aristophanis Nub. v. 1357 sq., ubi Strepsiades de filio suo haec dicit:

> ό δ' εὐθέως ἀρχαῖον εἶν' ἔφασκε τὸ κιθαρίζειν ἄδειν τε πίνουθ', ὡσπερεὶ κάχρυς γυναῖκ' ἀλοῦσαν.

atque iam in ea fabula, quam primam docuit Aristophanes, Δαιταλῆς dico, poeta adulescentem in scenam induxerat scolia canere recusantem. certe istis bellis homunculis griphi, aenigmata, anagnostae magis arridebant, quam vetera et simplicia scolia, quorum recitationem, si omnino ea canere libebat, ita variabant, ut Dicaearchus aliique tradiderunt.

Deinde Aristoxeni, Dicaearchi, Artemonis temporibus scolia non amplius in usu fuisse colligitur inde, quod illi doctas instituerunt de scoliorum poesi quaestiones — id quod plerumque tum demum fieri solet, cum re, de qua agitur, iam obsoleta verendum est, ne prorsus oblivione obruatur vel certe oblitteretur eius rei memoria.

Plutarchi denique temporibus quid censuerint de scoliorum poesi, apparet e Plut. Quaest. symp. I 1, 5: ἄδειν γὰο ἴσως τὰ καλούμενα σκολιὰ κοατῆρος ἐν μέσω προκειμένου καλ στεφάνων διανεμομένων, οὖς ὁ θεὸς (ὡς) ἐλευθερῶν ἡμᾶς ἐπιτίθησιν, οὐ καλὸν οὐδὲ συμποτικόν.





		•
		•
		•
		•
		·
		•
		•
	•	•



